

ओं नमः परमात्मने, श्री महागणपतये नमः,
श्री गुरुभ्यो नमः, हरिः ओं ॥

कृष्ण यजुर्वेदीय तैत्तिरीय संहिता पद पाठः (वाक्य सहित)

द्वितीयकाण्डे पञ्चमः प्रश्नः

Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site www.vedavms.in

Version Notes:

This is now the current Version 1.0 dated June 30, 2024.

1. This replaces the earlier version 0.3 dated Oct 31, 2022.
2. This version has been updated with the errors found and reported till June 15, 2024.
3. Required convention, style and presentation improvements or standardisations has been done wherever applicable.
4. In this Compilation the Samita Vaakyams have been suitably aligned, synchronised and refurbished in line with "Pada Paatam".

Earlier Versions

1st	Version Number	0.0 dated 30th June 2019
2nd	Version Number	0.1 dated 31st May 2020
3rd	Version Number	0.2 dated 31st Aug 2020
4th	Version Number	0.3 dated 31st Oct 2022

Contents

2 कृष्ण यजुर्वेदीय तैत्तिरीय संहिता पद पाठे द्वितीयं काण्डं4

2.5 द्वितीयकाण्डे पञ्चमः प्रश्नः – इष्टिविधानं.....4

ओं नमः परमात्मने, श्री महागणपतये नमः, श्री गुरुभ्यो नमः

हरिःओं

2 कृष्ण यजुर्वेदीय तैत्तिरीय संहिता

पदपाठे द्वितीयं काण्डं

2.5 द्वितीयकाण्डे पञ्चमः प्रश्नः – इष्टिविधानं

TS 2.5.1.1

वि॒श्वरूपो॑ वै त्वाष्ट्रः॑ पु॒रोहि॑तो दे॒वाना॑मासी॒त् स्व॒स्री॑योऽसु॒राणां॑
तस्य॑ त्रीणि॑ शी॒र्षा॒ण्यास॑न्थ्-सोम॒पान॑ꣳ सु॒रापान॑-मन्ना॒दनꣳ
स प्र॒त्यक्षं॑ दे॒वेभ्यो॑ भा॒गम॑वदत् परोक्ष॑मसुरे॒भ्यः सर्व॑स्मै वै प्र॒त्यक्षं॑
भा॒गं व॑दन्ति॒ यस्मा॑ ए॒व परोक्षं॑ व॑दन्ति॒ तस्य॑ भा॒ग उ॑दित-स्तस्मा॒दिन्द्रो॑
ऽबि॒भेदी॑दृङ् वै रा॒ष्ट्रं वि॑ पर्या॒वर्त॑यतीति॒ तस्य॑ वज्र॒मादा॑य
शी॒र्षा॒ण्यच्छि॑नद्-यथ् सोम॒पान॑ - [] 1

TS 2.5.1.1 - Padam

वि॒श्वरूप॑ इति॒ विश्व॑ - रूपः॑ । वै । त्वाष्ट्रः॑ । पु॒रोहि॑त इति॒
पु॒रः-हि॑तः । दे॒वाना॑म् । आ॒सी॒त् । स्व॒स्री॑यः । अ॒सुरा॑णाम् । तस्य॑ ।

त्रीणि । शीर्षाणि । आसन् । सोमपानमिति सोम – पानम् ।
सुरापानमिति सुरा – पानम् । अन्नादनमित्यन्न – अदनम् । सः ।
प्रत्यक्षमिति प्रति – अक्षम् । देवेभ्यः । भागम् । अवदत् ।
परोक्षमिति परः – अक्षम् । असुरेभ्यः । सर्वस्मै । वै । प्रत्यक्षमिति
प्रति – अक्षम् । भागम् । वदन्ति । यस्मै । एव । परोक्षमिति
परः – अक्षम् । वदन्ति । तस्य । भागः । उदितः । तस्मात् । इन्द्रः ।
अबिभेत् । ईदृङ् । वै । राष्ट्रम् । वीति । पर्यावर्तयतीति
परि – आवर्तयति । इति । तस्य । वज्रम् । आदायेत्या – दाय ।
शीर्षाणि । अच्छिनत् । यत् । सोमपानमिति सोम-पानम् । 1 (50)

TS 2.5.1.2

–मासीथ् स कपिञ्जलो ऽभवद् यथ् सुरापानञ् स कलविङ्को
यदन्नादनञ् स तित्तिरिस्तस्याञ्जलिना ब्रह्महत्यामुपागृह्णात् ताञ्
सँवत्सरमबिभस्तं भूतान्यभ्यक्रोशन् ब्रह्महन्निति स
पृथिवीमुपासीददस्यै ब्रह्महत्यायै तृतीयं प्रति गृहाणेति सा ऽब्रवीद्-वरं
वृणै खातात् पराभविष्यन्ती मन्ये ततो मा परा भूवमितिपुरा ते-[] 2

TS 2.5.1.2 - Padam

आसीत् । सः । क॒पि॒ज्जलः । अ॒भवत् । यत् । सु॒रा॒पा॒नमि॒ति
सु॒रा – पा॒नम् । सः । क॒ल॒वि॒ङ्कः । यत् । अ॒न्ना॒द॒नमि॒त्यन्न॒-अ॒द॒नम् ।
सः । ति॒त्ति॒रिः । तस्य॑ । अ॒ज्ज॒लि॒ना । ब्र॒ह्म॒ह॒त्यामि॒ति ब्र॒ह्म-ह॒त्याम् ।
उ॒पेति॑ । अ॒गृ॒ह्णात् । ताम् । सँ॒व॒थ्स॒रमि॒ति सं – व॒थ्स॒रम् । अ॒बि॒भः ।
तम् । भू॒तानि॑ । अ॒भीति॑ । अ॒क्रो॒श॒न् । ब्र॒ह्म॒ह॒न्निति॑ ब्र॒ह्म – ह॒न् ।
इति॑ । सः । पृ॒थि॒वीम् । उ॒पेति॑ । अ॒सी॒दत् । अ॒स्यै । ब्र॒ह्म॒ह॒त्याया
इति॑ ब्र॒ह्म – ह॒त्यायै॑ । तृ॒तीयम् । प्र॒तीति॑ । गृ॒हा॒ण । इति॑ । सा ।
अ॒ब्रवी॑त् । व॒रम् । वृ॒णै । खा॒तात् । प॒रा॒भ॒वि॒ष्यन्तीति॑
प॒रा – भ॒वि॒ष्यन्ती॑ । म॒न्ये । ततः॑ । मा । प॒रेति॑ । भू॒वम् । इति॑ ।

पु॒रा । ते । 2 (50)

TS 2.5.1.3

सँ॒व॒थ्स॒रादपि॑ रो॒हा॒दि॒त्यब्रवी॑त् तस्मा॑त् पु॒रा सँ॒व॒थ्स॒रात् पृ॒थि॒व्यै
खा॒तमपि॑ रो॒हति॑ वा॒रेवृ॒त॒ ह्य॒स्यै तृ॒तीयं॑ ब्र॒ह्म॒ह॒त्यायै॑ प्र॒त्यगृ॒ह्णात्
तथ् स्व॑कृत॒-मि॒रि॒ण-म॒भवत् तस्मा॑दाहि॒ताग्निः॑ श्र॒द्धादे॑वः स्व॑कृत॒
इ॒रि॒णे ना॒व स्येद्-ब्र॒ह्म॒ह॒त्यायै॑ ह्येष॑ वर्णः स व॒नस्प॑ती॒नुपा॑सीद॒दस्यै॑

ब्र॒ह्म॒ह॒त्या॒यै॑ तृ॒तीयं॑ प्र॒ति गृ॒ह्णी॒तेति॑ ते॒ऽब्रु॒वन् वरं॑ वृ॒णाम॑है॒

वृ॒क्णात् – [] 3

TS 2.5.1.3 - Padam

सँ॒व॒थ्स॒रादि॑ति सं – व॒थ्स॒रात् । अ॒पी॒ति । रो॒हात् । इति॑ । अ॒ब्र॒वीत् ।
तस्मा॑त् । पु॒रा । सँ॒व॒थ्स॒रादि॑ति सं – व॒थ्स॒रात् । पृ॒थि॒व्यै ।
खा॒तम् । अ॒पी॒ति । रो॒ह॒ति । वा॒रे॒वृ॒तमि॑ति वा॒रे – वृ॒तम् । हि ।
अ॒स्यै॑ । तृ॒तीयम् । ब्र॒ह्म॒ह॒त्या॒या इति॑ ब्र॒ह्म – ह॒त्या॒यै॑ । प्र॒ती॒ति ।
अ॒गृ॒ह्णात् । तत् । स्व॒कृ॒तमि॑ति स्व – कृ॒तम् । इ॒रि॒णम् । अ॒भ॒वत् ।
तस्मा॑त् । आ॒हि॒ताग्नि॑रि॒त्याहि॑त – अ॒ग्निः । श्र॒द्धा॒दे॒व इति॑
श्र॒द्धा – दे॒वः । स्व॒कृ॒त इति॑ स्व – कृ॒ते । इ॒रि॒णे । न । अ॒वे॒ति ।
स्ये॒त् । ब्र॒ह्म॒ह॒त्या॒या इति॑ ब्र॒ह्म – ह॒त्या॒यै॑ । हि । ए॒षः । वर्णः॑ । सः ।
व॒न॒स्प॒तीन् । उ॒पे॒ति । अ॒सी॒दत् । अ॒स्यै॑ । ब्र॒ह्म॒ह॒त्या॒या इति॑
ब्र॒ह्म – ह॒त्या॒यै॑ । तृ॒तीयम् । प्र॒ती॒ति । गृ॒ह्णी॒त । इति॑ । ते । अ॒ब्रु॒वन् ।
वरम्॑ । वृ॒णाम॑है॒ । वृ॒क्णात् । 3 (50)

TS 2.5.1.4

परा॑भवि॒ष्यन्तो॑ म॒न्याम॑हे ततो॑ मा परा॑ भूमे॒त्याव्र॑श्च॒नाद्वो॑ भूया॑ऽस
उत्ति॑ष्ठा॒नित्य॑ब्रवीत् तस्मा॑दाव्र॒श्चनाद्-वृ॒क्षाणां॑ भूया॑ऽस उत्ति॑ष्ठन्ति
वा॒रेवृ॒त॒७ ह्येषां॑ तृती॑यं ब्रह्म॒हत्या॑यै प्रत्य॑गृह्णन्त्स॒ निर्या॑सो ऽभवत्
तस्मा॑न्निर्या॒सस्य॑ नाऽऽश्यं॑ ब्रह्म॒हत्या॑यै ह्येष॑ वर्णोऽथो॒ खलु॒ य ए॒व
लोहि॑तो यो वा ऽऽव्र॒श्चनान्निर्ये॑षति तस्य॑ नाऽऽश्यं॑ – [] 4

TS 2.5.1.4 - Padam

परा॑भवि॒ष्यन्त इति॑ परा॑-भवि॒ष्यन्तः । म॒न्याम॑हे । ततः॑ । मा । परेति॑ ।
भू॒म । इति॑ । आ॒व्रश्च॑ना॒दित्या॑-व्रश्च॑नात् । वः । भूया॑ऽसः । उदिति॑ ।
ति॒ष्ठान् । इति॑ । अ॒ब्रवीत् । तस्मा॑त् । आ॒व्रश्च॑ना॒दित्या॑ – व्रश्च॑नात् ।
वृ॒क्षाणा॑म् । भूया॑ऽसः । उदिति॑ । ति॒ष्ठन्ति ।
वा॒रेवृ॒तमिति॑ वा॒रे – वृ॒तम् । हि । ए॒षाम् । तृती॑यम् । ब्रह्म॒हत्या॑या
इति॑ ब्रह्म – ह॒त्यायै॑ । प्रतीति॑ । अ॒गृह्ण॑न् । सः । निर्या॑स इति॑
निः – या॒सः । अ॒भवत् । तस्मा॑त् । निर्या॑सस्येति॑ निः – या॒सस्य॑ ।
न । आ॒श्यम् । ब्रह्म॒हत्या॑या इति॑ ब्रह्म-ह॒त्यायै॑ । हि । ए॒षः । वर्णः॑ ।
अथो॑ इति॑ । खलु॑ । यः । ए॒व । लोहि॑तः । यः । वा ।

आ॒ब्र॒श्च॒ना॒दि॒त्या॑ – ब्र॒श्च॒ना॒त् । नि॒र्ये॒ष॒ती॒ति॒ निः॑ – ये॒ष॒ति॒ । तस्य॑ ।

॥
न । आ॒श्र॒य॒म् । 4 (50)

TS 2.5.1.5

का॒म॒-म॒न्य॒स्य॒स॒स्त्री॒ष॒सा॒द॒-मु॒पा॒सी॒द॒स्यै॑ ब्र॒ह्म॒ह॒त्या॒यै॑ तृ॒ती॒यं
प्र॒ति॒ गृ॒ह्णी॒ते॒ति॒ ता॑ अ॒ब्रु॒वन् वरं॑ वृ॒णा॒म॒हा ऋ॒त्वि॒या॒त् प्र॒जां वि॒न्दाम॑है
का॒म॒मा वि॒ज॒नि॒तोः॒ सं भ॒वा॒मे॒ति॒ तस्मा॑दृ॒त्वि॒या॒त् स्त्रि॒यः प्र॒जां
वि॒न्द॒न्ते॒ का॒म॒मा वि॒ज॒नि॒तोः॒ सं भ॒व॒न्ति॒ वा॒रे॒वृ॒त॒ ह्या॒सां तृ॒ती॒यं
ब्र॒ह्म॒ह॒त्या॒यै प्र॒त्य॒गृ॒ह्ण॒न्थ॒ सा म॒ल॒व॒द्वा॒सा अ॒भ॒व॒त् तस्मा॑न्-
म॒ल॒व॒द्वा॒स॒सा न स॑वदे॒त् – [] 5

TS 2.5.1.5 - Padam

का॒म॒म् । अ॒न्य॒स्य॒ । सः॑ । स्त्री॒ष॒सा॒द॒मि॒ति॒ स्त्री॑ – स॒सा॒द॒म् ।
उ॒पे॒ति॒ । अ॒सी॒द॒त् । अ॒स्यै॑ । ब्र॒ह्म॒ह॒त्या॒या इति॑ ब्र॒ह्म – ह॒त्या॒यै॑ ।
तृ॒ती॒य॒म् । प्र॒ती॒ति॒ । गृ॒ह्णी॒त॒ । इति॑ । ताः॑ । अ॒ब्रु॒वन् । वर॑म् ।
वृ॒णा॒म॒है । ऋ॒त्वि॒या॒त् । प्र॒जा॒मि॒ति॒ प्र – जा॑म् । वि॒न्दाम॑है ।
का॒म॒म् । ए॒ति॒ । वि॒ज॒नि॒तो॒रि॒ति॒ वि – ज॒नि॒तोः॑ । स॒मि॒ति॒ । भ॒वा॒म् ।
इति॑ । तस्मा॑त् । ऋ॒त्वि॒या॒त् । स्त्रि॒यः॑ । प्र॒जा॒मि॒ति॒ प्र-जा॑म् । वि॒न्द॒न्ते॒ ।

कामम् । एति । विज॑नि॒तो॒रि॒ति वि – ज॒नि॒तोः । स॒मि॒ति । भ॒व॒न्ति ।
 वारे॑वृ॒तमि॒ति वारे॑ – वृ॒तम् । हि । आ॒साम् । तृ॒तीयम् । ब्र॒ह्म॒ह॒त्याया॒
 इति॑ ब्र॒ह्म – ह॒त्यायै॑ । प्र॒तीति॑ । अ॒गृ॒ह्ण॒न् । सा । म॒ल॒व॒द्वा॒सा इति॑
 म॒ल॒वत् – वा॒साः । अ॒भ॒वत् । तस्मा॑त् । म॒ल॒व॒द्वा॒स॒सेति॑
 म॒ल॒वत् – वा॒स॒सा । न । स॒मि॒ति । व॒दे॒त । 5 (50)

TS 2.5.1.6

न स॒हाऽऽसी॑त ना॒स्या अ॒न्नम॑द्याद्-ब्र॒ह्म॒ह॒त्यायै॑ ह्ये॒षा वर्णं॑ प्र॒तिमु॑च्या
 ऽऽस्ते॑ऽथो ख॒ल्वाहु॑रभ्य॒ञ्जनं॑ वा॒व स्त्रि॒या अ॒न्नम॑भ्य॒ञ्जनमे॒व न
 प्र॒तिगृ॑ह्यं का॒मम॑न्यदि॒ति यां म॒ल॒व॒द्वा॒स॒सं संभ॑वन्ति यस्ततो॒ जाय॑ते
 सोऽभि॑शस्तो या॒म॒रण्ये॑ तस्यै॑ स्ते॒नो यां प॑रा॒चीं तस्यै॑
 ही॒तमु॒ख्यप॑गल्भो या स्ना॒ति तस्या॑ अ॒प्सु मा॒रु॒को या – [] 6

TS 2.5.1.6 - Padam

न । स॒ह । आ॒सी॒त । न । अ॒स्याः । अ॒न्नम् । अ॒द्यात् ।
 ब्र॒ह्म॒ह॒त्याया॒ इति॑ ब्र॒ह्म – ह॒त्यायै॑ । हि । ए॒षा । वर्ण॑म् ।
 प्र॒तिमु॑च्येति प्र॒ति-मु॑च्य । आ॒स्ते । अ॒थो इति॑ । ख॒लु । आ॒हुः ।
 अ॒भ्य॒ञ्ज॒नमि॑त्यभि – अ॒ञ्ज॒नम् । वा॒व । स्त्रि॒याः । अ॒न्नम् ।

अ॒भ्य॒ञ्ज॒न॒मि॒त्य॒भि॒ – अ॒ञ्ज॒न॒म् । ए॒व । न । प्र॒ति॒गृ॒ह्य॒मि॒ति॒
 प्र॒ति – गृ॒ह्य॒म् । का॒म॒म् । अ॒न्य॒त् । इ॒ति॒ । या॒म् । म॒ल॒व॒द्वा॒स॒स॒मि॒ति॒
 म॒ल॒व॒त् – वा॒स॒स॒म् । सं॒भ॒व॒न्ती॒ति॒ सं – भ॒व॒न्ति॒ । यः । त॒तः ।
 जा॒य॒ते । सः । अ॒भि॒श॒स्त॒ इ॒त्य॒भि॒-श॒स्तः॒ । या॒म् । अ॒र॒ण्ये॒ । त॒स्यै॑ ।
 स्ते॒नः । या॒म् । प॒रा॒ची॒म् । त॒स्यै॑ । ह्री॒त॒मु॒खी॒ति॒ ह्री॒त – मु॒खी॒ ।
 अ॒प॒ग॒ल्भ॒ इ॒त्य॒प – ग॒ल्भः॒ । या । स्ना॒ति॒ । त॒स्याः॑ ।
 अ॒प्सि॒त्य॒प् – सु॒ । मा॒रु॒कः॒ । या । 6 (50)

TS 2.5.1.7

ऽभ्य॒ङ्गे त॒स्यै॑ दु॒श्च॒र्मा या प्र॒लि॒ख॒ते त॒स्यै॑ ख॒ल॒ति॒र॒प॒मा॒री या ऽङ्गे त॒स्यै॑
 का॒णो या द॒तो धा॒व॒ते त॒स्यै॑ श्या॒व॒दन् या न॒खानि॑ नि॒कृ॒न्त॒ते त॒स्यै॑
 कु॒न॒खी या कृ॒ण॒ति त॒स्यै॑ क्ली॒बो या रज्जु॑ सृ॒ज॒ति त॒स्या
 उ॒द्ब॒न्धु॒को या प॒र्णे॒न पि॒ब॒ति त॒स्या उ॒न्मा॒दु॒को या ख॒र्वे॒ण पि॒ब॒ति
 त॒स्यै॑ ख॒र्व॒स्ति॒स्रो रा॒त्री॒र्व॒तं च॒रे॒द॒ज्ज॒लि॒ना वा पि॒बे॒द॒ख॒र्वे॒ण वा ()
 पा॒त्रे॒ण प्र॒जा॒यै गो॒पी॒था॒य ॥ 7

TS 2.5.1.7 - Padam

अ॒भ्य॒ङ्क इत्य॑भि – अ॒ङ्के । तस्यै॑ । दु॒श्च॒र्म॑ति दुः – च॒र्मा॑ । या ।
प्र॒लि॒ख॒त इति॑ प्र – लि॒ख॒ते॑ । तस्यै॑ । ख॒ल॒तिः ।
अ॒प॒मा॒री॒त्य॒प – मा॒री । या । आ॒ङ्क इत्या॑ – अ॒ङ्के । तस्यै॑ । का॒णः ।
या । द॒तः । धा॒व॒ते । तस्यै॑ । श्या॒व॒द॒न्नि॒ति श्या॒व – द॒न् । या ।
न॒खा॒नि । नि॒कृ॒न्त॒त इति॑ नि – कृ॒न्त॒ते॑ । तस्यै॑ । कु॒न॒खी॑ । या ।
कृ॒ण॒ति । तस्यै॑ । क्ली॒बः । या । रज्जु॑म् । सृ॒ज॒ति । तस्याः॑ ।
उ॒द्ध॒न्धु॒क इत्यु॑त् – ब॒न्धु॒कः । या । पर्णे॑न । पि॒ब॒ति । तस्याः॑ ।
उ॒न्मा॒दु॒क इत्यु॑त् – मा॒दु॒कः । या । ख॒र्वे॑ण । पि॒ब॒ति । तस्यै॑ । ख॒र्वः ।
ति॒स्रः । रा॒त्रीः । व्र॒त॒म् । च॒रे॒त् । अ॒ञ्ज॒लि॒ना॑ । वा । पि॒ब॒ेत् ।
अ॒ख॒र्वे॑ण । वा () । पा॒त्रे॑ण । प्र॒जा॒या इति॑ प्र – जा॒यै॑ ।

गो॒पी॒था॒य ॥ 7 (53)

(यथ् सो॒म॒पा॒नं॑ – ते – वृ॒क्ष॒णा॒त् – तस्य॑ ना॒श॒यं॑ – वै॒दे॒त – मा॒रु॒को
या – ख॒र्वे॑ण वा – त्री॒णि च) (A1)

TS 2.5.2.1

त्व॒ष्टा ह॒तपु॒त्रो वी॒न्द्रो॒ सोम॒माऽह॒रत् तस्मि॒न्निन्द्र॑ उप॒हव॒मैच्छ॑त
तं नोपा॒ह्वय॑त पु॒त्रं मे॒ऽवधी॑रिति स य॒ज्ञवे॒शसं॑ कृ॒त्वा प्रा॒सहा
सोम॑मपिबत् तस्य यद॒त्यशि॑ष्यत तत् त्व॒ष्टा ऽह॒वनी॒यमु॒प
प्राव॑र्तयथ् स्वाहेन्द्र॑शत्रुर् व॒र्द्धस्वे॒ति यदव॑र्तयत् तद्-वृ॒त्रस्य॑ वृ॒त्रत्वं
यदब्र॑वीथ् स्वाहेन्द्र॑शत्रुर् व॒र्द्धस्वे॒ति तस्मा॑दस्ये- [] 8

TS 2.5.2.1 - Padam

त्व॒ष्टा । ह॒तपु॒त्र इति॑ ह॒त-पु॒त्रः । वी॒न्द्रमि॒ति वि - इन्द्र॑म् । सोम॑म् ।
एति॑ । अ॒हरत् । तस्मि॒न् । इन्द्रः॑ । उप॒हव॒मित्युप॑-हवम् । ऐ॒च्छ॒त ।
तम् । न । उपेति॑ । अ॒ह्वय॑त । पु॒त्रम् । मे । अ॒वधीः॑ । इति॑ । सः ।
य॒ज्ञवे॒शसमि॒ति य॒ज्ञ - वे॒शसम् । कृ॒त्वा । प्रा॒सहेति॑ प्र - सहा॑ ।
सोम॑म् । अ॒पिब॑त् । तस्य॑ । यत् । अ॒त्यशि॑ष्यतेत्यति - अशि॑ष्यत ।
तत् । त्व॒ष्टा । आ॒हव॒नीयमि॒त्या-ह॒वनी॒यम् । उप॑ । प्रेति॑ । अ॒वर्त॑यत् ।
स्वाहा॑ । इन्द्र॑शत्रु॒रिति॑न्द्र - शत्रुः॑ । व॒र्द्धस्व॑ । इति॑ । यत् ।
अव॑र्तयत् । तत् । वृ॒त्रस्य॑ । वृ॒त्रत्वमि॒ति वृ॒त्र-त्वम् । यत् । अब्र॑वीत् ।

स्वाहा॑ । इन्द्र॑शत्रु॑रितीन्द्र॑ – शत्रुः॑ । वर्द्ध॑स्व । इति॑ । तस्मात्॑ ।

अस्य॑ । 8 (50)

TS 2.5.2.2

–न्द्रः॑ शत्रु॑रभव॑त् स संभव॑न्नग्नी॑षोमा॑वभि॑ समभव॑त् स
इषु॑मात्र॑मिषु॑मात्रं॑ विष्व॑ङ् वर्द्ध॑त स इ॒मान् लो॒कान॑वृ॒णोद्-यदि॑मान्
लो॒कान॑वृ॒णोत् तद्-वृ॒त्रस्य॑ वृ॒त्रत्वं॑ तस्मा॑दिन्द्रो॑ऽबिभे॑त् स
प्र॒जाप॑तिमु॒पाधा॑व-च्छ॑त्रुर्मे॑ऽजनी॑ति तस्मै॑ वज्र॑ऽसिक्त्वा
प्राय॑च्छदे॒तेन॑ ज॒हीति॑ तेना॒भ्याय॑त ताव॑ब्रूताम॒ग्नीषो॑मौ मा – [] 9

TS 2.5.2.2 - Padam

इन्द्रः॑ । शत्रुः॑ । अ॒भव॑त् । सः । सं॒भव॑न्निति॑ सं – भव॑न् ।
अ॒ग्नीषो॑मा॒वित्य॑ग्नी – सोमौ॑ । अ॒भि । स॒मिति॑ । अ॒भव॑त् । सः ।
इषु॑मात्र॑मिषु॑मात्रमि॒तीषु॑मात्रं – इषु॑मात्र॑म् । विष्व॑ङ् । अ॒वर्द्ध॑त । सः ।
इ॒मान् । लो॒कान् । अ॒वृ॒णोत् । यत् । इ॒मान् । लो॒कान् । अ॒वृ॒णोत् ।
तत् । वृ॒त्रस्य॑ । वृ॒त्रत्व॑मिति॑ वृ॒त्र-त्व॑म् । तस्मा॑त् । इन्द्रः॑ । अ॒बिभे॑त् ।
सः । प्र॒जाप॑तिमिति॑ प्र॒जा-प॑तिम् । उपे॑ति । अ॒धाव॑त् । शत्रुः॑ । मे ।
अ॒जनि॑ । इति॑ । तस्मै॑ । वज्र॑म् । सिक्त्वा॑ । प्रेति॑ । अ॒यच्छ॑त् ।

ए॒तेन॑ । ज॒हि । इति॑ । तेन॑ । अ॒भीति॑ । आ॒यत॑ । तौ । अ॒ब्रूता॑म् ।

अ॒ग्नी॒षो॒मा॒वित्य॑ग्नी – सोमौ॑ । मा । 9 (50)

TS 2.5.2.3

प्र हा॑-रा॒वम॒न्तः स्व॑ इति॑ म॒म वै यु॒व॒स्थ इत्य॑ब्रवीन् मा॒मभ्ये॑तमि॒ति
तौ भा॑ग॒धेय॑मैच्छेतां ता॒भ्या-मे॒तम॑ग्नी॒षोमी॑य-मे॒काद॑शकपालं
पू॒र्णमा॑से प्रायच्छत् ताव॑ब्रूता॒मभि॑ स॒न्दष्टौ॑ वै स्वो॒ न श॑क्नुव॒ ऐतु॑मि॒ति
स इन्द्र॑ आ॒त्मनः॑ शी॒तरू॒राव॑जनयत् तच्छी॑तरू॒रयो॒र्जन्म॑ य ए॒व
शी॒तरू॒रयो॒र्जन्म॑ वेद – [] 10

TS 2.5.2.3 - Padam

प्रेति॑ । हाः । आ॒वम् । अ॒न्तः । स्वः । इति॑ । म॒म । वै । यु॒वम् ।
स्थः । इति॑ । अ॒ब्रू॒वीत् । मा॒म् । अ॒भि । एति॑ । इ॒तम् । इति॑ । तौ ।
भा॒ग॒धेय॑मि॒ति भा॑ग – धेय॑म् । ऐच्छे॒ताम् । ता॒भ्याम् । ए॒तम् ।
अ॒ग्नी॒षोमी॑यमित्य॑ग्नी – सोमी॑यम् ।
ए॒काद॑शकपालमित्ये॒काद॑श – क॒पालम् ।
पू॒र्णमा॑स इति॑ पू॒र्ण – मा॒से । प्रेति॑ । अ॒यच्छत् । तौ । अ॒ब्रूता॑म् ।
अ॒भीति॑ । स॒न्दष्टा॑विति॒ सं – द॒ष्टौ । वै । स्वः । न । श॑क्नुवः ।

ऐ॒तु॒मि॒त्या – ए॒तु॒म् । इति॑ । सः॑ । इन्द्रः॑ । आ॒त्मनः॑ ।

शी॒त॒रू॒रा॒वि॒ति॑ शी॒त – रू॒रौ । अ॒ज॒न॒य॒त् । तत् ।

शी॒त॒रू॒रयो॒रि॒ति॑ शी॒त – रू॒रयोः॑ । जन्म॑ । यः॑ । एवं॑ ।

शी॒त॒रू॒रयो॒रि॒ति॑ शी॒त – रू॒रयोः॑ । जन्म॑ । वेद॑ । 10 (50)

TS 2.5.2.4

नैन॑ ऽ शी॒त॒रू॒रौ ह॒त-स्ता॑भ्यामे॒नम॑भ्य॒नय॑त् तस्मा॑-

ज्ज॒ज्ज॒भ्य॒मा॒नाद॒ग्नी॒षोमौ॑ नि॒रक्रा॑म॒तां प्रा॑णा॒पा॒नौ वा ए॒नं तद॑ज॒हि॒तां

प्रा॒णो वै दक्षो॑ ऽपा॒नः क्र॑तुस्तस्मा॑-ज्ज॒ज्ज॒भ्य॒मा॒नो ब्रू॑या॒न्मयि॑ दक्ष॒क्र॒तू

इति॑ प्रा॒णापा॒नावे॒वाऽऽत्म॑न् ध॒त्ते स॒र्वमा॑यु॒रेति॑ स दे॒वता॑ वृ॒त्रान्-

नि॒र्हू॒य वा॒र्त्रघ्न॑ ह॒विः पू॒र्णमा॑से नि॒रव॑प॒द् घ्न॑न्ति वा ए॒नं

पू॒र्णमा॑स आ - [] 11

TS 2.5.2.4 - Padam

न । ए॒नम् । शी॒त॒रू॒रा॒वि॒ति॑ शी॒त – रू॒रौ । ह॒तः । ता॑भ्याम् ।

ए॒नम् । अ॒भी॒ति॑ । अ॒नय॑त् । तस्मा॑त् । ज्ज॒ज्ज॒भ्य॒मा॒नात् ।

अ॒ग्नी॒षोमा॑वि॒त्यग्नी॑ – सोमौ॑ । नि॒रि॒ति॑ । अ॒क्रा॒म॒ताम् ।

प्रा॒णापा॒नावि॑ति प्रा॒ण – अ॒पा॒नौ । वै । ए॒नम् । तत् । अ॒ज॒हि॒ताम् ।

प्रा॒ण इति॑ प्र – अ॒नः । वै । दक्षः॑ । अ॒पा॒न इत्य॑प – अ॒नः । क्र॒तुः ।
तस्मा॑त् । ज॒ञ्ज॒भ्यमा॑नः । ब्रू॒यात् । म॒यि । दक्ष॑क्र॒तू इति॑ दक्ष॑-क्र॒तू ।
इति॑ । प्रा॒णा॒पा॒नावि॑ति प्रा॒ण – अ॒पा॒नौ । ए॒व । आ॒त्मन् । ध॒त्ते ।
सर्व॑म् । आ॒युः । ए॒ति । सः । दे॒वताः॑ । वृ॒त्रात् । नि॒र्हू॒येति॑
निः – हू॒य । वा॒र्त्र॒घ्नमि॑ति वा॒र्त्र – घ्न॒म् । ह॒विः । पू॒र्णमा॑स इति॑
पू॒र्ण – मा॒से । नि॒रिति॑ । अ॒वप॑त् । घ्न॒न्ति । वै । ए॒नम् ।
पू॒र्णमा॑स इति॑ पू॒र्ण – मा॒से । ए॒ति । 11 (50)

TS 2.5.2.5

ऽमा॒वास्या॑यां प्या॒यय॑न्ति तस्मा॑द्-वा॒र्त्र॒घ्नी पू॒र्णमा॑से ऽनू॑च्येते
वृ॒धन्व॑ती अ॒मावा॑स्यायां तथ् स॒॒स्थाप्य॑ वा॒र्त्र॒घ्नं ह॒विर्वज्र॑मा॒दाय॑
पुन॑र॒भ्याय॑त ते अ॒ब्रू॒तां द्या॑वापृ॒थि॒वी मा प्र हा॑-रा॒वयो॑र्वे श्रि॒त इति॑ ते
अ॒ब्रू॒तां वरं॑ वृ॒णाव॑है नक्ष॑त्रविहि॒ता-ऽह॑मसा॒नीत्य॑साव॒ब्रवी॑-
च्चि॒त्रवि॑हि॒ता-ऽह॑मिती॒यं तस्मा॑न्नक्ष॑त्रविहि॒ताऽसौ चि॒त्रवि॑हिते॒यं
य॑ ए॒वं द्या॑वापृ॒थिव्यो॑र् – [] 12

TS 2.5.2.5 - Padam

अ॒मा॒वा॒स्या॒या॒मि॒त्य॒मा – वा॒स्या॒या॒म् । प्या॒य॒य॒न्ति॒ । तस्मा॑त् ।
वा॒र्त्र॒घ्नी॒ इति॑ वा॒र्त्र – घ्नी॒ । पू॒र्ण॒मा॒स॒ इति॑ पू॒र्ण – मा॒से ।
अ॒न्वि॒ति॒ । उ॒च्ये॒ते इति॑ । वृ॒ध॒न्व॒ती इति॑ वृ॒ध॒न् – व॒ती ।
अ॒मा॒वा॒स्या॒या॒मि॒त्य॒मा – वा॒स्या॒या॒म् । तत् । स॒॒स्था॒प्येति॑
सं – स्था॒प्य॒ । वा॒र्त्र॒घ्न॒मि॒ति वा॒र्त्र – घ्न॒म् । ह॒विः॒ । व॒ज्र॒म् ।
आ॒दा॒ये॒त्या – दा॒य॒ । पुनः॑ । अ॒भी॒ति॒ । आ॒य॒त॒ । ते इति॑ । अ॒ब्रू॒ता॒म् ।
द्या॒वा॒पृ॒थि॒वी इति॑ द्या॒वा – पृ॒थि॒वी । मा । प्रेति॑ । हाः॒ । आ॒व॒योः॒ ।
वै । श्रि॒तः॒ । इति॑ । ते इति॑ । अ॒ब्रू॒ता॒म् । व॒र॒म् । वृ॒णा॒व॒है ।
नक्ष॑त्रविहि॒तेति॑ नक्ष॑त्र – वि॒हि॒ता । अ॒ह॒म् । अ॒सा॒नि॒ । इति॑ ।
अ॒सौ । अ॒ब्रू॒वीत् । चि॒त्र॒वि॒हि॒तेति॑ चि॒त्र – वि॒हि॒ता । अ॒ह॒म् । इति॑ ।
इ॒य॒म् । तस्मा॑त् । नक्ष॑त्रविहि॒तेति॑ नक्ष॑त्र – वि॒हि॒ता । अ॒सौ ।
चि॒त्र॒वि॒हि॒तेति॑ चि॒त्र – वि॒हि॒ता । इ॒य॒म् । यः॒ । ए॒व॒म् ।
द्या॒वा॒पृ॒थि॒व्यो॒रिति॑ द्या॒वा – पृ॒थि॒व्योः॒ । 12 (50)

TS 2.5.2.6

वरं॑ वे॒दै॒नं॑ वे॒रो॑ ग॒च्छ॒ति॒ स॒ आ॒भ्या॒मे॒व॒ प्र॒सू॒त॒ इन्द्रो॑ वृ॒त्र॒म॒ह॒न् ते॑
दे॒वा वृ॒त्रं॑ ह॒त्वा अ॒ग्नी॒षो॒मा॒व॒ब्रु॒वन् ह॒व्यं नो॑ वह॒त॒मि॒ति॒
ता॒व॒ब्रू॒ता॒म॒प॒ते॒ज॒सौ॒ वै त्यौ॑ वृ॒त्रे॒ वै त्यो॑स्ते॒ज इति॑ ते॒ऽब्रु॒वन् क॑
इ॒द॒म॒च्छै॒तीति॑ गौ॒रि॒त्य॒ब्रु॒वन् गौ॒र्वा॒व॒ सर्व॑स्य मि॒त्रमि॒ति॒
सा॒ऽब्र॒वीद् – [] 13

TS 2.5.2.6 - Padam

वर॑म् । वे॒द॒ । ए॒ति॒ । ए॒न॒म् । वरः॑ । ग॒च्छ॒ति॒ । सः॑ । आ॒भ्या॒म् । ए॒व ।
प्र॒सू॒त॒ इति॑ प्र – सू॒तः॑ । इन्द्रः॑ । वृ॒त्र॒म् । अ॒ह॒न् । ते॑ । दे॒वाः ।
वृ॒त्र॒म् । ह॒त्वा । अ॒ग्नी॒षो॒मा॒वि॒त्य॒ग्नी – सो॒मौ॑ । अ॒ब्रु॒वन् । ह॒व्य॒म् ।
नः॑ । वह॒त॒म् । इति॑ । तौ॑ । अ॒ब्रू॒ता॒म् । अ॒प॒ते॒ज॒सा॒वि॒त्य॒प॒ते॒ज॒सौ॑ ।
वै । त्यौ॑ । वृ॒त्रे॒ । वै । त्योः॑ । ते॒जः॑ । इति॑ । ते॑ । अ॒ब्रु॒वन् । कः॑ ।
इ॒द॒म् । अ॒च्छ॒ । ए॒ति॒ । इति॑ । गौः॑ । इति॑ । अ॒ब्रु॒वन् । गौः॑ । वा॒व ।
सर्व॑स्य । मि॒त्र॒म् । इति॑ । सा॑ । अ॒ब्र॒वीत् । 13 (50)

TS 2.5.2.7

वरं॑ वृ॒णै॑ म॒य्ये॒व स॒तो॒भये॑न भुन॒जा॒ध्वा इति॑ तद्-गौ॒राऽऽ *हर॑त्
तस्मा॒द्-गवि॑ स॒तो॒भये॑न भुञ्ज॒त ए॒तद्वा अ॒ग्नेस्ते॒जो यद् घृ॒तमे॒तत्
सोम॑स्य॒ यत् प॒यो य॒ ए॒वम॒ग्नी॒षोम॑यो स्ते॒जो वेद॑ तेज॒स्व्ये॒व भव॑ति
ब्र॒ह्मवा॒दिनो॑ वद॒न्ति कि॒न्दे॒वत्यं॑ पौ॒र्णमा॒समि॑ति प्रा॒जाप॒त्यमि॑ति ब्रू॒यात्
तेने॒न्द्रं ज्येष्ठं॑ पु॒त्रं नि॒रवा॑साय॒यदि॑ति तस्मा॑- () -ज्येष्ठं॑ पु॒त्रं
धने॑न नि॒रवा॑साय॒यन्ति॑ ॥ 14

TS 2.5.2.7 - Padam

वर॑म् । वृ॒णै॑ । म॒यि॑ । ए॒व । स॒ता । उ॒भये॑न । भु॒न॒जा॒ध्वै॑ । इति॑ ।
तत् । गौः॑ । एति॑ । अ॒हर॑त् । तस्मा॑त् । गवि॑ । स॒ता । उ॒भये॑न ।
भु॒ञ्ज॒ते । ए॒तत् । वै । अ॒ग्नेः । तेजः॑ । यत् । घृ॒तम् । ए॒तत् ।
सोम॑स्य । यत् । प॒यः । यः । ए॒वं । अ॒ग्नी॒षोम॑यो॒रित्य॒ग्नी-सोम॑योः ।
तेजः॑ । वेद॑ । तेज॒स्वी । ए॒व । भव॑ति । ब्र॒ह्मवा॒दिन॑ इति॑
ब्र॒ह्म - वा॒दिनः॑ । वद॒न्ति । कि॒न्दे॒वत्यमि॑ति किं - दे॒वत्य॑म् ।
पौ॒र्णमा॒समि॑ति पौ॒र्ण - मा॒सम् । इति॑ । प्रा॒जाप॒त्यमि॑ति
प्रा॒जा - प॒त्यम् । इति॑ । ब्रू॒यात् । तेन॑ । इन्द्र॑म् । ज्येष्ठ॑म् । पु॒त्रम् ।

नि॒रवा॑साययदिति॑ निः-अवा॑साययत् । इति॑ । तस्मा॑त् () । ज्येष्ठ॑म् ।

पु॒त्रम् । ध॒नेन॑ । नि॒रवा॑साययन्तीति॑ निः - अवा॑साययन्ति ॥ 14 (54)

(अ॒स्य - मा - वे॒दा - द्यावा॑पृथि॒व्यो - र॒ब्रवी॑ -

दि॒ति तस्मा॑ - च॒त्वारि॑ च) (A2)

TS 2.5.3.1

इन्द्रं॑ वृ॒त्रं ज॒घ्निवा॑सं मृ॒धोऽभि॑ प्रावे॒पन्त॑ स ए॒तं वैमृ॑धं
पू॒र्णमा॑सेऽनुनि॒र्वाप्य॑मप॒श्यत् तं नि॒रवा॑पत् तेन॑ वै स मृ॒धोऽपा॑हत
यद्-वैमृ॑धः पू॒र्णमा॑सेऽनुनि॒र्वाप्यो॑ भवति॑ मृ॒ध ए॒व तेन॑ यज॒मानो॑
ऽप॑ ह॒त इन्द्रो॑ वृ॒त्रं ह॒त्वा दे॒वता॑भिश्चेन्द्रि॒येण॑ च व्यार्द॑ध्यत॒ स
ए॒तमा॑ग्नेय-म॒ष्टाक॑पाल-ममावा॒स्याया॑-मप॒श्यदैन्द्रं॑ दधि - [] 15

TS 2.5.3.1- Padam

इन्द्र॑म् । वृ॒त्रम् । ज॒घ्निवा॑सम् । मृ॒धः । अ॒भि । प्रेति॑ । अ॒वे॒पन्त॑ ।
सः । ए॒तम् । वैमृ॑धम् । पू॒र्णमा॑स इति॑ पू॒र्ण - मा॒से ।
अ॒नुनि॒र्वाप्य॑मित्यनु॑ - नि॒र्वाप्य॑म् । अ॒प॒श्यत् । तम् । नि॒रिति॑ ।
अ॒वा॒पत् । तेन॑ । वै । सः । मृ॒धः । अ॒पेति॑ । अ॒हत॑ । यत् । वैमृ॑धः ।
पू॒र्णमा॑स इति॑ पू॒र्ण - मा॒से । अ॒नुनि॒र्वाप्य॑ इत्यनु॑ - नि॒र्वाप्यः॑ ।

भवति । मृ॒धः । ए॒व । तेन॑ । यज॑मानः । अपे॑ति । ह॒ते । इन्द्रः॑ ।
वृ॒त्रम् । ह॒त्वा । दे॒वता॑भिः । च॒ । इन्द्रि॑येण । च॒ । वी॑ति । आ॒र्द्ध्य॒त ।
सः । ए॒तम् । आ॒ग्ने॒यम् । अ॒ष्टाक॑पालमि॒त्य॒ष्टा – क॒पाल॒म् ।
अ॒मावा॑स्यायामि॒त्य॒मा – वा॒स्यायाम् । अ॒पश्य॑त् ।
ऐन्द्र॑म् । दधि॑ । 15 (50)

TS 2.5.3.2

तं नि॒रव॑पत् तेन॑ वै स दे॒वता॑श्चेन्द्रि॒यं चावा॑रुन्धयदा॒ग्नेयो॑ ऽष्टाक॑पालो
ऽमा॒वास्या॑यां भव॒त्यैन्द्रं॑ दधि॑ दे॒वता॑श्चै॒व तेनैन्द्रि॑यं च॒ यज॑मानोऽव
रुन्ध॑ इन्द्र॑स्य वृ॒त्रं ज॒घ्नुष॑ इन्द्रि॒यं वी॑र्यं पृ॒थि॒वीम॒नु व्या॑च्छत्
तदोष॑धयो वी॒रुधो॑ऽभवन्त्स प्र॒जाप॑तिमु॒पाधा॑वद्-वृ॒त्रं मे॑ ज॒घ्नुष॑
इन्द्रि॒यं वी॑र्यं – [] 16

TS 2.5.3.2 - Padam

तम् । नि॒रिति॑ । अ॒वप॑त् । तेन॑ । वै । सः । दे॒वताः॑ । च॒ । इन्द्रि॑यम् ।
च॒ । अवे॑ति । अ॒रुन्ध॑ । यत् । आ॒ग्ने॒यः । अ॒ष्टाक॑पाल
इत्य॑ष्टा – क॒पालः । अ॒मावा॑स्यायामि॒त्य॒मा – वा॒स्यायाम् । भव॑ति ।
ऐन्द्र॑म् । दधि॑ । दे॒वताः॑ । च॒ । ए॒व । तेन॑ । इन्द्रि॑यम् । च॒ ।

यज॑मानः । अवे॑ति । रु॒न्धे । इन्द्र॑स्य । वृ॒त्रम् । ज॒घ्नुषः॑ । इन्द्रि॑यम् ।
वीर्य॑म् । पृथि॑वीम् । अनु॑ । वी॒ति । आ॒च्छत् । तत् । ओष॑धयः ।
वीरु॑धः । अ॒भ॒वन् । सः । प्र॒जाप॑तिमि॒ति प्र॒जा – प॒तिम् । उपे॑ति ।
अ॒धाव॑त् । वृ॒त्रं । मे । ज॒घ्नुषः॑ । इन्द्रि॑यम् । वीर्य॑म् । 16 (50)

TS 2.5.3.3

पृथि॑वीमनु॒ व्या॒रत् तदोष॑धयो वीरु॑धोऽभू॒वन्निति॑ स प्र॒जाप॑तिः
प॒शून्ब्र॑वीदे॒तदस्मै॑ सं न॒यते॑ति तत् प॒शव॑ ओष॑धीभ्यो ऽध्या॑त्मन्
सम॑नयन् तत् प्र॒त्यदु॑हन् यथ् सम॑नयन् तथ् सां ना॒य्यस्य॑ सांना॒य्यत्वं
यत् प्र॒त्यदु॑हन् तत् प्र॒तिधु॑षः प्र॒तिधु॑क्त्वꣳ सम॑नैषुः प्र॒त्यधु॑क्षन्
न तु मयि॑ श्रय॑त इत्य॑ब्रवीदे॒तदस्मै॑ – [] 17

TS 2.5.3.3 - Padam

पृथि॑वीम् । अनु॑ । वी॒ति । आ॒रत् । तत् । ओष॑धयः । वीरु॑धः ।
अ॒भू॒वन् । इति॑ । सः । प्र॒जाप॑तिरिति॑ प्र॒जा – प॒तिः । प॒शून् ।
अ॒ब्र॒वीत् । ए॒तत् । अ॒स्मै । समि॑ति । न॒यत॑ । इति॑ । तत् । प॒शवः॑ ।
ओष॑धीभ्य इत्योष॑धि – भ्यः । अधी॑ति । आ॒त्मन् । समि॑ति ।

अ॒न॒य॒न् । तत् । प्र॒ती॒ति॒ । अ॒दु॒ह॒न् । यत् । स॒म॒न॒य॒न्नि॒ति॒
सं – अ॒न॒य॒न् । तत् । सां॒ना॒य्य॒स्ये॒ति॒ सां – ना॒य्य॒स्य॒ ।
सां॒ना॒य्य॒त्वमि॒ति॒ सां॒ना॒य्य॒ – त्वम् । यत् । प्र॒त्य॒दु॒ह॒न्नि॒ति॒
प्र॒ति॒ – अ॒दु॒ह॒न् । तत् । प्र॒ति॒धु॒ष॒ इति॒ प्र॒ति॒ – धु॒षः ।
प्र॒ति॒धु॒क्त्वमि॒ति॒ प्र॒ति॒धु॒क् – त्वम् । स॒मि॒ति॒ । अ॒नै॒षुः । प्र॒ती॒ति॒ ।
अ॒धु॒क्ष॒न् । न । तु । म॒यि॒ । श्र॒य॒ते॒ । इति॒ । अ॒ब्र॒वीत् । ए॒तत् ।
अ॒स्मै । 17 (50)

TS 2.5.3.4

शृ॒तं॑ कुरु॒तेत्य॑ब्रवीत् तद॒स्मै॑ शृ॒त॒-म॑कुर्वन्निन्द्रि॒यं॑ वा॒वास्मि॑न् वी॒र्यं॑
तद॒श्रय॑न् तच्छृ॒तस्य॑ शृ॒त॒त्व॑ सम॒नैषुः॑ प्र॒त्य॒धु॒क्ष॒ञ्छृ॒तम॑क्रन् न तु मा
धि॒नो॒तीत्य॑ब्रवीदेतद॒स्मै॑ दधि॑ कुरु॒तेत्य॑ब्रवीत् तद॒स्मै॑ द॒द्ध्य॑कुर्वन्
तदे॒नम॑धि॒नोत् तद्-द॒ध्नो॑ दधि॒त्वं ब्र॑ह्मवा॒दिनो॑ वदन्ति द॒ध्नः॑
पूर्व॑स्याव॒देयं॑ – [] 18

TS 2.5.3.4 - Padam

शृ॒तम् । कुरु॒त॒ । इति॑ । अ॒ब्र॒वीत् । तत् । अ॒स्मै॑ । शृ॒तम् ।
अ॒कुर्व॑न् । इन्द्रि॒यम् । वा॒व । अ॒स्मि॒न् । वी॒र्य॑म् । तत् । अ॒श्रय॑न् ।

तत् । शृ॒तस्य॑ । शृ॒तत्वमि॑ति शृ॒त – त्वम् । समि॑ति । अ॒नै॒षुः ।
 प्र॒तीति॑ । अ॒धुक्ष॑न् । शृ॒तम् । अ॒क्रन् । न । तु । मा । धि॒नोति॑ ।
 इति॑ । अ॒ब्रवी॑त् । ए॒तत् । अ॒स्मै । दधि॑ । कु॒रुत॑ । इति॑ । अ॒ब्रवी॑त् ।
 तत् । अ॒स्मै । दधि॑ । अ॒कुर्व॑न् । तत् । ए॒नम् । अ॒धि॒नोत् । तत् ।
 द॒ध्नः । द॒धित्वमि॑ति दधि॑ – त्वम् । ब्र॒ह्म॒वादि॑न इति॑ ब्र॒ह्म॒वादि॑नः ।
 वद॑न्ति । द॒ध्नः । पू॒र्वस्य॑ । अ॒वदे॑यमित्य॒व – दे॒यम् । 18 (50)

TS 2.5.3.5

दधि॑ हि पू॒र्वं क्रि॒यत॑ इत्य॒नादृ॑त्य तच्छृ॒तस्यै॒व पू॒र्वस्या॑व
 द्येदिन्द्रि॒य-मे॒वास्मि॑न् वी॒र्यं॑ श्रित्वा द॒ध्नोप॑रि॒ष्टाद्धि॑नोति
 यथापू॒र्वमु॑पैति॒ यत् पू॒तीकै॑र्वा पर्ण॒वल्कै॑र्वा ऽऽत॒ञ्च्याथ् सौ॒म्यं तद्-यत्
 क्वलै॑ राक्ष॒सं तद्-यत् तण्डु॒लैर्वै॑श्वदे॒वं तद्-यदा॑तञ्चनेन मा॒नुषं
 तद्-यद्-द॒ध्ना तथ् सेन्द्रं॑ द॒ध्ना ऽऽ तन॑क्ति – [] 19

TS 2.5.3.5 - Padam

दधि॑ । हि । पू॒र्वम् । क्रि॒यते॑ । इति॑ । अ॒नादृ॑त्येत्य॒ना – दृ॒त्य ।
 तत् । शृ॒तस्य॑ । ए॒व । पू॒र्वस्य॑ । अ॒वेति॑ । द्येत् । इन्द्रि॒यम् । ए॒व ।
 अ॒स्मिन् । वी॒र्यम्॑ । श्रित्वा । द॒ध्ना । उ॒परि॑ष्टात् । धि॒नोति॑ ।

य॒था॒पू॒र्वमि॑ति॒ यथा॑ – पू॒र्वम् । उ॒पेति॑ । ए॒ति । यत् । पू॒तीकैः॑ ।
वा । प॒र्णव॒ल्कैरि॑ति॒ पर्ण॑ – व॒ल्कैः । वा ।
आ॒त॒ज्ज्यादि॑त्या॒ – त॒ज्ज्यात् । सौ॒म्यम् । तत् । यत् । क्व॒लैः ।
रा॒क्ष॒सम् । तत् । यत् । त॒ण्डु॒लैः । वै॒श्वदे॑वमि॒ति वैश्व॑ – दे॒वम् । तत् ।
यत् । आ॒त॒ज्ज॒नेने॑त्या॒ – त॒ज्ज॒नेन॑ । मा॒नु॒षम् । तत् । यत् । द॒ध्ना ।
तत् । से॒न्द्रमि॑ति॒ स – इ॒न्द्रम् । द॒ध्ना । ए॒ति । त॒नक्ति॑ । 19 (50)

TS 2.5.3.6

से॒न्द्र॒त्वाया॑-ग्नि॒हो॒त्रो॒च्छे॒षण॑-म॒भ्यात॑नक्ति॒ यज्ञ॑स्य॒ सन्त॑त्या॒ इन्द्रो॑
वृ॒त्रं ह॑त्वा॒ परा॑ं॒ परा॑वत-म॒गच्छ॑-द॒पा॒राध॑मि॒ति म॑न्य॒मान॑स्तं॒ दे॒वताः॑
प्रै॒षमै॑च्छन्त् सौ॒ब्रवी॑त् प्र॒जाप॑तिर्यः प्रथ॒मोऽनु॑विन्दति॒ तस्य॑ प्रथ॒मं
भा॒ग॒धेय॑मि॒ति तं॑ पि॒तरोऽनु॑विन्दन् तस्मात् पि॒तृभ्यः॑ पू॒र्वेद्युः॑ क्रि॒यते॑
सोऽमा॑वा॒स्यां प्र॑त्या॒ ऽगच्छ॑त् तं दे॒वा अ॒भि स॑म॒गच्छ॑न्ता॒मा

वै नो-[] 20

TS 2.5.3.6 - Padam

से॒न्द्र॒त्वाये॑ति॒ से॒न्द्र – त्वा॑य ।

अ॒ग्नि॒हो॒त्रो॒च्छे॒षण॑मि॒त्यग्नि॑हो॒त्र – उ॒च्छे॒षण॑म् ।

अ॒भ्या॒त॒न॒क्ती॒त्य॒भि॒ – आ॒त॒न॒क्ति॒ । य॒ज्ञ॒स्य॒ । स॒न्त॒त्या॒ इति॒ सं-त॒त्यै॒ ।
 इन्द्रः॑ । वृ॒त्रम् । ह॒त्वा । प॒राम् । प॒रा॒व॒त॒मि॒ति॒ प॒रा – व॒तम् ।
 अ॒ग॒च्छ॒त् । अ॒पे॒ति॒ । अ॒रा॒ध॒म् । इति॑ । म॒न्य॒मा॒नः॑ । तम् । दे॒वताः॑ ।
 प्रै॒ष॒मि॒ति॒ प्र – ए॒षम् । ऐ॒च्छ॒न् । सः । अ॒ब्र॒वीत् । प्र॒जा॒प॒ति॒रि॒ति॑
 प्र॒जा – प॒तिः॑ । यः । प्र॒थ॒मः । अ॒नु॒वि॒न्द॒ती॒त्य॒नु – वि॒न्द॒ति॑ । त॒स्य॑ ।
 प्र॒थ॒मम् । भा॒ग॒धे॒य॒मि॒ति॒ भा॒ग – धे॒यम् । इति॑ । तम् । पि॒तरः॑ ।
 अ॒न्वि॒ति॑ । अ॒वि॒न्द॒न् । तस्मा॑त् । पि॒तृ॒भ्य॒ इति॑ पि॒तृ – भ्यः॑ ।
 पूर्वे॑द्युः । क्रि॒य॒ते॒ । सः । अ॒मा॒वा॒स्या॒मि॒त्य॒मा – वा॒स्याम् । प्र॒ति॑ ।
 ए॒ति॑ । अ॒ग॒च्छ॒त् । तम् । दे॒वाः । अ॒भि॒ । स॒मि॒ति॑ । अ॒ग॒च्छ॒न्त॒ ।
 अ॒मा॒ । वै॒ । नः॑ । 20 (50)

TS 2.5.3.7

ऽद्य॑ व॒सु व॒स॒ती॒तीन्द्रो॑ हि दे॒वानां॑ व॒सु तद॑मा॒वा॒स्या॒या अ॒मा॒वा॒स्य॒त्वं
 ब्र॒ह्म॒वा॒दि॒नो॑ वदन्ति किं॒दे॒व॒त्य॑ सां॒ना॒य्य॒मि॒ति॑ वै॒श्व॒दे॒व॒मि॒ति॑ ब्रू॒याद्-
 वि॒श्वे॑ हि तद्-दे॒वा भा॒ग॒धे॒य॒म॒भि॒ स॒म॒ग॒च्छ॒न्ते॒त्य॒थो॒ ख॒ल्वै॒न्द्र॒मि॒त्ये॒व
 ब्रू॒या॒दि॒न्द्रं॑ वा॒व ते॑ तद्-भि॒ष॒ज्य॒न्तो॒ऽभि॒ स॒म॒ग॒च्छ॒न्ते॒ति॑ ॥ 21

TS 2.5.3.7 - Padam

अ॒द्य । व॒सु । व॒स॒ति॒ । इति॑ । इन्द्रः॑ । हि॑ । दे॒वाना॑म् । व॒सु । तत् ।
अ॒मा॒वा॒स्या॒या इत्य॑मा – वा॒स्या॒याः ।
अ॒मा॒वा॒स्य॒त्व॒मि॒त्य॒मा॒वा॒स्य – त्वम् । ब्र॒ह्म॒वा॒दि॒न इति॑ ब्र॒ह्म॒वा॒दि॒नः ।
व॒द॒न्ति॒ । किं॑ दे॒व॒त्य॒मि॒ति॒ किं – दे॒व॒त्य॒म् ।
सा॒ना॒य्य॒मि॒ति॒ सां – ना॒य्य॒म् । इति॑ । वै॒श्व॒दे॒व॒मि॒ति॒ वै॒श्व – दे॒व॒म् ।
इति॑ । ब्रू॒यात् । वि॒श्वे॑ । हि॑ । तत् । दे॒वाः । भा॒ग॒धे॒य॒मि॒ति॒
भा॒ग – धे॒य॒म् । अ॒भी॒ति॒ । स॒म॒ग॒च्छ॒न्ते॒ति॒ सं – अ॒ग॒च्छ॒न्त ।
इति॑ । अ॒थो इति॑ । ख॒लु । ऐ॒न्द्र॒म् । इति॑ । ए॒व । ब्रू॒यात् । इन्द्र॑म् ।
वा॒व । ते । तत् । भि॒ष॒ज्य॒न्तः । अ॒भि॒ । स॒मि॒ति॒ । अ॒ग॒च्छ॒न्त ।
इति॑ ॥ 21 (42)

(दधि॑ – मे॑ ज॒घ्नुष॑ इन्द्रि॒यं वी॒र्यं॑ – मि॒त्य॒ब्र॒वी॒दे॒त॒द॒स्मा –
अ॒व॒दे॒यं – त॒न॒क्ति॑ – नो॑ – द्वि॒च॒त्वा॒रि॒ञ्श॒च्च) (A3)

TS 2.5.4.1

ब्र॒ह्म॒वा॒दि॒नो व॒द॒न्ति॒ स त्वै॑ दर्॒श॒पू॒र्ण॒मा॒सौ य॒जे॒त॒ य ए॒नौ से॒न्द्रौ
य॒जे॒ते॒ति॒ वैमृ॑धः पू॒र्ण॒मा॒से ऽनु॒नि॒र्वा॒प्यो भ॒व॒ति॒ ते॒न पू॒र्ण॒मा॒सः से॒न्द्रौ

ऐ॒न्द्रं द॒द्ध्य॒मा॒वा॒स्या॒यां ते॒ना॒मा॒वा॒स्या॒ से॒न्द्रा॒ य ए॒वं वि॒द्वान्
दर्॒श॒पूर्ण॒मा॒सौ य॒ज॒ते से॒न्द्रा॒वे॒वैनौ॑ य॒ज॒ते श्वः॑श्चो॒ऽस्मा ई॒जाना॒य
व॒सी॒यो भ॒वति॑ दे॒वा वै यद्-य॒ज्ञे ऽकु॑र्व॒त॒तद॒सुरा॑ अकुर्व॒त ते

दे॒वा ए॒ता – [] 22

TS 2.5.4.1 - Padam

ब्र॒ह्म॒वा॒दि॒न इति॑ ब्र॒ह्म – वा॒दि॒नः । व॒द॒न्ति॑ । सः । तु । वै ।
दर्॒श॒पूर्ण॒मा॒सा॒वि॒ति दर्॒श – पूर्ण॒मा॒सौ । य॒जे॒त । यः । ए॒नौ ।
से॒न्द्रा॒वि॒ति स – इ॒न्द्रौ । य॒जे॒त । इति॑ । वै॒मृ॒धः । पूर्ण॒मा॒स इति॑
पूर्ण – मा॒से । अ॒नु॒नि॒र्वा॒प्य इत्य॑नु – नि॒र्वा॒प्यः । भ॒व॒ति । ते॒न ।
पूर्ण॒मा॒स इति॑ पूर्ण – मा॒सः । से॒न्द्र इति॑ स – इ॒न्द्रः । ऐ॒न्द्रम् ।
दधि॑ । अ॒मा॒वा॒स्या॒या॒मि॒त्य॒मा – वा॒स्या॒या॒म् । ते॒न ।
अ॒मा॒वा॒स्ये॒त्य॒मा – वा॒स्या॑ । से॒न्द्रे॒ति स – इ॒न्द्रा॑ । यः । ए॒वम् ।
वि॒द्वान् । दर्॒श॒पूर्ण॒मा॒सा॒वि॒ति दर्॒श – पूर्ण॒मा॒सौ । य॒ज॒ते ।
से॒न्द्रा॒वि॒ति स – इ॒न्द्रौ । ए॒व । ए॒नौ । य॒ज॒ते ।
श्वः॑श्च इति॑ श्वः – श्वः । अ॒स्मै । ई॒जा॒ना॒य । व॒सी॒यः । भ॒व॒ति ।

दे॒वाः । वै । यत् । य॒ज्ञे । अ॒कुर्व॑त । तत् । अ॒सुराः । अ॒कुर्व॑त । ते ।

दे॒वाः । ए॒ताम् । 22 (50)

TS 2.5.4.2

–मि॒ष्टि–मप॑श्यन्ना॒ग्नावै॒ष्णव॑–मे॒काद॑श॒कपा॒लꣳ सर॑स्वत्यै च॒रुꣳ
सर॑स्वते च॒रुं तां पौ॑र्ण॒मासꣳ सꣳस्था॑प्यानु नि॒रव॑पन् ततो॑ दे॒वा
अभ॑वन् परा॒ऽसुरा॑ यो भ्रा॒तृव्य॑वा॒न्थस्या॑त् स पौ॑र्ण॒मासꣳ
सꣳस्था॑प्यैतामि॒ष्टिम॑नु निर्व॑पेत् पौ॑र्ण॒मासे॒नैव॑ वज्रं भ्रा॒तृव्या॑य
प्र॒हृ॒त्याऽऽग्नावै॒ष्णावे॑न दे॒वता॑श्च य॒ज्ञं च॒ भ्रा॒तृव्य॑स्य वृ॒द्धे मि॒थुना॑न्
प॒शून्थ॑ सा॒रस्व॑ताभ्यां याव॑दे॒वास्या॑स्ति तथ् – [] 23

TS 2.5.4.2 - Padam

इ॒ष्टिम् । अ॒प॒श्यन् । आ॒ग्नावै॒ष्णव॑मित्या॒ग्ना – वै॒ष्णव॑म् ।
ए॒काद॑श॒कपा॒लमित्ये॒काद॑श – क॒पा॒लम् । सर॑स्वत्यै । च॒रुम् ।
सर॑स्वते । च॒रुम् । ता॒म् । पौ॑र्ण॒मास॑मि॒ति पौ॑र्ण – मा॒सम् ।
सꣳस्था॑प्येति सं – स्था॒प्य । अनु॑ । नि॒रि॒ति । अ॒व॒पन् । ततः॑ ।
दे॒वाः । अभ॑वन् । प॒रेति॑ । अ॒सुराः । यः ।
भ्रा॒तृव्य॑वा॒निति॑ भ्रा॒तृव्य॑ – वा॒न् । स्या॑त् । सः ।

पौ॒र्ण॒मा॒स॒मि॒ति॒ पौ॒र्ण – मा॒स॒म् । स॒ं॒स्था॒प्ये॒ति॒ सं॒-स्था॒प्य॒ । ए॒ता॒म् ।
इ॒ष्टि॒म् । अ॒नु । नि॒रि॒ति॒ । व॒पे॒त् । पौ॒र्ण॒मा॒से॒ने॒ति॒ पौ॒र्ण – मा॒से॒न॒ ।
ए॒व । व॒ज्र॒म् । भ्रा॒तृ॒व्या॒य । प्र॒हृ॒त्ये॒ति॒ प्र – हृ॒त्य॒ ।
आ॒ग्ना॒वै॒ष्ण॒वे॒ने॒त्या॒ग्ना॒-वै॒ष्ण॒वे॒न॒ । दे॒वताः॑ । च॒ । य॒ज्ञ॒म् । च॒ ।
भ्रा॒तृ॒व्य॒स्य॒ । वृ॒द्धे॒ । मि॒थु॒नान् । प॒शून् ।
सा॒र॒स्व॒ता॒भ्या॒म् । या॒वत् । ए॒व । अ॒स्य॒ । अ॒स्ति॒ । तत् । 23 (50)

TS 2.5.4.3

सर्वं॑ वृ॒द्धे पौ॒र्ण॒मा॒सी॒मे॒व॒ य॒जे॒त॒ भ्रा॒तृ॒व्य॒वा॒न्ना॒मा॒वा॒स्या॒ं॒ ह॒त्वा॒ भ्रा॒तृ॒व्यं॒
नाऽऽ॒प्या॒य॒य॒ति॒ सा॒कं॒प्र॒स्था॒यी॒ये॒न॒ य॒जे॒त॒ प॒शु॒का॒मो॒य॒स्मै॒ वा
अ॒ल्पे॒नाऽऽ॒हर॑न्ति॒ नाऽऽ॒त्म॒ना॒ तृ॒प्य॒ति॒ ना॒न्य॒स्मै॒ द॒दा॒ति॒ य॒स्मै॒ म॒ह॒ता
तृ॒प्य॒त्या॒त्म॒ना॒ द॒दा॒त्य॒न्य॒स्मै॒ म॒ह॒ता॒ पूर्णं॑ हो॒त॒व्यं॑ तृ॒प्त॒ ए॒वै॒न॒मि॒न्द्रः॑
प्र॒जया॑ प॒शु॒भि॒स्त॒र्प॒य॒ति॒ दा॒रु॒पा॒त्रे॒ण॒ जु॒हो॒ति॒ न॒ हि॒ मृ॒न्म॒य॒मा॒हु॒ति॒मा॒न॒श
औ॒दु॒म्बरं॑ – [] 24

TS 2.5.4.3 - Padam

सर्व॑म् । वृ॒द्धे॒ । पौ॒र्ण॒मा॒सी॒मि॒ति॒ पौ॒र्ण – मा॒सी॒म् । ए॒व । य॒जे॒त॒ ।
भ्रा॒तृ॒व्य॒वा॒नि॒ति॒ भ्रा॒तृ॒व्य – वा॒न् । न॒ । अ॒मा॒वा॒स्या॒मि॒त्य॒मा॒-वा॒स्या॒म् ।

ह॒त्वा । भ्रा॒तृ॒व्यम् । न । ए॒ति । प्या॒य॒य॒ति । सा॒कं॒प्र॒स्था॒यी॒ये॒ने॒ति ।
 सा॒कं – प्र॒स्था॒यी॒ये॒न । य॒जे॒त । प॒शु॒का॒म इति॑ प॒शु – का॒मः ।
 यस्मै॑ । वै । अ॒ल्पे॒न । आ॒हर॒न्ती॒त्या – हर॑न्ति । न । आ॒त्म॒ना ।
 तृ॒प्य॒ति । न । अ॒न्य॒स्मै॑ । द॒दा॒ति । यस्मै॑ । म॒ह॒ता । तृ॒प्य॒ति ।
 आ॒त्म॒ना । द॒दा॒ति । अ॒न्य॒स्मै॑ । म॒ह॒ता । पू॒र्णम् । हो॒त॒व्यम् । तृ॒प्तः ।
 ए॒व । ए॒नम् । इन्द्रः॑ । प्र॒ज॒ये॒ति प्र – ज॒या । प॒शु॒भि॒रिति॑ प॒शु–भिः॑ ।
 त॒र्प॒य॒ति । दा॒रु॒पा॒त्रे॒णे॒ति दा॒रु – पा॒त्रे॒ण । जु॒हो॒ति । न । हि ।
 मृ॒न्म॒य॒मिति॑ मृ॒त् – म॒यम् । आ॒हु॒ति॒मित्या॑ – हु॒तिम् ।
 आ॒न॒शे । औ॒दु॒म्बरम् । 24 (50)

TS 2.5.4.4

भ॒व॒त्यूर्वा॑ उ॒दु॒म्ब॒र ऊ॒र्क् प॒श॒व ऊ॒र्जे॑वा॒स्मा ऊ॒र्जं॑ प॒शू॒न॒व रु॒न्धे
 ना॒ग॒त॒श्री॒र्म॒हेन्द्रं॑ य॒जे॒त त्र॒यो वै ग॒त॒श्रि॒यः शु॒श्रु॒वान् ग्रा॒म॒णी
 रा॒ज॒न्य॒स्तेषां॑ म॒हेन्द्रो॑ दे॒व॒ता यो वै स्वां॑ दे॒व॒ता–म॒ति॒य॒ज॒ते
 प्र स्वा॑यै दे॒व॒तायै॑च्यव॒ते न प॒रां प्रा॒प्नो॒ति पा॒पी॒या॒न् भ॒व॒ति
 सँव॑त्स॒र–मिन्द्रं॑ य॒जे॒त सँव॑त्स॒रꣳ हि व्र॒तं ना॒ति स्वै – [] 25

TS 2.5.4.4 - Padam

भवति । ऊर्क् । वै । उ॒दु॒म्बरः । ऊर्क् । प॒शवः । ऊ॒र्जा । ए॒व ।
अ॒स्मै । ऊ॒र्ज॑म् । प॒शून् । अ॒वेति॑ । रु॒न्धे । न ।
अ॒गत॑श्रीरित्य॒गत – श्रीः । म॒हेन्द्र॑मिति॒ महा – इन्द्र॑म् । य॒जेत॑ ।
त्रयः । वै । ग॒तश्रि॑य इति॒ गत – श्रि॒यः । शु॒श्रु॒वान् । ग्रा॒मणी॑रिति॒
ग्रा॒म – नीः । रा॒ज॒न्यः । तेषा॑म् । म॒हेन्द्र॑ इति॒ महा-इन्द्रः॑ । दे॒वता॑ ।
यः । वै । स्वा॑म् । दे॒वता॑म् । अ॒तिय॑जत इत्य॒ति – य॑जते । प्रेति॑ ।
स्वा॒यै । दे॒वता॑यै । च्य॒वते॑ । न । प॒रा॑म् । प्रेति॑ । आ॒प्नोति॑ ।
पा॒पी॒यान् । भ॒वति॑ । सँ॒व॒त्स॒रमि॑ति॒ सं-व॒त्स॒रम् । इन्द्र॑म् ।
य॒जेत॑ । सँ॒व॒त्स॒रमि॑ति॒ सं – व॒त्स॒रम् । हि । व्र॒तम् । न ।
अ॒तीति॑ । स्वा । 25 (50)

TS 2.5.4.5

-वैनं॑ दे॒वते॑ज्यमा॒ना भू॒त्या इ॒न्धे व॑सी॒यान् भ॒वति॑ सँ॒व॒त्स॒रस्य॑
प॒रस्ता॑द॒ग्नये॑ व्र॒तप॑तये पु॒रोडा॑शम॒ष्टाक॑पालं॒ निर्व॑पेथ् सँ॒व॒त्स॒रमे॒वैनं॑
वृ॒त्रं ज॑ध्नि॒वा॒सम॑ग्निर् व्र॒तप॑तिर् व्र॒तमा॑ ल॒म्भ॑यति॒ ततो॑ऽधि॒ कामं॑
य॒जेत॑ ॥ 26

TS 2.5.4.5 - Padam

ए॒व । ए॒नम् । दे॒वता॑ । इ॒ज्यमा॑ना । भू॒त्यै॑ । इ॒न्धे॑ । व॒सी॒यान् ।
भ॒वति॑ । सँ॒व॒थ्स॒रस्ये॑ति सं – व॒थ्स॒रस्य॑ । प॒रस्ता॑त् । अ॒ग्नये॑ ।
व॒रत॑प॒तय॑ इति व॒रत॑ – प॒तये॑ । पु॒रोडा॑शम् ।
अ॒ष्टाक॑पा॒लमि॒त्यष्टा॑ – क॒पा॒लम् । नि॒रिति॑ । व॒पेत् । सँ॒व॒थ्स॒रमि॒ति
सं – व॒थ्स॒रम् । ए॒व । ए॒नम् । वृ॒त्रम् । ज॒घ्नि॒वा॒सम् । अ॒ग्निः ।
व॒रत॑प॒तिरि॒ति व॒रत॑-प॒तिः । व॒रत॑म् । ए॒ति । ल॒भय॑ति । त॒तः । अधी॑ति ।
का॒मम् । य॒जेत॑ ॥ 26 (30)

(ए॒तां – त – दौ॒दु॒म्बर॑ – स्वा – त्रि॒ंश॑च्च्) (A4)

TS 2.5.5.1

ना॒सो॒मया॑जी सं न॒येद॑ना॒गतं॑ वा ए॒तस्य॑ प॒यो योऽसो॑मया॒जी
यद॑सो॒मया॑जी सं॒नये॑त् प॒रिमो॑ष ए॒व सोऽनृ॑तं क॒रोत्य॑थो प॒रैव॑ सि॒च्यते॑
सो॒मया॑ज्यै॒व सं न॒येत् प॒यो वै सो॒मः प॒यः सा॑ना॒य्यं प॒यसै॑व प॒य
आ॒त्मन् ध॑त्ते वि वा ए॒तं प्र॑जया प॒शुभि॑र॒र्धय॑ति व॒र्द्धय॑त्यस्य
भ्रा॒तृव्यं॑ य॒स्य ह॒विर्नि॑रु॒प्तं पु॒रस्ता॑च्च॒न्द्रमा॑ – [] 27

TS 2.5.5.1- Padam

न । असो॑मया॒जीत्यसो॑म – या॒जी । समि॑ति । नये॑त् ।
अना॑गत॒मित्यना॑ – ग॒तम् । वै । ए॒तस्य॑ । पयः॑ । यः ।
असो॑मया॒जीत्यसो॑म – या॒जी । यत् । असो॑मया॒जीत्यसो॑म-या॒जी ।
संनये॑दिति॒ सं – नये॑त् । परि॒मोष॑ इति॒ परि – मोषः॑ । ए॒व । सः ।
अनृ॑तम् । करो॑ति । अथो॑ इति॒ परे॑ति । ए॒व । सि॒च्यते॑ ।
सोमया॒जीति॑ सोम – या॒जी । ए॒व । समि॑ति । नये॑त् । पयः॑ । वै ।
सोमः॑ । पयः॑ । सां॒नाय्यमि॑ति॒ सां – नाय्य॑म् । पय॑सा । ए॒व । पयः॑ ।
आ॒त्मन् । ध॒त्ते । वी॑ति । वै । ए॒तम् । प्र॒जये॑ति॒ प्र – जया॑ ।
प॒शुभि॑रिति॒ प॒शु – भिः॑ । अ॒र्द्धय॑ति । व॒र्द्धय॑ति । अ॒स्य ।
भ्रातृ॑व्यम् । यस्य॑ । ह॒विः । निरु॑प्तमि॒ति निः – उ॒प्तम् । पु॒रस्ता॑त् ।

॥
चन्द्र॑माः । 27 (50)

TS 2.5.5.2

अभ्यु॑देति॒ त्रेधा॑ तण्डु॒लान् । वि भ॒जेद्-ये म॑द्ध्यमाः स्यु॒स्तान॒ग्नये॑
दा॒त्रे पु॒रोडा॑शम॒ष्टाक॑पालं कुर्याद्-ये स्थवि॑ष्ठास्तानिन्द्रा॒य प्र॑दा॒त्रे
दध॑ ७ श्रुं॑ यै॒ऽणिष्ठा॑स्तान् । विष्ण॑वे शि॒पिवि॑ष्टाय शृ॒ते च॒रुम॑ग्निरे॒वास्मै॑ ॥

प्र॒जां प्र॒जन॑यति वृ॒द्धामिन्द्रः॑ प्र यच्छति य॒ज्ञो वै विष्णुः॑ प॒शवः॑

शि॒पिर्य॑ज्ञ ए॒व प॒शुषु॑ प्रति तिष्ठति न द्वे – [] 28

TS 2.5.5.2 - Padam

अ॒भीति॑ । उ॒देती॑त्युत् – ए॒ति । त्रे॒धा । तण्डु॑लान् । वी॒ति । भ॒जेत् ।

ये । म॒द्ध्य॒माः । स्युः॑ । तान् । अ॒ग्नये॑ । दा॒त्रे । पु॒रोडा॑शम् ।

अ॒ष्टाक॑पालमि॒त्यष्टा॑ – क॒पाल॒म् । कुर्या॑त् । ये । स्थवि॑ष्ठाः । तान् ।

इन्द्रा॑य । प्र॒दात्र॑ इति प्र – दा॒त्रे । दध॑न् । च॒रुम् । ये । अ॒णिष्ठाः॑ ।

तान् । वि॒ष्णवे॑ । शि॒पि॒वि॒ष्टाये॑ति शि॒पि – वि॒ष्टाय॑ । शृ॒ते । च॒रुम् ।

अ॒ग्निः । ए॒व । अ॒स्मै । प्र॒जामि॑ति प्र – जा॒म् । प्र॒जन॑यतीति

प्र – जन॑यति । वृ॒द्धाम् । इन्द्रः॑ । प्रेति॑ । यच्छति॑ । य॒ज्ञः । वै ।

विष्णुः॑ । प॒शवः॑ । शि॒पिः । य॒ज्ञे । ए॒व । प॒शुषु॑ । प्रतीति॑ । तिष्ठति॑ ।

न । द्वे इति । 28 (50)

TS 2.5.5.3

य॒जेत॑ यत् पू॒र्वया॑ संप्रति य॒जेतो॑त्तरया छम्बट् कुर्याद्-यदु॑त्तरया

सम्प्रति य॒जेत॑ पू॒र्वया॑ छम्बट् कुर्यान्नेष्टि॑र्भवति न य॒ज्ञस्तदनु॑

ही॒तमु॒ख्यप॑गल्भो जा॒यत॑ ए॒कामे॑व य॒जेत॑ प्र॒गल्भो॑ऽस्य जा॒यते॑ ऽना॒दृत्य॑

तद् द्वे ए॒व य॒जेत॑ य॒ज्ञमु॒खमे॒व पूर्॒वया॑ ऽऽल॒भते॑ य॒जत॑ उत्त॒रया॑ दे॒वता॑
ए॒व पूर्॒वया॑ ऽव॒रुन्ध॑ इ॒न्द्रि॒य-मु॒त्तर॒या दे॒वलो॒कमे॒व - [] 29

TS 2.5.5.3 - Padam

य॒जेत॑ । यत् । पूर्॒वया॑ । संप्र॒तीति॑ सं - प्र॒ति । य॒जेत॑ ।
उत्त॒रये॒त्युत् - त॒रया॑ । छं॒बट् । कु॒र्यात् । यत् । उत्त॒रये॒त्युत् - त॒रया॑ ।
संप्र॒तीति॑ सं-प्र॒ति । य॒जेत॑ । पूर्॒वया॑ । छं॒बट् । कु॒र्यात् । न । इ॒ष्टिः ।
भ॒वति॑ । न । य॒ज्ञः । तत् । अ॒न्विति॑ । ह्री॒तमु॒खीति॑ ह्री॒त - मु॒खी ।
अ॒प॒गल्भ॑ इत्य॒प - ग॒ल्भः । जा॒यते॑ । ए॒काम् । ए॒व । य॒जेत॑ ।
प्र॒गल्भ॑ इति॒ प्र - ग॒ल्भः । अ॒स्य । जा॒यते॑ । अ॒नादृ॒त्येत्य॑ना-दृ॒त्य ।
तत् । द्वे इति॑ । ए॒व । य॒जेत॑ । य॒ज्ञमु॒खमि॒ति य॒ज्ञ - मु॒खम् । ए॒व ।
पूर्॒वया॑ । आ॒ल॒भत॑ इत्या॑ - ल॒भते॑ । य॒जते॑ । उत्त॒रये॒त्युत् - त॒रया॑ ।
दे॒वताः॑ । ए॒व । पूर्॒वया॑ । अ॒व॒रुन्ध॑ इत्य॒व - रु॒न्धे । इ॒न्द्रि॒यम् ।
उत्त॒रये॒त्युत् - त॒रया॑ । दे॒वलो॒कमि॒ति दे॒व - लो॒कम् । ए॒व । 29 (50)

TS 2.5.5.4

पूर्॒वया॑ऽभि॒जय॑ति म॒नुष्य॑लो॒कमु॒त्तर॒या भू॒यसो॑ य॒ज्ञक्र॒तूनु॑पै॒त्येषा॑
वै सु॒मना॑ ना॒मेष्टि॑र्य॒मद्ये॒जानं॑ प॒श्चाच्च॒न्द्रमा॑ अ॒भ्युदे॑त्य॒स्मिन्ने॒वास्मै॑

लो॒केऽर्द्धु॑कं भवति दा॒क्षाय॑णय॒ज्ञेन॑ सु॒वर्ग॑का॒मो य॒जेत॑ पू॒र्णमा॑से
सं नये॑न्-मै॒त्राव॑रु॒ण्या ऽऽमि॑क्षया ऽमा॒वास्या॑यां य॒जेत॑ पू॒र्णमा॑से वै
दे॒वानां॑ सु॒तस्तेषा॑मे॒तम॑र्द्ध॒मासं॑ प्रसु॒तस्तेषां॑ मै॒त्राव॑रु॒णी
वशा॑ऽमा॒वास्या॑या-मनू॒बन्ध्या॑ यत् - [] 30

TS 2.5.5.4 - Padam

पूर्व॑या । अ॒भिज॑यतीत्य॒भि - ज॑यति । म॒नुष्य॑लो॒कमि॑ति
म॒नुष्य॑ - लो॒कम् । उ॒त्तर॑येत्युत् - त॒रया॑ । भू॒यसः॑ । य॒ज्ञक्र॑तू॒निति॑
य॒ज्ञ - क्र॑तून् । उ॒पेति॑ । ए॒ति । ए॒षा । वै । सु॒मना॑ इति सु - म॒नाः ।
नाम॑ । इ॒ष्टिः । यम् । अ॒द्य । ई॒जान॑म् । प॒श्चात् । च॒न्द्रमाः॑ । अ॒भीति॑ ।
उ॒देती॑त्युत् - ए॒ति । अ॒स्मिन् । ए॒व । अ॒स्मै । लो॒के । अ॒र्द्धु॑कम् ।
भव॑ति । दा॒क्षाय॑णय॒ज्ञेनेति॑ दा॒क्षाय॑ण - य॒ज्ञेन॑ । सु॒वर्ग॑का॒म इति॑
सु॒वर्ग॑ - का॒मः । य॒जेत॑ । पू॒र्णमा॑स इति पू॒र्ण - मा॑से । स॒मिति॑ ।
नये॑त् । मै॒त्राव॑रु॒ण्येति॑ मै॒त्रा - व॑रु॒ण्या । आ॒मि॒क्षया॑ ।
अ॒मावा॑स्याया॒मित्य॑मा - वा॒स्यायाम् । य॒जेत॑ । पू॒र्णमा॑स इति॑
पू॒र्ण - मा॑से । वै । दे॒वाना॑म् । सु॒तः । तेषा॑म् । ए॒तम् ।

अ॒र्द्ध॒मा॒स॒मि॒त्य॒र्द्ध॒ – मा॒स॒म् । प्र॒सु॒त॒ इति॒ प्र – सु॒तः॑ । ते॒षाम्॑ ।

मै॒त्रा॒व॒रु॒णी॒ति॒ मै॒त्रा – व॒रु॒णी । व॒शा ।

अ॒मा॒वा॒स्या॒या॒मि॒त्य॒मा – वा॒स्या॒याम् ।

अ॒नू॒ब॒न्ध्ये॒त्यनु॑ – ब॒न्ध्या॑ । यत् । 30 (50)

TS 2.5.5.5

पूर्वे॑द्युर् यज॑ते वेदि॑मे॒व तत् क॑रोति॒ यद् व॒थ्सान॑पाक॑रोति॒
सदो॑ह॒वि॒र्द्धा॒ने ए॒व सं मि॑नोति॒ यद्-यज॑ते दे॒वैरे॒व सु॒त्याꣳ सं
पा॒दय॑ति॒ स ए॒तम॑र्द्ध॒मा॒सꣳ स॒ध॒मादं॑ दे॒वैः सोमं॑ पि॒बति॒ यन्-
मै॒त्रा॒व॒रु॒ण्या ऽऽमि॑क्ष॒या ऽमा॑वा॒स्यायां॑ य॒जते॒ यैवा॑सौ दे॒वानां॑
व॒शाऽनू॑ब॒न्ध्या सो॒ ए॒वैषै॑तस्य सा॒क्षाद्-वा ए॒ष दे॒वान॑भ्या॒रोह॑ति॒
य ए॒षां य॑ज्ञ – [] 31

TS 2.5.5.5 - Padam

पूर्वे॑द्युः । यज॑ते । वेदि॑म् । ए॒व । तत् । क॑रोति॒ । यत् । व॒थ्सान् ।
अपा॑करोतीत्य॒प-आ॑करोति॒ । सदो॑ह॒वि॒र्द्धा॒ने इति॑ सदः-ह॒वि॒र्द्धा॒ने ।
ए॒व । समि॑ति । मि॒नोति॒ । यत् । यज॑ते । दे॒वैः । ए॒व । सु॒त्याम् ।
समि॑ति । पा॒दय॑ति । सः । ए॒तम् । अ॒र्द्ध॒मा॒स॒मि॒त्य॒र्द्ध॒ – मा॒स॒म् ।

स॒ध॒मा॒द॒मि॒ति॒ स॒ध – मा॒द॒म् । दे॒वैः । सो॒म॒म् । पि॒ब॒ति॒ । यत् ।
मै॒त्रा॒व॒रु॒ण्ये॒ति॒ मै॒त्रा – व॒रु॒ण्या । आ॒मि॒क्ष॒या ।
अ॒मा॒वा॒स्या॒या॒मि॒त्य॒मा – वा॒स्या॒याम् । य॒ज॒ते । या । ए॒व । अ॒सौ ।
दे॒वा॒ना॒म् । व॒शा । अ॒नू॒ब॒न्ध्ये॒त्य॒नु – ब॒न्ध्या॒ । सो इति॑ । ए॒व । ए॒षा ।
ए॒त॒स्य॑ । सा॒क्षा॒दि॒ति॑ स – अ॒क्षात् । वै । ए॒षः । दे॒वान् ।
अ॒भ्या॒रो॒ह॒ती॒त्य॒भि – आ॒रो॒ह॒ति॑ । यः । ए॒षाम् । य॒ज्ञम् । 31 (50)

TS 2.5.5.6

–म॒भ्या॒रो॒ह॒ति॑ य॒था ख॒लु॒वै श्रे॒या॒न॒भ्या॒रू॒ढः का॒म॒य॒ते॒ त॒था क॒रो॒ति॒
य॒द्य॒व॒वि॒द्ध्य॒ति॒ पा॒पी॒या॒न् भ॒व॒ति॒ य॒दि ना॒व॒वि॒द्ध्य॒ति॒ स॒दृ॒ङ् व्या॒वृ॒त्का॒म
ए॒ते॒न॒ य॒ज्ञे॒न॒ य॒जे॒त क्षु॒रप॒वि॒र्ह्य॑ष॒ य॒ज्ञ॒स्ता॒जक् पु॒ण्यो॒ वा भ॒व॒ति॒ प्र वा
मी॒य॒ते त॒स्यै॒तद्ब्र॒तं ना॒नृ॒तं व॒दे॒न्न मा॒ꣳस॒-म॒श्जी॒यान्न
स्त्रि॒य॒मु॒पे॒या॒न् ना॒स्य॒ प॒ल्पू॒ल॒ने॒न॒ वा॒सः प॒ल्पू॒ल॒ये॒यु- () –रे॒त॒द्धि
दे॒वाः सर्वं॑ न कुर्वन्ति॑ ॥ 32

TS 2.5.5.6 - Padam

अ॒भ्या॒रो॒ह॒ती॒त्य॒भि – आ॒रो॒ह॒ति॑ । य॒था । ख॒लु । वै । श्रे॒या॒न् ।
अ॒भ्या॒रू॒ढ इ॒त्य॒भि – आ॒रू॒ढः । का॒म॒य॒ते॒ । त॒था । क॒रो॒ति॒ । य॒दि॒ ।

अ॒ववि॒द्ध्य॒तीत्य॑व – वि॒द्ध्य॑ति । पा॒पी॒या॒न् । भ॒व॒ति॒ । य॒दि॒ । न॒ ।

अ॒ववि॒द्ध्य॒तीत्य॑व – वि॒द्ध्य॑ति । स॒दृ॒ष्टि॒ति॒ स – दृ॒ष्ट् ।

व्या॒वृ॒त्का॒म॒ इति॑ व्या॒वृ॒त् – का॒मः॒ । ए॒ते॒न॒ । य॒ज्ञे॒न॒ । य॒जे॒त॒ ।

क्षु॒रप॒वि॒रिति॑ क्षु॒र – प॒विः॒ । हि॒ । ए॒षः॒ । य॒ज्ञः॒ । ता॒ज॒क् । पु॒ण्यः॒ ।

वा॒ । भ॒व॒ति॒ । प्रे॒ति॒ । वा॒ । मी॒य॒ते॒ । तस्य॑ । ए॒त॒त् । व्र॒त॒म् । न॒ ।

अ॒नृ॒त॒म् । व॒दे॒त् । न॒ । मा॒॒स॒म् । अ॒श्नी॒या॒त् । न॒ । स्त्रि॒य॒म् ।

उ॒पे॒ति॒ । इ॒या॒त् । न॒ । अ॒स्य॒ । प॒ल्पू॒ल॒ने॒न॒ । वा॒सः॒ ।

प॒ल्पू॒ल॒ये॒युः () । ए॒त॒त् । हि॒ । दे॒वाः॒ । स॒र्व॒म् । न॒ ।

कु॒र्व॒न्ति॑ ॥ 32 (56) (च॒न्द्र॒मा – द्वे – दे॒व॒लो॒क॒मे॒व – यद् – य॒ज्ञं –

प॒ल्पू॒ल॒ये॒युः – षट् च) (A5)

TS 2.5.6.1

ए॒ष वै दे॒व॒र॒थो यद् – दर्॒श॒पू॒र्ण॒मा॒सौ यो दर्॒श॒पू॒र्ण॒मा॒सा॒वि॒ष्ट्वा सो॒मे॒न॒

य॒ज॒ते र॒थ॒स्प॒ष्ट ए॒वा॒व॒सा॒ने व॒रे दे॒वा॒ना॒म॒व स्य॑त्ये॒तानि॒ वा अ॒ङ्गा॒प॒रू॒षि

सँव॑त्स॒र॒स्य॒ यद् – दर्॒श॒पू॒र्ण॒मा॒सौ य ए॒वं वि॒द्वान् दर्श॑पूर्ण॒मा॒सौ

य॒ज॒ते – ऽङ्गा॒प॒रू॒ष्ये॒व सँव॑त्स॒र॒स्य॒ प्र॒ति द॒धा॒त्ये॒ते वै सँव॑त्स॒र॒स्य॒

चक्षु॑षी॒ यद्-दर्॑.शपूर्ण॒मासौ॑ य॒ एवं॑ वि॒द्वान् दर्॑.शपूर्ण॒मासौ॑ यज॒ते
ताभ्यामे॒व सु॒वर्गं॑ लो॒कमनु॑ पश्य - [] 33

TS 2.5.6.1 - Padam

ए॒षः । वै । दे॒वर॒थ इति॑ दे॒व - र॒थः । यत् ।
दर्॑.शपूर्ण॒मासा॒विति॑ दर्॑.श - पूर्ण॒मासौ॑ । यः ।
दर्॑.शपूर्ण॒मासा॒विति॑ दर्॑.श - पूर्ण॒मासौ॑ । इ॒ष्ट्वा । सोमे॑न ।
यज॑ते । र॒थस्पर्ष॑ इति॑ र॒थ - स्पर्ष॑ । ए॒व । अ॒वसान॑ इत्य॒व-साने॑ ।
वरे॑ । दे॒वाना॑म् । अ॒वेति॑ । स्य॒ति । ए॒तानि॑ । वै ।
अ॒ङ्गाप॒रू॒षीत्य॑ङ्गा - प॒रू॒षि । सँव॑त्सर॒स्येति॑ सं - व॒त्सर॒स्य ।
यत् । दर्॑.शपूर्ण॒मासा॒विति॑ दर्॑.श-पूर्ण॒मासौ॑ । यः । ए॒वम् । वि॒द्वान् ।
दर्॑.शपूर्ण॒मासा॒विति॑ दर्॑.श - पूर्ण॒मासौ॑ । यज॑ते ।
अ॒ङ्गाप॒रू॒षीत्य॑ङ्गा - प॒रू॒षि । ए॒व । सँव॑त्सर॒स्येति॑
सं - व॒त्सर॒स्य । प्र॒तीति॑ । द॒धाति॑ । ए॒ते इति॑ । वै ।
सँव॑त्सर॒स्येति॑ सं - व॒त्सर॒स्य । चक्षु॑षी॒ इति॑ । यत् ।
दर्॑.शपूर्ण॒मासा॒विति॑ दर्॑.श - पूर्ण॒मासौ॑ । यः । ए॒वम् । वि॒द्वान् ।

दर्॒श॒पूर्ण॒मा॒सा॒वि॒ति॑ दर्॒श॒ – पूर्ण॒मा॒सौ॑ । य॒ज॒ते॑ । ता॒भ्याम्॑ । ए॒व ।

सु॒वर्ग॑मि॒ति॑ सु॒वः॑ – ग॒म् । लो॒कम् । अ॒न्वि॒ति॑ । प॒श्य॒ति॑ । 33 (50)

TS 2.5.6.2

–त्येषा॑ वै दे॒वानां॑ वि॒क्रान्ति॑र् यद्–दर्शपूर्णमासौ॑ य ए॒वं वि॒द्वान्
दर्शपूर्णमासौ॑ य॒ज॒ते दे॒वाना॑मे॒व वि॒क्रान्ति॑म॒नु वि॒ क्र॒म॒त ए॒ष वै
दे॒व॒या॒नः॑ प॒न्था॑ यद्–दर्शपूर्णमासौ॑ य ए॒वं वि॒द्वान् दर्शपूर्णमासौ॑
य॒ज॒ते य ए॒व दे॒व॒या॒नः॑ प॒न्था॑स्त॒ऽस॒मा॒रो॒ह॒त्ये॒तौ॑ वै दे॒वाना॑ ह॒री
यद्–दर्शपूर्णमासौ॑ य ए॒वं वि॒द्वान् दर्शपूर्णमासौ॑ य॒ज॒ते या॒वे॒व
दे॒वाना॑ ह॒री ता॒भ्या – [] 34

TS 2.5.6.2 - Padam

ए॒षा । वै । दे॒वाना॑म् । वि॒क्रान्ति॑रि॒ति॑ वि – क्रा॒न्तिः॑ । य॒त् ।

दर्॒श॒पूर्ण॒मा॒सा॒वि॒ति॑ दर्॒श॒ – पूर्ण॒मा॒सौ॑ । यः॑ । ए॒वम् । वि॒द्वान् ।

दर्॒श॒पूर्ण॒मा॒सा॒वि॒ति॑ दर्॒श॒ – पूर्ण॒मा॒सौ॑ । य॒ज॒ते॑ । दे॒वाना॑म् । ए॒व ।

वि॒क्रान्ति॑मि॒ति॑ वि – क्रा॒न्ति॑म् । अ॒नु । वी॒ति॑ । क्र॒म॒ते॑ । ए॒षः॑ । वै ।

दे॒व॒या॒न इति॑ दे॒व – या॒नः॑ । प॒न्थाः॑ । य॒त् ।

दर्॒श॒पूर्ण॒मा॒सा॒वि॒ति॑ दर्॒श॒ – पूर्ण॒मा॒सौ॑ । यः॑ । ए॒वम् । वि॒द्वान् ।

दर्.शपूर्णमासाविति दर्.श – पूर्णमासौ । यजते । यः । एव ।

देवयान इति देव-यानः । पन्थाः । तम् । समारोहतीति

सं – आरोहति । एतौ । वै । देवानाम् । हरी इति । यत् ।

दर्.शपूर्णमासाविति दर्.श – पूर्णमासौ । यः ।

एवम् । विद्वान् । दर्.शपूर्णमासाविति दर्.श – पूर्णमासौ । यजते ।

यौ । एव । देवानाम् । हरी इति । ताभ्याम् । 34 (50)

TS 2.5.6.3

–मेवैभ्यो हव्यं वहत्येतद्–वै देवानामास्यं यद्–दर्.शपूर्णमासौ य

एवं विद्वान् दर्.शपूर्णमासौ यजते साक्षादेव देवानामास्ये जुहोत्येष

वै हविर्धानी यो दर्.शपूर्णमासयाजी सायंप्रातरग्निहोत्रं जुहोति

यजते दर्.शपूर्णमासा–वहरहर्.–हविर्धानिना सुतो य एवं विद्वान्

दर्.शपूर्णमासौ यजते हविर्धान्यस्मीति सर्वमेवास्य बर्हिष्यं दत्तं

भवति देवावा अहर् – [] 35

TS 2.5.6.3 - Padam

ए॒व । ए॒भ्यः । ह॒व्यम् । व॒हति॑ । ए॒तत् । वै । दे॒वाना॑म् । आ॒स्यम् ।
यत् । द॒र्श॒पूर्ण॒मा॒सा॒वि॒ति॑ द॒र्श॒-पूर्ण॒मा॒सौ । यः । ए॒वम् । वि॒द्वान् ।
द॒र्श॒पूर्ण॒मा॒सा॒वि॒ति॑ द॒र्श॒-पूर्ण॒मा॒सौ । यज॑ते । सा॒क्षादि॑ति॒
स - अ॒क्षात् । ए॒व । दे॒वाना॑म् । आ॒स्यै । जु॒होति॑ । ए॒षः । वै ।
ह॒विर्द॒धानी॑ति॒ ह॒विः - धा॒नी । यः ।
द॒र्श॒पूर्ण॒मा॒सया॑जीति॒ द॒र्श॒पूर्ण॒मा॒स - या॒जी । सा॒यंप्रा॑तरिति॒
सा॒यं - प्रा॒तः । अ॒ग्नि॒हो॒त्रमि॑त्य॒ग्नि - हो॒त्रम् । जु॒होति॑ । यज॑ते ।
द॒र्श॒पूर्ण॒मा॒सा॒वि॒ति॑ द॒र्श॒-पूर्ण॒मा॒सौ । अ॒हर॒हरि॑त्य॒हः - अ॒हः ।
ह॒विर्द॒धानि॑नामि॒ति॑ ह॒विः - धा॒निना॑म् । सु॒तः । यः । ए॒वम् ।
वि॒द्वान् । द॒र्श॒पूर्ण॒मा॒सा॒वि॒ति॑ द॒र्श॒-पूर्ण॒मा॒सौ । यज॑ते ।
ह॒विर्द॒धानी॑ति॒ ह॒विः - धा॒नी । अ॒स्मि । इति॑ । स॒र्वम् । ए॒व ।
अ॒स्य । ब॒र्हिष्य॑म् । द॒त्तम् । भ॒वति॑ । दे॒वाः । वै । अ॒हः । 35 (50)

TS 2.5.6.4

य॒ज्ञियं॑ ना॒विन्द॑न् ते द॒र्शपूर्ण॒मा॒सा॒वपु॑नन् तौ वा ए॒तौ पू॒तौ मे॒द्ध्यौ
यद्-दर्श॒पूर्ण॒मा॒सौ य ए॒वं वि॒द्वान् द॒र्शपूर्ण॒मा॒सौ यज॑ते पू॒तावे॒वैनौ

मे॒द्ध्यौ॑ य॒ज॒ते॒ ना॒मा॒वा॒स्या॒यां च॑ पौ॒र्ण॒मा॒स्यां च॑ स्त्रि॒य-मु॒पे॒याद्-
यदु॒पे॒या॒न् नि॒रि॒न्द्रि॒यः स्या॒त् सोम॑स्य॒ वै रा॒ज्ञोऽर्द्ध॑मा॒सस्य॒ रात्र॑यः प॒त्न॑य
आ॒सन् ता॒साम॑मा॒वा॒स्यां च॑ पौ॒र्ण॒मा॒सीं च॑ नो॒पै॒त् - [] 36

TS 2.5.6.4 - Padam

य॒ज्ञि॒यम् । न । अ॒वि॒न्द॒न् । ते । द॒र्.श॒पूर्ण॑मा॒सावि॑ति
द॒र्.श-पूर्ण॑मा॒सौ । अ॒पु॒न॒न् । तौ । वै । ए॒तौ । पू॒तौ । मे॒द्ध्यौ॑ ।
यत् । द॒र्.श॒पूर्ण॑मा॒सावि॑ति द॒र्.श - पूर्ण॑मा॒सौ । यः । ए॒वम् ।
वि॒द्वान् । द॒र्.श॒पूर्ण॑मा॒सावि॑ति द॒र्.श-पूर्ण॑मा॒सौ । य॒ज॒ते । पू॒तौ ।
ए॒व । ए॒नौ । मे॒द्ध्यौ॑ । य॒ज॒ते । न ।
अ॒मा॒वा॒स्या॒या॒मि॒त्य॒मा - वा॒स्या॒या॒म् । च । पौ॒र्ण॒मा॒स्या॒मि॒ति
पौ॒र्ण - मा॒स्या॒म् । च । स्त्रि॒यम् । उ॒पे॒ति । इ॒या॒त् । यत् ।
उ॒पे॒या॒दि॒त्यु॒प - इ॒या॒त् । नि॒रि॒न्द्रि॒य इति॑ निः - इ॒न्द्रि॒यः । स्या॒त् ।
सोम॑स्य । वै । रा॒ज्ञः । अ॒र्द्ध॒मा॒सस्ये॑त्य॒र्द्ध - मा॒सस्य॑ । रात्र॑यः ।
प॒त्न॑यः । आ॒सन् । ता॒साम् । अ॒मा॒वा॒स्या॒मि॒त्य॒मा-वा॒स्या॒म् । च ।
पौ॒र्ण॒मा॒सी॒मि॒ति पौ॒र्ण-मा॒सी॒म् । च । न । उ॒पे॒ति । ऐ॒त् । 36 (50)

TS 2.5.6.5

ते॑ ए॒न॒म॒भि॒ सम॑न॒ह्येतां॑ तं॒ य॒क्ष्म॑ आ॒र्च्छ॒द्-रा॒जा॒नं॑ य॒क्ष्म॑ आ॒र॒दि॒ति॒
तद्-रा॒ज॒य॒क्ष्म॒स्य॑ ज॒न्म॒ यत् पा॒पी॒या॒न॒भ॒वत् तत् पा॒प॒य॒क्ष्म॒स्य॑
य॒ज्जा॒या॒भ्या॒म॒वि॒न्दत् तज्जा॒ये॒न्य॒स्य॑ य॒ ए॒व॒मे॒तेषां॑ य॒क्ष्मा॑णां॒ ज॒न्म॒
वे॒द नै॒न॒मे॒ते य॒क्ष्मा॑वि॒न्दन्ति॒ स ए॒ते ए॒व न॒म॒स्य॒न्नुपा॑धा॒वत् ते
अ॒ब्रू॒तां व॑रं वृ॒णा॒व॒हा आ॒वं दे॒वानां॑ भा॒ग॒धे अ॒सा॒वा - [] 37

TS 2.5.6.5 - Padam

ते॑ इति॑ । ए॒न॒म् । अ॒भि । स॒मि॒ति॑ । अ॒न॒ह्ये॒ता॒म् । तम् । य॒क्ष्मः॑ ।
आ॒र्च्छ॒त् । रा॒जा॒न॒म् । य॒क्ष्मः॑ । आ॒र॒त् । इति॑ । तत् । रा॒ज॒य॒क्ष्म॒स्येति॑
रा॒ज - य॒क्ष्म॒स्य॑ । ज॒न्म॑ । यत् । पा॒पी॒या॒न् । अ॒भ॒वत् । तत् ।
पा॒प॒य॒क्ष्म॒स्येति॑ पा॒प - य॒क्ष्म॒स्य॑ । यत् । जा॒या॒भ्या॒म् । अ॒वि॒न्दत् ।
तत् । जा॒ये॒न्य॒स्य॑ । यः॑ । ए॒वम् । ए॒तेषा॑म् । य॒क्ष्मा॑णा॒म् । ज॒न्म॑ ।
वे॒द । न । ए॒न॒म् । ए॒ते । य॒क्ष्माः॑ । वि॒न्द॒न्ति॒ । सः॑ । ए॒ते इति॑ । ए॒व ।
न॒म॒स्य॒न् । उ॒पे॒ति॑ । अ॒धा॒वत् । ते॑ इति॑ । अ॒ब्रू॒ता॒म् । व॑रम् ।
वृ॒णा॒व॒है । आ॒वम् । दे॒वाना॑म् । भा॒ग॒धे इति॑ भा॒ग - धे॑ ।

अ॒सा॒वा । 37 (50)

TS 2.5.6.6

–ऽऽवदधि॑ दे॒वा इ॒ज्यान्ता॑ इति॒ तस्मा॑त् सदृ॒शीना॑ꣳ रा॒त्रीणा॑ममा॒वास्या॑यां
च पौ॒र्णमा॒स्यां च दे॒वा इ॒ज्यन्त॑ ए॒ते हि दे॒वानां॑ भा॒गधे॑ भा॒गधा॑ अ॒स्मै
मनु॑ष्या भवन्ति॒ य ए॒वं वैद॑ भू॒तानि॑ क्षु॒धम॑घ्नन्थ॒ सद्यो॑ मनु॒ष्या
अर्द्ध॑मा॒से दे॒वा मा॒सि पि॒तरः॑ सँव॒त्सरे॑ वन॒स्पत॑य-स्तस्मा॒दहर॑हर्
मनु॑ष्या अ॒शन-मि॑च्छन्ते ऽर्ध॑मा॒से दे॒वा इ॒ज्यन्ते॑ मा॒सि पि॒तृभ्यः॑
क्रिय॑ते सँव॒त्सरे॑ वन॒स्पत॑यः फलं () गृ॒ह्णन्ति॒ य ए॒वं वैद॑ हन्ति
क्षु॒धं भ्रा॑तृव्यं ॥ 38

TS 2.5.6.6 - Padam

आ॒वत् । अधी॑ति । दे॒वाः । इ॒ज्या॒न्तै । इति॑ । तस्मा॑त् । सदृ॒शीना॑म् ।
रा॒त्रीणा॑म् । अ॒मा॒वा॒स्याया॑मित्य॒मा – वा॒स्याया॑म् । च ।
पौ॒र्णमा॒स्यामि॑ति पौ॒र्ण-मा॒स्याम् । च । दे॒वाः । इ॒ज्यन्ते॑ । ए॒ते इति॑ ।
हि । दे॒वाना॑म् । भा॒गधे॑ इति॒ भाग॑ – धे । भा॒गधा॑ इति॒ भाग॑ – धाः ।
अ॒स्मै । मनु॑ष्याः । भवन्ति॒ यः । ए॒वम् । वेद॑ । भू॒तानि॑ । क्षु॒धम् ।
अ॒घ्नन् । सद्यः॑ । मनु॑ष्याः । अ॒र्धमा॒स इत्य॑र्ध – मा॒से ।
दे॒वाः । मा॒सि । पि॒तरः॑ । सँव॒त्सर॑ इति॒ सं – व॒त्सरे॑ ।

वनस्पतयः । तस्मात् । अहरहरित्यहः – अहः । मनुष्याः ।
 अशनम् । इच्छन्ते । अर्द्धमास इत्यर्द्ध-मासे । देवाः । इज्यन्ते ।
 मासि । पितृभ्य इति पितृ – भ्यः । क्रियते । सँवत्सर इति
 सं – वत्सरे । वनस्पतयः । फलम् () । गृह्णन्ति ।
 यः । एवम् । वेद । हन्ति । क्षुधम् । भ्रातृव्यम् ॥ 38 (57)

(पश्यति – ताभ्या – मह – रै – दसाव – फलं
 – सप्त च) (A6)

TS 2.5.7.1

देवा वै नर्चि न यजुष्यश्रयन्त ते सामन्नेवाश्रयन्त हिं करोति
 सामैवाकर्. हिम् करोतियत्रैवदेवा अश्रयन्त तत एवैनान् प्र युङ्हे
 हिं करोति वाच एवैष योगो हिं करोति प्रजा एव तद्-यजमानः
 सृजते त्रिः प्रथमामन्वाह त्रिरुत्तमां यज्ञस्यैव तद् बर्.सम् – [] 39

TS 2.5.7.1 - Padam

देवाः । वै । न । ऋचि । न । यजुषि । अश्रयन्त । ते । सामन् ।
 एव । अश्रयन्त । हिम् । करोति । साम । एव । अकः । हिम् ।
 करोति । यत्र । एव । देवाः । अश्रयन्त । ततः । एव । एनान् ।

प्रेति॑ । यु॒ङ्क्ते॑ । हि॒म् । क॒रो॒ति॑ । वा॒चः॑ । ए॒व । ए॒षः॑ । यो॒गः॑ ।

हि॒म् । क॒रो॒ति॑ । प्र॒जा इति॑ प्र – जाः॑ । ए॒व । तत् । यज॑मानः ।

सृ॒ज॒ते॑ । त्रिः॑ । प्र॒थ॒मा॒म् । अ॒न्वि॒ति॑ । आ॒ह॒ । त्रिः॑ ।

उ॒त्त॒मा॒मि॒त्यु॒त् – त॒मा॒म् । य॒ज्ञ॒स्य॑ । ए॒व । तत् । ब॒र्ह॒स॒म् । 39 (50)

TS 2.5.7.2

न॒ह्य॒त्य॒प्र॒स्र॒ञ्सा॒य॒ स॒न्त॒त॒म॒न्वा॒ह॒ प्रा॒णा॒ना॒म॒न्ना॒द्य॒स्य॑ स॒न्त॒त्या॒ अ॒थो
र॒क्ष॒सा॒म॒प॒ह॒त्यै॑ रा॒थ॒न्त॒रीं॑ प्र॒थ॒मा॒म॒न्वा॒ह॒ रा॒थ॒न्त॒रो॒ वा अ॒यं लो॒क इ॒ममे॒व
लो॒क॒म॒भि॒ ज॒य॒ति॒ त्रि॒र्वि॒ गृ॒ह्णा॒ति॒ त्रय॑ इ॒मे लो॒का इ॒मा॒ने॒व लो॒का॒न॒भि॒
ज॒य॒ति॒ बा॒र्ह॒ती॒मु॒त्त॒मा॒म॒न्वा॒ह॒ बा॒र्ह॒तो॒ वा अ॒सौ लो॒कोऽमु॒मे॒व
लो॒क॒म॒भि॒ ज॒य॒ति॒ प्र वो – [] 40

TS 2.5.7.2 - Padam

न॒ह्य॒ति॒ । अ॒प्र॒स्र॒ञ्सा॒ये॒त्य॒प्र – स्र॒ञ्सा॒य॒ । स॒न्त॒त॒मि॒ति॒ सं – त॒त॒म् ।

अ॒न्वि॒ति॒ । आ॒ह॒ । प्रा॒णा॒ना॒मि॒ति॒ प्र – अ॒ना॒ना॒म् ।

अ॒न्ना॒द्य॒स्ये॒त्य॒न्न – अ॒द्य॒स्य॑ । स॒न्त॒त्या॒ इति॑ सं – त॒त्यै॑ । अ॒थो इति॑ ।

र॒क्ष॒सा॒म् । अ॒प॒ह॒त्या॒ इत्य॑प – ह॒त्यै॑ । रा॒थ॒न्त॒री॒मि॒ति॒ रा॒थं – त॒री॒म् ।

प्र॒थ॒मा॒म् । अ॒न्वि॒ति॒ । आ॒ह॒ । रा॒थ॒न्त॒र इति॑ रा॒थं – त॒रः॑ । वै । अ॒य॒म् ।

लो॒कः । इ॒मम् । ए॒व । लो॒कम् । अ॒भी॒ति॑ । ज॒य॒ति॑ । त्रिः । वी॒ति॑ ।
गृ॒ह्णा॒ति॑ । त्रयः । इ॒मे । लो॒काः । इ॒मान् । ए॒व । लो॒कान् । अ॒भी॒ति॑ ।
ज॒य॒ति॑ । बा॒र्ह॒तीम् । उ॒त्त॒मा॒मि॒त्युत् – त॒माम् । अ॒न्वि॒ति॑ । आ॒ह ।
बा॒र्ह॒तः । वै । अ॒सौ । लो॒कः । अ॒मुम् । ए॒व । लो॒कम् । अ॒भी॒ति॑ ।
ज॒य॒ति॑ । प्रे॒ति॑ । वः । 40 (50)

TS 2.5.7.3

वा॒जा इ॒त्य॒नि॒रु॒क्तां प्रा॒जाप॒त्याम॒न्वा॒ह य॒ज्ञो वै प्र॒जाप॒तिर्य॒ज्ञमे॒व
प्र॒जाप॒ति॒मा र॒भते॑ प्र वो वा॒जा इ॒त्य॒न्वा॒हान्नं॑ वै वा॒जोऽन्न॒मेवा॒व रु॒न्धे
प्र वो वा॒जा इ॒त्य॒न्वा॒ह तस्मा॑त् प्रा॒चीन॑ रे॒तो धी॒यते॑ ऽ॒ग्न आ या॒हि
वी॒तय॑ इ॒त्या॒ह तस्मा॑त् प्र॒ती॒चीः प्र॒जा जा॒यन्ते॑ प्र वो वा॒जा – [] 41

TS 2.5.7.3 - Padam

वा॒जाः । इ॒ति॑ । अ॒नि॒रु॒क्ता॒मि॒त्य॒निः – उ॒क्ता॒म् । प्रा॒जाप॒त्यामि॒ति॑
प्रा॒जा – प॒त्याम् । अ॒न्वि॒ति॑ । आ॒ह । य॒ज्ञः । वै । प्र॒जाप॒तिरि॒ति॑
प्र॒जा – प॒तिः । य॒ज्ञम् । ए॒व । प्र॒जाप॒तिमि॒ति॑ प्र॒जा-प॒तिम् । ए॒ति॑ ।
र॒भते॑ । प्रे॒ति॑ । वः । वा॒जाः । इ॒ति॑ । अ॒न्वि॒ति॑ । आ॒ह । अ॒न्नम् । वै ।
वा॒जः । अ॒न्नम् । ए॒व । अ॒वे॒ति॑ । रु॒न्धे । प्रे॒ति॑ । वः । वा॒जाः । इ॒ति॑ ।

अ॒न्वि॒ति॒ । आ॒ह॒ । तस्मा॑त् । प्रा॒ची॒नम् । रे॒तः । धी॒य॒ते॒ । अ॒ग्ने॑ ।

ए॒ति॒ । या॒हि॒ । वी॒त॒यै॑ । इ॒ति॒ । आ॒ह॒ । तस्मा॑त् । प्र॒ती॒चीः॑ ।

प्र॒जा इति॑ प्र – जाः । जा॒य॒न्ते॑ । प्रेति॑ । वः । वा॒जाः । 41 (50)

TS 2.5.7.4

इ॒त्य॒न्वा॒ह॒ मा॒सा॒ वै वा॒जा अ॒र्ध॒मा॒सा॒ अ॒भि॒द्य॒वो दे॒वा ह॒वि॒ष्म॒न्तो॒
गौ॒र्धृ॒ता॒ची॒ य॒ज्ञो दे॒वाज्जि॑गाति॒ यज॑मानः सु॒म्न॒यु॒रि॒द॒म॒सी॒द॒म॒सी॒त्ये॒व
य॒ज्ञ॒स्य॒ प्रि॒यं धा॒माव॑ रु॒न्धे॒ यं का॒म॒ये॒त॒ सर्व॑मा॒यु॒रि॒या॒दि॒ति॒ प्र वो॒ वा॒जा
इति॑ तस्या॒नू॒च्या॒ग्न॒ आ या॒हि वी॒त॒य॒ इति॑ स॒न्त॒त॒मु॒त्तर॑-म॒र्ध॒र्च॒मा
ल॒भे॒त – [] 42

TS 2.5.7.4 - Padam

इति॑ । अ॒न्वि॒ति॒ । आ॒ह॒ । मा॒साः॑ । वै । वा॒जाः॑ । अ॒र्ध॒मा॒सा
इ॒त्य॒र्ध॒ – मा॒साः॑ । अ॒भि॒द्य॒व॒ इत्य॑भि – द्य॒वः॑ । दे॒वाः॑ । ह॒वि॒ष्म॒न्तः॑ ।
गौः॑ । घृ॒ता॒ची॑ । य॒ज्ञः॑ । दे॒वान् । जि॒गा॒ति॒ । यज॑मानः । सु॒म्न॒यु॒रिति॑
सु॒म्न॒ – युः॑ । इ॒दम् । अ॒सि॒ । इ॒दम् । अ॒सि॒ । इति॑ । ए॒व । य॒ज्ञ॒स्य॑ ।
प्रि॒यम् । धा॒म॒ । अ॒वे॒ति॒ । रु॒न्धे॒ । यम् । का॒म॒ये॒त॒ । सर्व॑म् । आ॒युः॑ ।
इ॒या॒त् । इति॑ । प्रेति॑ । वः । वा॒जाः॑ । इति॑ । तस्य॑ ।

अ॒नू॒च्ये॒त्यनु॑ – उ॒च्य॑ । अ॒ग्ने॑ । ए॒ति॑ । या॒हि॑ । वी॒तये॑ । इति॑ ।

स॒न्त॒त॒मि॒ति॒ सं – त॒तम् । उ॒त्तर॑मि॒त्युत् – त॒रम् ।

अ॒र्द्ध॒र्च॒मि॒त्यर्द्ध॑ – ऋ॒चम् । ए॒ति॑ । ल॒भे॒त । 42 (50)

TS 2.5.7.5

प्रा॒णे॒नै॒वास्या॑पा॒नं दा॑धार॒ सर्व॑मायु॒रेति॑ यो वा अ॒र॒न्नि॑ꣳ सा॒मि॒धे॒नीनां॑
वे॒दा॒र॒न्ना॒वे॒व भ्रा॑तृ॒व्यं कुरु॑तेऽर्द्ध॒र्चौ सं द॑धात्येष वा अ॒र॒न्निः

सा॒मि॒धे॒नीनां॑ य॒ एवं वे॒दा॒र॒न्ना॒वे॒व भ्रा॑तृ॒व्यं कुरु॑त ऋ॒षेर्ऋ॒षेर्वा ए॒ता

नि॒र्मि॒ता य॒थ् सा॒मि॒धे॒न्यस्ता॑ यद॒स॒म्यु॒क्ताः स्युः॑ प्र॒जया॑ प॒शुभि॑र्

यज॑मानस्य वि ति॒ष्ठेर॒न्नर्द्ध॒र्चौ सं द॑धाति सं () यु॒न॒क्त्ये॒वैना॒स्ता

अ॒स्मै संयु॑क्ता॒ अ॒वरु॑द्धाः सर्वा॒माशि॑षं दु॒हे ॥ 43

TS 2.5.7.5 - Padam

प्रा॒णे॒नेति॑ प्र – अ॒ने॒न । ए॒व । अ॒स्य॑ । अ॒पा॒न॒मि॒त्यप॑ – अ॒नम् ।

दा॒धार॑ । सर्व॑म् । आ॒युः॑ । ए॒ति॑ । यः॑ । वै । अ॒र॒न्नि॑म् ।

सा॒मि॒धे॒नीना॑मि॒ति सां – इ॒धे॒नीना॑म् । वे॒द । अ॒र॒न्नौ॑ । ए॒व ।

भ्रा॑तृ॒व्यम् । कुरु॑ते । अ॒र्द्ध॒र्चा॒वि॒त्यर्द्ध॑ – ऋ॒चौ । स॒मि॒ति॑ ।

द॒धा॒ति॒ । ए॒षः॑ । वै । अ॒र॒न्निः॑ । सा॒मि॒धे॒नीना॑मि॒ति सां – इ॒धे॒नीना॑म् ।

यः । ए॒वम् । वे॒द । अ॒र॒त्नौ । ए॒व । भ्रा॒तृ॒व्यम् । कु॒रु॒ते ।
 ऋ॒षेर्॑ ऋ॒षे॒रि॒त्यृ॒षेः॑ – ऋ॒षेः॑ । वै । ए॒ताः । निर्मि॑ता इति निः–मि॒ताः ।
 यत् । सा॒मि॒धे॒न्य इति॑ सां – इ॒धे॒न्यः॑ । ताः । यत् ।
 अ॒सं॑यु॒क्ता इत्य॑सं – यु॒क्ताः॑ । स्युः । प्र॒जये॑ति प्र – जया॑ ।
 प॒शुभि॑रिति प॒शु – भिः॑ । यज॑मानस्य । वी॒ति । ति॒ष्ठे॒रन् ।
 अ॒र्ध॒र्चा॒वि॒त्यर्ध॑ – ऋ॒चौ । समि॑ति । द॒धा॒ति । समि॑ति () ।
 यु॒न॒क्ति । ए॒व । ए॒नाः । ताः । अ॒स्मै । सं॑यु॒क्ता इति॑ सं – यु॒क्ताः॑ ।
 अ॒व॒रु॒द्धा इत्य॑व – रु॒द्धाः॑ । सर्वा॑म् । आ॒शि॒ष॒मि॒त्या – शि॒ष॒म् ।
 दु॒हे ॥ 43 (60) (ब॒र्॒सं – वाँ॑ – जा॒य॒न्ते॑ प्र॒वो॒ वा॒जा – ल॒भे॒त –
 द॒धा॒ति सं – द॒श॑ च) (A7)

TS 2.5.8.1

अ॒य॒ज्ञो वा ए॒ष यो॑ऽसा॒मा॒ग्नि आ या॑हि वी॒तय॑ इत्या॒ह रथ॑न्त॒रस्यै॑ष
 वर्ण॑स्तं त्वा॒ समि॑द्भि॒रङ्गि॒र इत्या॑ह वा॒मदे॒व्यस्यै॑ष वर्णो॑ बृ॒हद॑ग्ने
 सु॒वी॒र्य॑मि॒त्याह॑ बृ॒हत॑ ए॒ष वर्णो॑ यदे॒तं तृ॒च॒म॒न्वाह॑ य॒ज्ञमे॒व तथ्

साम॑न्वन्तं॑ करोत्य॑ग्नि॒रमु॒ष्मिन् लो॒क आसी॑दादि॒त्योऽस्मिन् तावि॒मौ
लो॒काव॑शान्ता - [] 44

TS 2.5.8.1 - Padam

अय॑ज्ञः । वै । ए॒षः । यः । अ॒सामा॑ । अ॒ग्ने॑ । ए॒ति॑ । या॒हि॑ । वी॒तयै॑ ।
इति॑ । आ॒ह । रथ॑न्तर॒स्येति॑ रथं-तर॒स्य । ए॒षः । वर्णः॑ । तम् । त्वा ।
स॒मिद्भि॒रिति॑ स॒मि॒त् - भिः॑ । अ॒ङ्गिरः॑ । इति॑ । आ॒ह ।
वा॒मदे॒व्यस्येति॑ वा॒म - दे॒व्यस्य॑ । ए॒षः । वर्णः॑ । बृ॒हत् । अ॒ग्ने॑ ।
सु॒वीर्य॑मिति॑ सु - वी॒र्यम् । इति॑ । आ॒ह । बृ॒हतः॑ । ए॒षः । वर्णः॑ ।
यत् । ए॒तम् । तृ॒चम् । अ॒न्वाहे॑त्यनु - आ॒ह । य॒ज्ञम् । ए॒व । तत् ।
सा॒मन्वन्त॑मिति॑ सा॒मन् - वन्त॑म् । करो॑ति । अ॒ग्निः । अ॒मुष्मिन् ।
लो॒के । आसी॑त् । आ॒दि॒त्यः । अ॒स्मिन् । तौ । इ॒मौ । लो॒कौ ।
अ॒शान्तौ॑ । 44 (50)

TS 2.5.8.2

वा॒स्तां ते दे॒वा अ॑ब्रुवन्नेते॒मौ वि॑ पर्यू॒हामे॒त्यग्ने॑ आ या॒हि वी॒तय॑
इत्य॑स्मिन् लो॒केऽग्नि॑मदधुर् बृ॒हद॑ग्ने सु॒वीर्य॑मित्य॒मुष्मिन्
लो॒क आ॑दि॒त्यं ततो॑ वा इ॒मौ लो॒काव॑शा॒म्यतां॑ य॒देव॑म॒न्वाहा॑नयोर्

लो॒कयोः॑ शा॒न्त्यै॑ शा॒म्यतोऽस्मा॑ इ॒मौ लो॒कौ य ए॒वं वे॒द पञ्च॑द॒श
सा॒मिधे॒नीर॒न्वाह॑ पञ्च॑द॒श – [] 45

TS 2.5.8.2 - Padam

आ॒स्ताम् । ते । दे॒वाः । अ॒ब्रु॒वन् । ए॒ति । इ॒त । इ॒मौ । वि । प॒रीति॑ ।
ऊ॒हाम॑ । इ॒ति । अ॒ग्ने॑ । ए॒ति । या॒हि । वी॒तये॑ । इ॒ति । अ॒स्मिन् ।
लो॒के । अ॒ग्निम् । अ॒दधुः॑ । बृ॒हत् । अ॒ग्ने । सु॒वीर्य॑मि॒ति
सु – वी॒र्यम्॑ । इ॒ति । अ॒मुष्मिन् । लो॒के । आ॒दित्य॑म् । त॒तः । वै ।
इ॒मौ । लो॒कौ । अ॒शा॒म्यता॑म् । यत् । ए॒वम् । अ॒न्वाहे॑त्यनु – आ॒ह ।
अ॒नयोः॑ । लो॒कयोः॑ । शा॒न्त्यै॑ । शा॒म्यतः॑ । अ॒स्मै । इ॒मौ । लो॒कौ ।
यः । ए॒वम् । वे॒द । पञ्च॑द॒शेति॑ पञ्च॑ – द॒श ।
सा॒मिधे॒नीरि॑ति सां – इ॒धेनीः॑ । अ॒न्विति॑ । आ॒ह ।
पञ्च॑द॒शेति॑ पञ्च॑ – द॒श । 45 (50)

TS 2.5.8.3

वा अ॒र्द्धमा॑सस्य रा॒त्रयोऽर्द्ध॑मा॒सशः॑ सँव॒त्सर॑ आ॒प्यते॑ ता॒सां
त्रीणि॑ च श॒तानि॑ ष॒ष्टिश्चाक्ष॑राणि ता॒वतीः॑ सँव॒त्सर॑स्य रा॒त्रयोऽक्ष॑रश
ए॒व सँव॒त्सर॑मा॒प्नोति॑ नृ॒मेध॑श्च प॒रुच्छे॑पश्च ब्र॒ह्मवा॑द्य-म॒वदे॑ता-म॒स्मिन्

दारा॑वा॒र्द्रं॒॑ऽग्निं॒॑ जन॑याव॒ यत॑रो नौ॒ ब्र॒ह्मी॑या॒निति॑ नृ॒मेधो॑ऽभ्यव॒दत्
स धू॒मम॑जनयत् प॒रुच्छे॑पो॒ ऽभ्यव॑दत् सो॒ऽग्निम॑जनय॒दृष
इत्य॑ब्रवी॒द्- [] 46

TS 2.5.8.3 - Padam

वै । अ॒र्ध॒मा॒सस्ये॑त्य॒र्ध - मा॒सस्य॑ । रा॒त्रयः॑ । अ॒र्ध॒मा॒सश
इत्य॑र्ध॒मा॒स - शः॑ । सँ॒व॒थ्स॒र इति॑ सं - व॒थ्स॒रः । आ॒प्य॒ते ।
ता॒साम् । त्री॑णि । च । श॒तानि॑ । ष॒ष्टिः । च । अ॒क्ष॒राणि॑ । ता॒वतीः॑ ।
सँ॒व॒थ्स॒रस्ये॑ति सं - व॒थ्स॒रस्य॑ । रा॒त्रयः॑ । अ॒क्ष॒रश॑ इत्य॒क्ष॒र-शः॑ ।
ए॒व । सँ॒व॒थ्स॒रमि॑ति सं - व॒थ्स॒रम् । आ॒प्नो॑ति ।
नृ॒मेध॑ इति॒ नृ - मे॑धः । च । प॒रुच्छे॑पः । च । ब्र॒ह्म॒वा॒द्यमि॑ति
ब्र॒ह्म - वा॒द्यम् । अ॒व॒दे॒ताम् । अ॒स्मिन् । दा॒रौ । आ॒र्द्रं । अ॒ग्निम् ।
ज॒न॒या॒व । य॒त॒रः । नौ॑ । ब्र॒ह्मी॑या॒न् । इति॑ । नृ॒मेध॑ इति॒ नृ - मे॑धः ।
अ॒भी॒ति । अ॒व॒दत् । सः॑ । धू॒मम् । अ॒ज॒न॒यत् । प॒रुच्छे॑पः ।
अ॒भी॒ति । अ॒व॒दत् । सः॑ । अ॒ग्निम् । अ॒ज॒न॒यत् । ऋ॒षे । इति॑ ।
अ॒ब्र॒वीत् । 46 (50)

TS 2.5.8.4

य॒थ् स॒मा॒व॒द्वि॒द्व क॒था त्व॒म॒ग्नि॒मजी॒जनो॑ ना॒हमि॒ति सा॒मि॒धेनी॒नामे॒वाहं॑
व॒र्णं वे॒देत्य॑ब्र॒वीद्-यद् घृ॒तव॑त् प॒दम॑नू॒च्यते॒ स आ॒सां व॒र्णस्तं॑ त्वा
स॒मि॒द्धि॒रङ्गि॒र इत्या॑ह सा॒मि॒धेनी॒ष्वेव॑ तज्ज्योति॑र् ज॒नय॑ति स्त्रि॒यस्तेन॑
यदृ॒चः स्त्रि॒यस्तेन॑ यद्-गा॒य॒त्रि॒यः स्त्रि॒यस्तेन॑ य॒थ् सा॒मि॒धेन्यो॑
वृष॑ण्वती-म॒न्वाह॑ - [] 47

TS 2.5.8.4 - Padam

यत् । स॒मा॒व॒त् । वि॒द्व । क॒था । त्व॒म् । अ॒ग्नि॒म् । अजी॑जनः । न ।
अ॒हम् । इति॑ । सा॒मि॒धेनी॒नामि॒ति सां॑ - इ॒धेनी॑नाम् । ए॒व । अ॒हम् ।
व॒र्णम् । वे॒द । इति॑ । अ॒ब्र॒वीत् । यत् । घृ॒तव॑दिति॑ घृ॒त-व॑त् । प॒दम् ।
अ॒नू॒च्यत॑ इत्य॒नु - उ॒च्यते॑ । सः । आ॒साम् । व॒र्णः । तम् । त्वा ।
स॒मि॒द्धि॒रिति॑ स॒मि॒त् - भिः॑ । अ॒ङ्गि॒रः । इति॑ । आ॒ह ।
सा॒मि॒धेनी॒ष्विति॑ सां॑ - इ॒धेनी॑षु । ए॒व । तत् । ज्योतिः॑ । ज॒नय॑ति ।
स्त्रि॒यः । तेन॑ । यत् । ऋ॒चः । स्त्रि॒यः । तेन॑ । यत् । गा॒य॒त्रि॒यः ।
स्त्रि॒यः । तेन॑ । यत् । सा॒मि॒धेन्य॑ इति॑ सां॑ - इ॒धेन्यः॑ ।
वृष॑ण्वतीमि॒ति वृष॑ण् - व॒तीम् । अ॒न्वि॒ति । आ॒ह । 47 (50)

TS 2.5.8.5

तेन पु॒ऽस्वती॒स्तेन॒ सेन्द्रा॒स्तेन॒ मिथु॒ना अ॒ग्निर्दे॒वानां॑ दू॒त आसी॑दु॒शना॑
का॒व्योऽसु॒राणां॑ तौ प्र॒जाप॑तिं प्र॒श्जमै॒ताऽ॒ स प्र॒जाप॑तिर॒ग्निं दू॒तं
वृ॒णीम॑ह इत्य॒भि पर्या॑वर्तत ततो॑ दे॒वा अ॒भवन् परा॑ऽसु॒रा यस्यै॒वं
वि॒दुषो॑ऽग्निं दू॒तं वृ॒णीम॑ह इत्य॒न्वाह॑ भव॒त्यात्म॑ना परा॑ऽस्य भ्रातृ॒व्यो
भव॒त्यद॑ध्वर॒वती॑म॒न्वाह॑ भ्रातृ॒व्यमे॒वैतया॑ – [] 48

TS 2.5.8.5 - Padam

तेन॑ । पु॒ऽस्वतीः॑ । तेन॑ । सेन्द्रा॒ इति॑ स – इन्द्राः॑ । तेन॑ । मिथु॒नाः ।
अ॒ग्निः । दे॒वानाम्॑ । दू॒तः । आसी॑त् । उ॒शना॑ । का॒व्यः ।
अ॒सुरा॑णाम् । तौ । प्र॒जाप॑तिमि॒ति प्र॒जा – प॒तिम् । प्र॒श्जम् । ऐ॒ताम् ।
सः । प्र॒जाप॑तिरि॒ति प्र॒जा – प॒तिः । अ॒ग्निम् । दू॒तम् । वृ॒णीम॑हे ।
इति॑ । अ॒भीति॑ । पर्या॑वर्ततेति॒ परि – आ॑वर्तत । ततः॑ । दे॒वाः ।
अ॒भवन् । परेति॑ । अ॒सुराः । यस्य॑ । ए॒वम् । वि॒दुषः॑ । अ॒ग्निम् ।
दू॒तम् । वृ॒णीम॑हे । इति॑ । अ॒न्वाहेत्य॑नु – आह॑ । भव॒ति । आ॒त्मना॑ ।
परेति॑ । अ॒स्य । भ्रातृ॒व्यः । भव॒ति । अ॒दध्व॑र॒वती॑मित्य॒दध्व॑र-व॒तीम् ।
अ॒न्वति॑ । आ॒ह । भ्रातृ॒व्यम् । ए॒व । ए॒तया॑ । 48 (50)

TS 2.5.8.6

ध्वरति शोचिष्केशस्तमीमह इत्याह पवित्रमेवैतद्-यजमानमेवैतया
पवयति समिद्धो अग्न आहुतेत्याह परिधिमेवैतं परि दधात्यस्कन्दाय
यदत ऊर्ध्वमभ्यादद्ध्याद्-यथा बहिःपरिधि स्कन्दति तादृगेव तत्
त्रयो वा अग्नयो हव्यवाहनो देवानां कव्यवाहनः पितृणां सहरक्षा
असुराणां त एतर्ह्या शसन्ते मां वरिष्यते मा - [] 49

TS 2.5.8.6 - Padam

ध्वरति । शोचिष्केश इति शोचिः - केशः । तम् । ईमहे । इति ।
आह । पवित्रम् । एव । एतत् । यजमानम् । एव । एतया । पवयति ।
समिद्ध इति सं - इद्धः । अग्ने । आहुतेत्या - हुत । इति । आह ।
परिधिमिति परि - धिम् । एव । एतम् । परीति । दधाति ।
अस्कन्दाय । यत् । अतः । ऊर्ध्वम् ।
अभ्यादद्ध्यादित्यभि - आदद्ध्यात् । यथा । बहिःपरिधीति
बहिः - परिधि । स्कन्दति । तादृक् । एव । तत् । त्रयः । वै ।
अग्नयः । हव्यवाहन इति हव्य - वाहनः । देवानाम् ।
कव्यवाहन इति कव्य - वाहनः । पितृणाम् ।

स॒हर॒क्षा इति॑ स॒ह – र॒क्षाः । अ॒सुरा॑णाम् । ते । ए॒तर्हि॑ । एति॑ ।

श॒ञ्सन्ते॑ । माम् । व॒रिष्य॑ते । माम् । 49 (50)

TS 2.5.8.7

–मिति॑ वृ॒णी॒ध्वं ह॒व्यवा॑हन॒मित्या॑ह य ए॒व दे॒वानां॑ तं वृ॒णीत॑
आ॒र्षेयं॑ वृ॒णीते॑ ब॒न्धोरे॑व नै॒त्यथो॑ स॒न्तत्यै॑ प॒रस्ता॑दर्वा॒चो वृ॒णीते॑
तस्मा॑त् प॒रस्ता॑दर्वा॒ञ्चो म॒नुष्या॑न् पि॒तरो॑ऽनु प्र पि॒पते॑ ॥ 50

TS 2.5.8.7 - Padam

इति॑ । वृ॒णी॒ध्वम् । ह॒व्यवा॑हन॒मिति॑ ह॒व्य – वा॑हनम् । इति॑ । आ॒ह ।
यः । ए॒व । दे॒वानाम्॑ । तम् । वृ॒णीते॑ । आ॒र्षेयम्॑ । वृ॒णीते॑ । ब॒न्धोः॑ ।
ए॒व । न । ए॒ति । अ॒थो इति॑ । स॒न्तत्या॑ इति॑ सं – त॒त्यै । प॒रस्ता॑त् ।
अ॒र्वाचः॑ । वृ॒णीते॑ । तस्मा॑त् । प॒रस्ता॑त् । अ॒र्वाञ्चः॑ । म॒नुष्या॑न् ।
पि॒तरः॑ । अ॒नु । प्रेति॑ । पि॒पते॑ ॥ 50 (29)

(अ॒शान्ता॑ – वा॒ह पञ्च॑द॒शा – ब्र॒वी – द॒न्वाहै॑ – तया॑ – व॒रिष्य॑ते
मा – मे॒कान्न॑त्रि॒ंशच्च॑) (A8)

TS 2.5.9.1

अ॒ग्ने॒ म॒हा॒ अ॒सी॒त्या॒ह॒ म॒हा॒न्. ह्ये॒ष॒ यद॒ग्नि॒र् ब्रा॒ह्म॒णे॒त्या॒ह॒ ब्रा॒ह्म॒णो॒ ह्ये॒ष॒
भा॒र॒ते॒त्या॒है॒ष॒ हि॒ दे॒वे॒भ्यो॒ ह॒व्यं॒ भ॒र॒ति॒ दे॒वे॒द्ध॒ इ॒त्या॒ह॒ दे॒वा॒ ह्ये॒त॒मै॒न्ध॒त॒
म॒न्वि॒द्ध॒ इ॒त्या॒ह॒ म॒नु॒र्ह्ये॒त॒मु॒त्त॒रो॒ दे॒वे॒भ्य॒ ऐ॒न्ध॒र्. ऋ॒षि॒ष्टु॒त॒ इ॒त्या॒ह॒र्. ष॒यो॒
ह्ये॒त॒म॒स्तु॒व॒न् वि॒प्रा॒नु॒म॒दि॒त॒ इ॒त्या॒ह॒ – [] 51

TS 2.5.9.1 - Padam

अ॒ग्ने॒ । म॒हा॒न् । अ॒सि॒ । इ॒ति॒ । आ॒ह॒ । म॒हा॒न् । हि॒ । ए॒षः॒ । यत् ।
अ॒ग्निः॒ । ब्रा॒ह्म॒ण॒ । इ॒ति॒ । आ॒ह॒ । ब्रा॒ह्म॒णः॒ । हि॒ । ए॒षः॒ । भा॒र॒त॒ ।
इ॒ति॒ । आ॒ह॒ । ए॒षः॒ । हि॒ । दे॒वे॒भ्यः॒ । ह॒व्य॒म् । भ॒र॒ति॒ । दे॒वे॒द्ध॒ इ॒ति॒
दे॒व – इ॒द्धः॒ । इ॒ति॒ । आ॒ह॒ । दे॒वाः॒ । हि॒ । ए॒त॒म् । ऐ॒न्ध॒त॒ ।
म॒न्वि॒द्ध॒ इ॒ति॒ म॒नु॒ – इ॒द्धः॒ । इ॒ति॒ । आ॒ह॒ । म॒नुः॒ । हि॒ । ए॒त॒म् ।
उ॒त्त॒र॒ इ॒त्यु॒त् – त॒रः॒ । दे॒वे॒भ्यः॒ । ऐ॒न्ध॒ । ऋ॒षि॒ष्टु॒त॒ इ॒त्यृ॒षि॒ – स्तु॒तः॒ ।
इ॒ति॒ । आ॒ह॒ । ऋ॒षयः॒ । हि॒ । ए॒त॒म् । अ॒स्तु॒व॒न् ।
वि॒प्रा॒नु॒म॒दि॒त॒ इ॒ति॒ वि॒प्र॒ – अ॒नु॒म॒दि॒तः॒ । इ॒ति॒ । आ॒ह॒ । 51 (50)

TS 2.5.9.2

वि॒प्रा॒ ह्ये॒ते यच्छु॑श्रु॒वाꣳसः॑ क॒वि॒श॒स्त इ॒त्याह॑ क॒वयो॑ ह्ये॒ते
यच्छु॑श्रु॒वाꣳसो ब्र॑ह्म॒सꣳशि॒त इ॒त्याह॑ ब्र॒ह्म॒सꣳशि॒तो ह्ये॒ष घृ॒ताह॑व॒न
इ॒त्याह॑ घृ॒ताहु॒तिर्ह्यस्य॑ प्रि॒यत॑मा प्र॒णीर्य॑ज्ञा॒नामि॒त्याह॑ प्र॒णीर्ह्ये॒ष य॒ज्ञा॒नाꣳ
र॒थी-र॑ध्व॒राणा॒-मि॒त्याहै॒ष हि दे॒व॒र॒थोऽतू॒र्तो हो॒तेत्या॑ह॒ न ह्ये॒तं

कश्चन - [] 52

TS 2.5.9.2 - Padam

वि॒प्राः॑ । हि । ए॒ते । यत् । शु॒श्रु॒वाꣳसः॑ । क॒वि॒श॒स्त इति॑
क॒वि - श॒स्तः॑ । इति॑ । आ॒ह । क॒वयः॑ । हि । ए॒ते । यत् ।
शु॒श्रु॒वाꣳसः॑ । ब्र॒ह्म॒सꣳशि॒त इति॑ ब्र॒ह्म - सꣳशि॒तः॑ । इति॑ । आ॒ह ।
ब्र॒ह्म॒सꣳशि॒त इति॑ ब्र॒ह्म - सꣳशि॒तः॑ । हि । ए॒षः । घृ॒ताह॑व॒न
इति॑ घृ॒त - आ॒ह॒व॒नः॑ । इति॑ । आ॒ह । घृ॒ताहु॒तिरिति॑ घृ॒त-आ॒हु॒तिः॑ ।
हि । अ॒स्य । प्रि॒यत॑मेति॑ प्रि॒य - त॑मा । प्र॒णीरिति॑ प्र - नीः ।
य॒ज्ञा॒नाम् । इति॑ । आ॒ह । प्र॒णीरिति॑ प्र-नीः । हि । ए॒षः । य॒ज्ञा॒नाम् ।
र॒थीः॑ । अ॒ध्व॒राणा॑म् । इति॑ । आ॒ह । ए॒षः । हि ।

दे॒वर॒थ इति॑ दे॒व – र॒थः । अ॒तूर्तः॑ । हो॒ता । इति॑ । आ॒ह । न । हि ।

ए॒तम् । कः । च॒न । 52 (50)

TS 2.5.9.3

तर॑ति तूर्णि॑र्. ह॒व्यवा॑डित्या॒ह सर्व॑ꣳह्येष॑ तर॒त्यास्पा॑त्रं
जु॒हूर्दे॑वाना॒मित्या॑ह जु॒हूर्ह्येष॑ दे॒वानां॑ च॒मसो॑ दे॒वपा॑न इत्या॒ह च॒मसो॑
ह्येष॑ दे॒वपा॑नोऽराꣳ इ॒वाग्ने॑ ने॒मिर्दे॑वाꣳ स्त्वं परि॑भूरसीत्या॒ह दे॒वान्.
ह्येष॑ परि॑भूर्यद्-ब्रूया॑दा वह॑ दे॒वान् दे॒वय॑ते यज॑मानायेति॒
भ्रातृ॑व्यमस्मै- [] 53

TS 2.5.9.3 - Padam

तर॑ति । तूर्णिः॑ । ह॒व्यवा॑डिति॑ ह॒व्य – वाट् । इति॑ । आ॒ह । सर्व॑म् ।
हि । ए॒षः । तर॑ति । आ॒स्पात्र॑म् । जु॒हूः । दे॒वाना॑म् । इति॑ । आ॒ह ।
जु॒हूः । हि । ए॒षः । दे॒वाना॑म् । च॒मसः॑ । दे॒वपा॑न इति॑ दे॒व – पा॑नः ।
इति॑ । आ॒ह । च॒मसः॑ । हि । ए॒षः । दे॒वपा॑न इति॑ दे॒व – पा॑नः ।
अ॒रान् । इ॒व । अ॒ग्ने । ने॒मिः । दे॒वान् । त्वम् । परि॑भूरिति॑ परि॒-भूः ।
अ॒सि । इति॑ । आ॒ह । दे॒वान् । हि । ए॒षः । परि॑भूरिति॑ परि॒-भूः ।

यत् । ब्रूयात् । एति । वह । देवान् । देवयत इति देव – यते ।

यजमानाय । इति । भ्रातृव्यम् । अस्मै । 53 (50)

TS 2.5.9.4

जनयेदा वह देवान्. यजमानायेत्याह यजमान-मेवैतेन
वर्द्धयत्यग्निमग्न आ वह सोममा वहेत्याह देवता एव तद्-
यथापूर्वमुप ह्वयत आ चाग्ने देवान्. वह सुयजा च यज जातवेद
इत्याहाग्निमेव तथ् स७ श्यति सौ७स्य स७शितो देवेभ्यो हव्यं
वहत्यग्निर्. होते – [] 54

TS 2.5.9.4 - Padam

जनयेत् । एति । वह । देवान् । यजमानाय । इति । आह ।
यजमानम् । एव । एतेन । वर्द्धयति । अग्निम् । अग्ने । एति ।
वह । सोमम् । एति । वह । इति । आह । देवताः । एव । तत् ।
यथापूर्वमिति यथा – पूर्वम् । उपेति । ह्वयते । एति । च । अग्ने ।
देवान् । वह । सुयजेति सु – यजा । च । यज । जातवेद इति
जात-वेदः । इति । आह । अग्निम् । एव । तत् । समिति । श्यति ।

सः । अस्य । सञ्शित इति सं – शितः । देवेभ्यः । हव्यम् ।

वहति । अग्निः । होता । 54 (50)

TS 2.5.9.5

–त्याहाग्निर्वै देवानाञ् होता य एव देवानाञ् होता तं वृणीतेस्मो
वयमित्याहाऽऽत्मानमेव सत्त्वं गमयति साधु ते यजमान
देवतेत्याहाऽऽशिषमेवैतामा शास्ते यद्ब्रूयाद्–योऽग्निञ् होतारमवृथा
इत्यग्निनोभयतो यजमानं परि गृह्णीयात् प्रमायुकः स्याद्–
यजमानदेवत्या वै जुहूर्भ्रातृव्यदेवत्योपभृद् – [] 55

TS 2.5.9.5 - Padam

इति । आह । अग्निः । वै । देवानाम् । होता । यः । एव ।
देवानाम् । होता । तम् । वृणीते । स्मः । वयम् । इति । आह ।
आत्मानम् । एव । सत्त्वमिति सत् – त्वम् । गमयति । साधु । ते ।
यजमान । देवता । इति । आह । आशिषमित्या – शिषम् । एव ।
एताम् । एति । शास्ते । यत् । ब्रूयात् । यः । अग्निम् । होतारम् ।
अवृथाः । इति । अग्निना । उभयतः । यजमानम् । परीति ।
गृह्णीयात् । प्रमायुक इति प्र – मायुकः । स्यात् ।

यज॑मानदे॒वत्ये॑ति यज॑मान – दे॒वत्या॑ । वै । जु॒हूः ।

भ्रातृ॑व्यदे॒वत्ये॑ति भ्रातृ॑व्य – दे॒वत्या॑ । उप॑भृदित्युप – भृत् । 55 (50)

TS 2.5.9.6

यद्-द्वे॑ इव॑ ब्रू॒याद् भ्रातृ॑व्यमस्मै॑ जनयेद् घृ॒तव॑तीम॒द्ध्वर्यो॑
सु॒चमा॑ऽस्यस्वेत्या॑ह यज॑मान-मे॒वैते॑न॒ वर्द्ध॑यति दे॒वायु॑वमि॒त्याह॑
दे॒वान्. ह्ये॒षाऽव॑ति वि॒श्ववा॑रामि॒त्याह॑ वि॒श्वः॑ ह्ये॒षाऽव॑ती॒डाम॑है दे॒वाः॑
ई॒डे॒न्यान् नम॑स्याम॒ नम॑स्यान्. यजाम॑ य॒ज्ञिया॑नि॒त्याह॑ मनु॒ष्या वा
ई॒डे॒न्याः पि॒तरो॑ नम॑स्या दे॒वा य॒ज्ञिया॑ दे॒वता॑ ए॒व () तद्-य॑थाभा॒गं
य॑जति ॥ 56

TS 2.5.9.6 - Padam

यत् । द्वे॑ इति॑ । इव॑ । ब्रू॒यात् । भ्रातृ॑व्यम् । अ॒स्मै । ज॒नये॑त् ।
घृ॒तव॑तीमि॒ति घृ॒त – व॒तीम् । अ॒द्ध्वर्यो॑ इति॑ । सु॒चम् । ए॒ति ।
अ॒स्यस्व॑ । इति॑ । आ॒ह । यज॑मानम् । ए॒व । ए॒तेन॑ । वर्द्ध॑यति ।
दे॒वायु॑वमि॒ति दे॒व – यु॒वम् । इति॑ । आ॒ह । दे॒वान् । हि । ए॒षा ।
अ॒वति॑ । वि॒श्ववा॑रामि॒ति वि॒श्व-वा॑राम् । इति॑ । आ॒ह । वि॒श्वम् । हि ।
ए॒षा । अ॒वति॑ । ई॒डाम॑है । दे॒वान् । ई॒डे॒न्यान् । नम॑स्याम॒ नम॑स्यान् ।

यजाम॑ । य॒ज्ञि॒यान् । इति॑ । आ॒ह॒ । म॒नु॒ष्याः॑ । वै । ई॒डे॒न्याः॑ ।
पि॒तरः॑ । न॒म॒स्याः॑ । दे॒वाः । य॒ज्ञि॒याः॑ । दे॒वताः॑ । ए॒व () । तत् ।
यथा॑भा॒गमि॑ति यथा – भा॒गम् । य॒ज॒ति ॥ 56 (53)

(वि॒प्रा॒नु॒मदि॑त इ॒त्याह॑ – च॒ना – ऽस्मै॑ – हो॒तो – प॒भृद् –
दे॒वता॑ ए॒व – त्री॑णि च) (A9)

TS 2.5.10.1

त्री॑ꣳ स्तृ॒चान॑नु ब्रू॒याद्-रा॒ज॒न्य॒स्य त्रयो॑ वा अ॒न्ये रा॒ज॒न्यात् पु॒रुषा॑
ब्रा॒ह्म॒णो वैश्यः॑ शू॒द्रस्ता॑ने॒वास्मा॑ अनु॒कान् करो॑ति पञ्च॒द॒शानु॑ ब्रू॒याद्-
रा॒ज॒न्य॒स्य पञ्च॒द॒शो वै रा॒ज॒न्यः स्व॑ ए॒वैन॑ꣳ स्तो॒मे प्र॑ति ष्ठा॒पय॑ति
त्रि॒ष्टुभा॑ परि द॒द्ध्यादि॑न्द्रि॒यं वै त्रि॒ष्टुगि॑न्द्रि॒यका॑मः खलु॑ वै रा॒ज॒न्यो
यज॑ते त्रि॒ष्टुभै॑वास्मा॑ इन्द्रि॒यं परि॑ गृह्णा॒ति यदि॑ का॒मये॑त-[] 57

TS 2.5.10.1 - Padam

त्रीन् । तृ॒चान् । अ॒न्विति॑ । ब्रू॒यात् । रा॒ज॒न्य॒स्य । त्रयः॑ । वै । अ॒न्ये ।
रा॒ज॒न्यात् । पु॒रुषाः॑ । ब्रा॒ह्म॒णः । वैश्यः॑ । शू॒द्रः । तान् । ए॒व ।
अ॒स्मै । अनु॒कानि॑त्यनु॒ – कान् । करो॑ति ।
पञ्च॒द॒शेति॑ पञ्च – द॒श । अ॒न्विति॑ । ब्रू॒यात् । रा॒ज॒न्य॒स्य ।

पञ्चद॑श इति॑ पञ्च-द॒शः । वै । रा॒ज॒न्यः॑ । स्वे । ए॒व । ए॒नम् ।
स्तो॒मे॑ । प्र॒तीति॑ । स्था॒प॒य॒ति॑ । त्रि॒ष्टु॒भा॑ । प॒रीति॑ । द॒द्ध्य॒यात् ।
इ॒न्द्रि॒यम् । वै । त्रि॒ष्टुक् । इ॒न्द्रि॒य॒काम॑ इतीन्द्रि॒य – का॒मः॑ । ख॒लु ।
वै । रा॒ज॒न्यः॑ । य॒ज॒ते । त्रि॒ष्टु॒भा॑ । ए॒व । अ॒स्मै । इ॒न्द्रि॒यम् । प॒रीति॑ ।
गृ॒ह्णा॒ति॑ । य॒दि॑ । का॒म॒ये॒त॑ । 57 (50)

TS 2.5.10.2

ब्र॒ह्म॒वर्च॑स॒म॒स्त्विति॑ गा॒य॒त्रि॒या॒ परि॑ द॒द्ध्य॒याद्-ब्र॒ह्म॒वर्च॑सं वै गा॒य॒त्री
ब्र॒ह्म॒वर्च॑स॒मे॒व भ॑वति स॒प्त॒द॒शा॒नु ब्रू॒याद्-वै॒श्य॑स्य स॒प्त॒द॒शो वै
वै॒श्यः॑ स्व ए॒वैन॑ स्तो॒मे प्र॒ति ष्ठा॒प॒य॒ति॒ज॒ग॒त्या॒ परि॑ द॒द्ध्य॒या॒ज्जा॒ग॒ता
वै प॒श॒वः॑ प॒शु॒का॒मः॑ ख॒लु वै वै॒श्यो॑ य॒ज॒ते ज॒ग॒त्यै॒वा॒स्मै प॒शून्
परि॑ गृ॒ह्णा॒त्ये॒क॒विं॒श॒ति॒म॒नु ब्रू॒यात् प्र॒ति॒ष्ठा॒का॒म॒स्यै॒क॒विं॒शः॑ स्तो॒मा॒नां
प्र॒ति॒ष्ठा प्र॒ति॒ष्ठि॒त्यै – [] 58

TS 2.5.10.2 - Padam

ब्र॒ह्म॒वर्च॑स॒मि॒ति ब्र॒ह्म-वर्च॑सम् । अ॒स्तु॒ । इति॑ । गा॒य॒त्रि॒या॒ । प॒रीति॑ ।
द॒द्ध्य॒यात् । ब्र॒ह्म॒वर्च॑स॒मि॒ति ब्र॒ह्म – वर्च॑सम् । वै । गा॒य॒त्री ।
ब्र॒ह्म॒वर्च॑स॒मि॒ति ब्र॒ह्म – वर्च॑सम् । ए॒व । भ॑वति ।

सप्तद॑शेति॑ सप्त॑ – द॒श । अ॒न्वि॒ति । ब्रू॒यात् । वै॒श्यस्य॑ ।
सप्त॑द॒श इति॑ सप्त॑ – द॒शः । वै । वै॒श्यः । स्वे । ए॒व । ए॒नम् ।
स्तो॒मै॑ । प्र॒तीति॑ । स्था॒पय॑ति । जग॑त्या । प॒रीति॑ । द॒द्ध्यात् । जा॒गताः॑ ।
वै । प॒शवः॑ । प॒शुका॑म॒ इति॑ प॒शु – का॒मः । ख॒लु । वै । वै॒श्यः ।
यज॑ते । जग॑त्या । ए॒व । अ॒स्मै । प॒शून् । प॒रीति॑ । गृ॒ह्णाति॑ ।
ए॒कवि॑ंशति॒मित्ये॒क – वि॑ंशति॒म् । अ॒न्वि॒ति । ब्रू॒यात् ।
प्र॒तिष्ठा॑का॒मस्ये॑ति॒ प्रति॑ष्ठा – का॒मस्य॑ । ए॒कवि॑ंश इत्ये॒क-वि॑ंशः ।
स्तो॒माना॑म् । प्र॒तिष्ठे॑ति॒ प्रति॑ – स्था ।
प्र॒तिष्ठि॑त्या इति॒ प्रति॑ – स्थि॒त्यै । 58 (50)

TS 2.5.10.3

चतु॑र्विंशति॒मनु॑ ब्रू॒याद्-ब्र॑ह्मव॒र्चस॑का॒मस्य॑ चतु॑र्विंशत्यक्षरा
गा॒यत्री॑ गा॒यत्री॑ ब्र॑ह्मव॒र्चसं॑ गा॒यत्रि॑यैवा॒स्मै॑ ब्र॑ह्मव॒र्चस॑मव॒ रुन्धे॑
त्रि॑ंशत॒मनु॑ ब्रू॒याद॑न्नका॒मस्य॑ त्रि॑ंशदक्षरा वि॒राड॑न्नं वि॒राड्
वि॒राजै॑वा॒स्मा॑ अ॒न्नाद्य॑मव॒ रुन्धे॑ द्वात्रि॑ंशत॒मनु॑ ब्रू॒यात् प्र॒तिष्ठा॑का॒मस्य॑
द्वात्रि॑ंशदक्षरा ऽनु॒ष्टुग॑नु॒ष्टुप् छ॒न्दसां॑ प्र॒तिष्ठा॑ प्र॒तिष्ठि॑त्यै षट्त्रि॑ंशत॒मनु॑

ब्रू॒यात् प॒शु॒का॒म॒स्य॒ षट्त्रिं॑श॒दक्ष॒रा बृ॒हती॑ बा॒र्हताः॑ प॒शवो॑

बृ॒हत्यै॑वा॒स्मै प॒शू - [] 59

TS 2.5.10.3 - Padam

चतु॑र्विं॒शति॑मि॒ति चतुः॑ - वि॒ं॒शति॑म् । अ॒न्वि॒ति । ब्रू॒यात् ।

ब्र॒ह्मव॑र्च॒सका॒म॒स्येति॑ ब्र॒ह्मव॑र्च॒स - का॒म॒स्य ।

चतु॑र्विं॒शत्य॑क्ष॒रेति॑ चतु॑र्विं॒शति॑ - अ॒क्ष॒रा । गा॒य॒त्री ।

गा॒य॒त्री । ब्र॒ह्मव॑र्च॒समि॒ति ब्र॒ह्म - व॑र्च॒सम् । गा॒य॒त्रि॒या । ए॒व ।

अ॒स्मै । ब्र॒ह्मव॑र्च॒समि॒ति ब्र॒ह्म - व॑र्च॒सम् । अ॒वे॒ति । रु॒न्धे ।

त्रिं॒शत॑म् । अ॒न्वि॒ति । ब्रू॒यात् । अ॒न्नका॒म॒स्येत्य॑न्न - का॒म॒स्य ।

त्रिं॒शद॑क्ष॒रेति॑ त्रिं॒शत् - अ॒क्ष॒रा । वि॒राडि॑ति॒ वि - राट् । अ॒न्नम् ।

वि॒राडि॑ति॒ वि - राट् । वि॒राजे॑ति॒ वि - रा॒जा । ए॒व । अ॒स्मै ।

अ॒न्नाद्य॑मि॒त्यन्न॑ - अ॒द्यम् । अ॒वे॒ति । रु॒न्धे । द्वात्रिं॑श॒तम् । अ॒न्वि॒ति ।

ब्रू॒यात् । प्र॒तिष्ठा॑का॒म॒स्येति॑ प्र॒तिष्ठा - का॒म॒स्य ।

द्वात्रिं॑श॒दक्ष॒रेति॑ द्वात्रिं॑श॒त् - अ॒क्ष॒रा । अ॒नुष्टु॑गि॒त्यनु॑ - स्तुक् ।

अ॒नुष्टु॑बि॒त्यनु॑ - स्तुप् । छ॒न्द॒साम् । प्र॒तिष्ठे॑ति॒ प्रति॑ - स्था ।

प्रतिष्ठित्या॑ इति॒ प्रति॑ – स्थित्यै॑ । षट्त्रिंश॑तमिति॒ षट्-त्रिंश॑तम् ।

अन्विति॑ । ब्रूयात् । पशु॑कामस्येति॒ पशु॑ – कामस्य॑ ।

षट्त्रिंश॑दक्षरेति॒ षट्त्रिंश॑त् – अक्षरा॑ । बृहती॑ ।

बार्हताः॑ । पशवः॑ । बृहत्या॑ । एव॑ । अस्मै॑ । पशून् । 59 (50)

TS 2.5.10.4

-नव॑ रुन्धे॒ चतुश्च॑त्वारिंश॑तमनु॒ ब्रूयादिन्द्रि॑यकामस्य॒
चतुश्च॑त्वारिंश॑दक्षरा॒ त्रिष्टु॑गिन्द्रि॒यं त्रिष्टु॑प् त्रिष्टु॒भैवास्मा॑ इन्द्रि॒यमव॑
रुन्धे॒ ऽष्टाच॑त्वारिंश॑तमनु॒ ब्रूयात् पशु॑कामस्याष्टाच॑त्वारिंश॑दक्षरा॒
जगती॑ जागताः॒ पशवो॑ जगत्यैवास्मै॑ पशून्॒ व रुन्धे॒ सर्वाणि॑
छन्दा॑स्यनु॒ ब्रूयाद्-बहु॑याजिनः॒ सर्वाणि॑ वा एतस्य॒
छन्दा॑स्यवरु॒द्धानि॑ यो बहु॑याज्यपरि॒मितमनु॑
ब्रूयाद॑परि॒मितस्याव॑रुध्यै ॥ 60

TS 2.5.10.4 - Padam

अवेति॑ । रुन्धे॒ । चतुश्च॑त्वारिंश॑तमिति॒ चतुः॑ – चत्वारिंश॑तम् ।

अन्विति॑ । ब्रूयात् । इन्द्रि॑यकामस्येतीन्द्रि॒य – कामस्य॑ ।

चतुश्च॑त्वारिंश॑दक्षरेति॒ चतुश्च॑त्वारिंश॑त् – अक्षरा॑ । त्रिष्टुक् ।

इन्द्रि॒यम् । त्रि॒ष्टुप् । त्रि॒ष्टुभा॑ । ए॒व । अ॒स्मै । इन्द्रि॒यम् । अ॒वेति॑ ।
रु॒न्धे । अ॒ष्टाच॑त्वारि॒ंशत॑मित्य॒ष्टा – च॒त्वारि॒ंशत॑म् । अ॒न्विति॑ ।
ब्रू॒यात् । प॒शुकाम॑स्येति॒ प॒शु – का॒मस्य॑ ।
अ॒ष्टाच॑त्वारि॒ंशद॑क्षरेत्य॒ष्टाच॑त्वारि॒ंशत् – अ॒क्षरा॑ । जग॑ती ।
जाग॑ताः । प॒शवः॑ । जग॑त्या । ए॒व । अ॒स्मै । प॒शून् । अ॒वेति॑ ।
रु॒न्धे । सर्वा॑णि । छन्दा॑ँसि । अ॒न्विति॑ । ब्रू॒यात् । बहु॑या॒जिन॑ इति॒
बहु॑ – या॒जिनः॑ । सर्वा॑णि । वै । ए॒तस्य॑ । छन्दा॑ँसि ।
अ॒वरु॑द्धानीत्य॒व – रु॒द्धानि॑ । यः । बहु॑या॒जीति॑ बहु॑ – या॒जी ।
अ॒परि॑मितमित्य॒परि – मि॒तम् । अ॒न्विति॑ । ब्रू॒यात् ।
अ॒परि॑मितस्येत्य॒परि – मि॒तस्य॑ ।
अ॒वरु॑द्ध्या इत्य॒व – रु॒द्ध्यै ॥ 60 (47)

(का॒मर्य॑त – प्र॒ति॒ष्ठित्यै॑ – प॒शून्थ् – स॒प्तच॑त्वारि॒ंशच्च॑) (A10)

TS 2.5.11.1

नि॒वीतं॑ म॒नुष्या॑णां प्रा॒चीना॑वीतं॒ पित॑रूणा॒मुप॑वीतं॒ दे॒वाना॑मु॒प व्य॑यते
दे॒वल॑क्ष॒ममे॒व तत् कुरु॑ते ति॒ष्ठन्न॑न्वाह॒ तिष्ठ॑न् । ह्याश्रु॑त॒तरं॑ व॒दति॑

तिष्ठन्नन्वाह सुवर्गस्य लोकस्याभिजित्या आसीनो यजत्यस्मिन्नेव
लोके प्रति तिष्ठति यत् क्रौञ्चमन्वाहाऽऽसुरं तद्-यन्मन्द्रं मानुषं
तद्-यदन्तरा तथ् सदेवमन्तराऽनूच्य सदेवत्वाय विद्वांसो वै- [] 61

TS 2.5.11.1 - Padam

निवीतमिति नि - वीतम् । मनुष्याणाम् । प्राचीनावीतमिति
प्राचीन - आवीतम् । पितॄणाम् । उपवीतमित्युप - वीतम् ।
देवानाम् । उपेति । व्ययते । देवलक्ष्ममिति देव - लक्ष्मम् । एव ।
तत् । कुरुते । तिष्ठन् । अन्विति । आह । तिष्ठन् । हि ।
आश्रुततरमित्याश्रुत - तरम् । वदति । तिष्ठन् । अन्विति ।
आह । सुवर्गस्येति सुवः - गस्य । लोकस्य । अभिजित्या
इत्यभि - जित्यै । आसीनः । यजति । अस्मिन् । एव । लोके ।
प्रतीति । तिष्ठति । यत् । क्रौञ्चम् । अन्वाहेत्यनु-आह । आसुरम् ।
तत् । यत् । मन्द्रम् । मानुषम् । तत् । यत् । अन्तरा । तत् ।
सदेवमिति स - देवम् । अन्तरा । अनूच्यमित्यनु - उच्यम् ।
सदेवत्वायेति सदेव - त्वाय । विद्वांसः । वै । 61 (50)

TS 2.5.11.2

पुरा॑ हो॒तारो॑ऽभू॒वन् तस्मा॑द्-वि॒धृ॒ता अ॒ध्वानो॑ऽभू॒वन् न पन्था॑नः
सम॑रु॒क्षन् न॒न्तर्वे॑द्यन्यः पादो॑ भवति॑ ब॒हिर्वे॑द्यन्योऽथान्वा॒हादध्व॑नां
वि॒धृत्यै॑ प॒थाम॑स॒ङ्गो॒हाया॑थो भू॒तं चै॒व भ॒विष्य॑च्चाव॒ रुन्धे॑ऽथो
परि॑मितं चै॒वापरि॑मितं चाव॒ रुन्धे॑ऽथो ग्रा॒म्याञ् श्रै॒व प॒शूना॑रण्याञ्
श्चाव॑ रुन्धे॑ऽथो – [] 62

TS 2.5.11.2 - Padam

पुरा॑ । हो॒तारः॑ । अ॒भू॒वन् । तस्मा॑त् । वि॒धृ॒ता इति॑ वि - धृ॒ताः ।
अ॒ध्वानः॑ । अ॒भू॒वन् । न । पन्था॑नः । समि॑ति । अ॒रु॒क्षन् ।
अ॒न्तर्वे॑दीत्यन्तः - वे॒दि । अ॒न्यः । पादः॑ । भव॑ति । ब॒हिर्वे॑दीति
ब॒हिः - वे॒दि । अ॒न्यः । अथ॑ । अ॒न्वि॑ति । आ॒ह । अ॒ध्वना॑म् ।
वि॒धृत्या॑ इति॑ वि - धृ॒त्यै । प॒थाम् । अ॒स॒ङ्गो॒हाये॑त्यसं - रो॒हाय॑ ।
अथो॑ इति॑ । भू॒तम् । च॒ । ए॒व । भ॒विष्य॑त् । च॒ । अ॒वेति॑ । रुन्धे॑ ।
अथो॑ इति॑ । परि॑मितमि॒ति परि॑ - मि॒तम् । च॒ । ए॒व ।
अ॒परि॑मितमि॒त्यपरि॑ - मि॒तम् । च॒ । अ॒वेति॑ । रुन्धे॑ । अथो॑ इति॑ ।

ग्रा॒म्यान् । च॒ । ए॒व । प॒शून् । आ॒र॒ण्यान् । च॒ । अ॒वे॒ति॑ । रु॒न्धे॒ ।

अथो॒ इति॑ । 62 (50)

TS 2.5.11.3

दे॒व॒लो॒कं॑ चै॒व म॑नु॒ष्य॒लो॒कं॑ चा॒भि ज॑यति दे॒वा वै सा॑मि॒धेनी॒र॒नू॒च्य॑
य॒ज्ञं ना॑न्वप॒श्यन्त्स॑ प्र॒जाप॑तिस्तू॒ष्णी॒-मा॒घा॒र॒मा ऽघा॑रयत् ततो॒ वै
दे॒वा य॒ज्ञम॑न्वप॒श्यन् । यत् तू॒ष्णीमा॒घा॒र॒-मा॒घा॒र॒य॒ति य॒ज्ञस्या॑नु॒ख्या॒त्या
अथो॒ सा॒मि॒धेनी॒रे॒वाभ्य॑न॒क्त्य॒लू॒क्षो भ॑वति य ए॒वं वे॑दाथो

तर्प॑यत्ये॒वैना॑-स्तृ॒प्यति॑ प्र॒जया॑ प॒शुभि॑र् - [] 63

TS 2.5.11.3 - Padam

दे॒व॒लो॒क॒मि॒ति॑ दे॒व - लो॒कम् । च॒ । ए॒व । म॑नु॒ष्य॒लो॒क॒मि॒ति॑
म॑नु॒ष्य - लो॒कम् । च॒ । अ॒भी॒ति॑ । ज॒य॒ति॑ । दे॒वाः । वै ।
सा॒मि॒धेनी॒रि॒ति॑ सां - इ॒धेनीः॑ । अ॒नू॒च्ये॒त्यनु॑ - उ॒च्य॑ ।
य॒ज्ञम् । न । अ॒न्वि॒ति॑ । अ॒प॒श्य॒न् । सः । प्र॒जाप॑तिरि॒ति॑
प्र॒जा - प॒तिः॑ । तू॒ष्णी॒म् । आ॒घा॒र॒मि॒त्या॑-घा॒रम् । ए॒ति॑ । अ॒घा॒र॒य॒त् ।
ततः॑ । वै । दे॒वाः । य॒ज्ञम् । अ॒न्वि॒ति॑ । अ॒प॒श्य॒न् । यत् । तू॒ष्णी॒म् ।
आ॒घा॒र॒मि॒त्या॑ - घा॒रम् । आ॒घा॒र॒य॒ती॒त्या॑ - घा॒र॒य॒ति॑ । य॒ज्ञस्य॑ ।

अनु॒ख्या॒त्या इत्यनु॑ – ख्या॒त्यै । अथो॒ इति॑ । सा॒मि॒धेनी॒रिति॑
 सां – इ॒धेनीः॑ । ए॒व । अ॒भीति॑ । अ॒नक्ति॑ । अ॒लूक्षः॑ । भ॒वति॑ । यः ।
 ए॒वम् । वेद॑ । अथो॒ इति॑ । त॒र्पय॑ति । ए॒व । ए॒नाः । तृ॒प्यति॑ ।
 प्र॒जये॑ति प्र – जया॑ । प॒शुभि॒रिति॑ प॒शु – भिः॑ । 63 (50)

TS 2.5.11.4

य ए॒वं वेद॑ यदे॒कया॑ ऽऽघा॒रये॒देकां॑ प्री॒णीयाद्-यद् द्वाभ्यां॑ द्वे
 प्री॒णीयाद्-यद् ति॒सृभि॒रिति॑ तद्रे॒चये॑न् मन॒साऽऽ घा॒रय॑ति मन॒सा
 ह्यना॑प्तमा॒प्यते॑ ति॒र्यञ्च॑मा घा॒रय॑त्यछ॒म्बट्कारं॑ वाक् च
 मन॑श्चाऽऽर्ती॒येता॒महं॑ दे॒वेभ्यो॑ ह॒व्यं व॑हामीति॒ वाग॑ब्रवीदहं॒ देवे॑भ्य इति॒
 मन॑स्तौ प्र॒जाप॑तिं प्र॒श्नमै॑तां सोऽब्र॑वीत् – [] 64

TS 2.5.11.4 - Padam

यः । ए॒वम् । वेद॑ । यत् । ए॒कया॑ । आ॒घा॒रये॒दित्या॑ – घा॒रये॑त् ।
 ए॒काम् । प्री॒णीया॑त् । यत् । द्वा॒भ्याम् । द्वे इति॑ । प्री॒णीया॑त् । यत् ।
 ति॒सृभि॒रिति॑ ति॒सृ – भिः॑ । अ॒तीति॑ । तत् । रे॒चये॑त् ।
 मन॑सा । ए॒ति । घा॒रय॑ति । मन॑सा । हि । अ॒नाप्त॑म् । आ॒प्यते॑ ।
 ति॒र्यञ्च॑म् । ए॒ति । घा॒रय॑ति । अ॒छम्ब॑ट्कार॒मित्य॑छम्बट् – का॒रम् ।

वाक् । च । मनः । च । आ॒र्ती॒ये॒ताम् । अ॒हम् । दे॒वे॒भ्यः । ह॒व्यम् ।
व॒हा॒मि । इति । वाक् । अ॒ब्र॒वीत् । अ॒हम् । दे॒वे॒भ्यः । इति । मनः ।
तौ । प्र॒जा॒प॒ति॒मि॒ति प्र॒जा – प॒तिम् । प्र॒श्न॒म् । ऐ॒ताम् । सः ।

अ॒ब्र॒वीत् । 64 (50)

TS 2.5.11.5

प्र॒जा॒प॒ति॒र्दू॒ती॒रे॒व त्वं मन॑सोऽसि यद्धि॑ मन॑सा ध्या॑यति तद्-वा॒चा
वद॑तीति॒ तत् खलु॑ तु॒भ्यं न वा॒चा जु॒हव॑न्नित्यब्रवीत् तस्मा॑न्मन॑सा
प्र॒जा॒प॒तये॑ जुह॑तिमन॑ इव॒ हि प्र॒जा॒प॒तिः प्र॒जा॒प॒ते॒राप्त्यै॑ परि॒धी॒न्त्सं
मा॒र्ष्टि पु॒ना॒त्ये॒वैनान्त्रि॑र्म॒द्ध्य॒मं त्रयो॑ वै प्रा॒णाः प्रा॒णाने॒वाभि॑ ज॒यति॑
त्रि॒र्दक्षि॑णार्द॒ध्यं त्रय॑ – [] 65

TS 2.5.11.5 - Padam

प्र॒जा॒प॒ति॒रिति॑ प्र॒जा – प॒तिः । दू॒तीः । ए॒व । त्वम् । मन॑सः । अ॒सि ।
यत् । हि । मन॑सा । ध्या॑यति । तत् । वा॒चा । वद॑ति । इति॑ । तत् ।
खलु॑ । तु॒भ्यम् । न । वा॒चा । जु॒हव॑न् । इति॑ । अ॒ब्र॒वीत् । तस्मा॑त् ।
मन॑सा । प्र॒जा॒प॒तय॑ इति॑ प्र॒जा – प॒तये॑ । जुह॑ति । मनः । इव॒ । हि ।
प्र॒जा॒प॒ति॒रिति॑ प्र॒जा – प॒तिः । प्र॒जा॒प॒ते॒रिति॑ प्र॒जा – प॒तेः । आ॒प्त्यै॑ ।

परि॒धी॒निति॑ परि – धीन् । समि॒ति । मा॒र्ष्टि॑ । पु॒नाति॑ । ए॒व । ए॒नान् ।
त्रिः । म॒द्ध्य॒मम् । त्रयः॑ । वै । प्रा॒णा इति॑ प्र – अ॒नाः ।
प्रा॒णानि॑ति प्र – अ॒नान् । ए॒व । अ॒भि॒ति । ज॒यति॑ । त्रिः ।
दक्षि॒णार्द्ध्य॑मिति॑ दक्षिण – अ॒र्द्ध्यम् । त्रयः॑ । 65 (50)

TS 2.5.11.6

इ॒मे लो॒का इ॒माने॒व लो॒कान॒भि ज॒यति॑ त्रि॒रु॒त्तरा॑र्द्ध्यं त्रयो॒ वै दे॒वया॒नाः
प॒न्थान॑स्ता॒नेवा॒भि ज॒यति॑ त्रि॒रुप॑ वा॒जयति॑ त्रयो॒ वै दे॒वलो॒का
दे॒वलो॒काने॒वाभि॑ ज॒यति॑ द्वा॒दश॒ सं प॒द्यन्ते॒ द्वा॒दश॒ मा॒साः
सँ॒व॒त्स॒रः सँ॒व॒त्स॒रमे॒व प्री॑णा॒त्यथो॑ सँ॒व॒त्स॒रमे॒वास्मा॑उप॑ दधाति
सु॒वर्ग॑स्य लो॒कस्य॑ स॒म॒ष्ट्या॑ आ॒घार॑मा घा॒रयति॑ ति॒र इ॒व – [] 66

TS 2.5.11.6 - Padam

इ॒मे । लो॒काः । इ॒मान् । ए॒व । लो॒कान् । अ॒भी॒ति । ज॒यति॑ । त्रिः ।
उ॒त्तरा॑र्द्ध्य॒मित्यु॒त्तर – अ॒र्द्ध्यम् । त्रयः॑ । वै । दे॒वया॒ना इति॑
दे॒व – या॒नाः । प॒न्थानः॑ । तान् । ए॒व । अ॒भी॒ति । ज॒यति॑ । त्रिः ।
उ॒पेति॑ । वा॒जयति॑ । त्रयः॑ । वै । दे॒वलो॒का इति॑ दे॒व – लो॒काः ।
दे॒वलो॒कानि॑ति दे॒व – लो॒कान् । ए॒व । अ॒भी॒ति । ज॒यति॑ ।

द्वा॒द॒श॒ । स॒मि॒ति॒ । प॒द्य॒न्ते॒ । द्वा॒द॒श॒ । मा॒साः॑ । सँ॒व॒त्स॒र॒ इति॑
सं – व॒त्स॒रः॑ । सँ॒व॒त्स॒र॒मि॒ति॑ सं – व॒त्स॒र॒म् । ए॒व । प्री॒णा॒ति॒ ।
अ॒थो इति॑ । सँ॒व॒त्स॒र॒मि॒ति॑ सं – व॒त्स॒र॒म् । ए॒व । अ॒स्मै॒ । उ॒पे॒ति॒ ।
द॒धा॒ति॒ । सु॒व॒र्ग॒स्ये॒ति॑ सु॒वः॑ – ग॒स्य॑ । लो॒क॒स्य॑ ।
स॒म॒ष्ट्या॒ इति॑ सं – अ॒ष्ट्यै॒ । आ॒धा॒र॒मि॒त्या॑ – धा॒र॒म् । ए॒ति॒ ।

धा॒र॒य॒ति॒ । ति॒रः॑ । इ॒व । 66 (50)

TS 2.5.11.7

वै सु॒व॒र्गो लो॒कः॑ सु॒व॒र्ग॒मे॒वा॒स्मै॑ लो॒कं॑ प्र रो॒च॒य॒त्यृ॒जु॒मा॑ धा॒र॒य॒त्यृ॒जु॒रि॒व
हि प्रा॒णः स॒न्त॒त॒मा॒ धा॒र॒य॒ति॑ प्रा॒णा॒ना॒म॒न्ना॒द्य॒स्य॑ स॒न्त॒त्या॒ अ॒थो
र॒क्ष॒सा॒म॒प॒ह॒त्यै॒ यं का॒म॒ये॒त प्र॒मा॒यु॒कः॑ स्या॒दि॒ति॑ जि॒ह्वं॑ तस्याऽऽधा॒र॒ये॒त्
प्रा॒ण॒मे॒वा॒स्मा॒ज्जि॒ह्वं॑ न॒य॒ति॑ ता॒ज॒क् प्र मी॒य॒ते॒शि॒रो वा ए॒तद्-य॒ज्ञ॒स्य॑
य॒दा॒धा॒र आ॒त्मा ध्रु॒वा – [] 67

TS 2.5.11.7 - Padam

वै । सु॒व॒र्ग इति॑ सु॒वः॑ – गः॑ । लो॒कः॑ । सु॒व॒र्ग॒मि॒ति॑ सु॒वः॑ – ग॒म् ।
ए॒व । अ॒स्मै॒ । लो॒क॒म् । प्रे॒ति॑ । रो॒च॒य॒ति॑ । ऋ॒जु॒म् । ए॒ति॑ । धा॒र॒य॒ति॒ ।
ऋ॒जुः॑ । इ॒व । हि॒ । प्रा॒ण इति॑ प्र – अ॒नः॑ । स॒न्त॒त॒मि॒ति॑ सं – त॒त॒म् ।

ए॒ति । घा॒र॒य॒ति । प्रा॒णा॒ना॒मि॒ति प्र – अ॒ना॒ना॒म् ।

अ॒न्ना॒द्य॒स्ये॒त्यन्न – अ॒द्य॒स्य । स॒न्त॒त्या इति॒ सं – त॒त्यै । अथो॒ इति॒ ।
रक्ष॑साम् । अ॒प॒ह॒त्या इत्य॑प – ह॒त्यै । यम् । का॒म॒ये॒त । प्र॒मा॒यु॒क इति॑
प्र – मा॒यु॒कः । स्या॒त् । इति॑ । जि॒ह्व॒म् । तस्य॑ । ए॒ति । घा॒र॒ये॒त् ।
प्रा॒णमि॒ति प्र-अ॒न॒म् । ए॒व । अ॒स्मा॒त् । जि॒ह्व॒म् । न॒य॒ति । ता॒ज॒क् ।
प्रे॒ति । मी॒य॒ते । शि॒रः । वै । ए॒त॒त् । य॒ज्ञ॒स्य॑ । य॒त् ।

आ॒घा॒र इत्या॑ – घा॒रः । आ॒त्मा । ध्रु॒वा । 67 (50)

TS 2.5.11.8

ऽऽघा॒र॒मा॒घा॒र्य॑ ध्रु॒वाꣳ स॒म॒न॒क्त्वा॒त्म॒न्ने॒व य॒ज्ञ॒स्य॑ शि॒रः प्र॒ति
द॒धा॒त्य॒ग्नि॒र्दे॒वानां॑ दू॒त आ॒सी॒द् दै॒व्योऽसु॑राणां॒ तौ प्र॒जा॒प॒तिं प्र॒श्न॒मै॒ताꣳ
स प्र॒जा॒प॒तिर् ब्रा॒ह्म॒ण-म॒ब्र॒वी॒दे॒तद्-वि ब्रू॑हीत्या श्रा॒व॒ये॒ती॒दं दे॒वाः
शृ॒णु॒ते॒ति वा॒व तद॑ब्रवी॒द॒ग्नि॒र्दे॒वो हो॒ते॒ति य ए॒व दे॒वानां॑ त॒मवृ॑णी॒त
ततो॑ दे॒वा – [] 68

TS 2.5.11.8 - Padam

आ॒घा॒र॒मि॒त्या – घा॒र॒म् । आ॒घा॒र्ये॒त्या – घा॒र्य॑ । ध्रु॒वा॒म् । स॒मि॒ति ।
अ॒न॒क्ति॑ । आ॒त्म॒न् । ए॒व । य॒ज्ञ॒स्य॑ । शि॒रः । प्र॒ती॒ति । द॒धा॒ति॑ ।

अ॒ग्निः । दे॒वाना॑म् । दू॒तः । आसी॑त् । दै॒व्यः । अ॒सुरा॑णाम् । तौ ।
 प्र॒जाप॑तिमि॒ति प्र॒जा – प॒तिम् । प्र॒श्ज॑म् । ऐ॒ताम् । सः ।
 प्र॒जाप॑तिरि॒ति प्र॒जा – प॒तिः । ब्रा॒ह्म॒णम् । अ॒ब्रवी॑त् । ए॒तत् । वी॒ति ।
 ब्रू॒हि । इति॑ । ए॒ति । श्रा॒वय॑ । इति॑ । इ॒दम् । दे॒वाः । शृ॒णु॒त । इति॑ ।
 वा॒व । तत् । अ॒ब्रवी॑त् । अ॒ग्निः । दे॒वः । हो॒ता । इति॑ । यः । ए॒व ।
 दे॒वाना॑म् । तम् । अ॒वृ॒णी॒त । ततः॑ । दे॒वाः । 68 (50)

TS 2.5.11.9

अ॒भव॑न् प॒राऽसु॑रा॒ यस्यै॒वं वि॒दुषः॑ प्र॒वरं॑ प्र॒वृ॒ण॒ते भ॑व॒त्यात्म॑ना
 प॒राऽस्य॑ भ्रा॒तृव्यो॑ भ॒वति॑ यद्-ब्रा॒ह्म॒णश्चा॒ब्रा॒ह्म॒णश्च॑ प्र॒श्ज॑मे॒यातां॑
 ब्रा॒ह्म॒णाया॑धि ब्रू॒याद् यद्-ब्रा॒ह्म॒णाया॑द्द॒ध्याहा॑ऽऽत्म॒ने ऽद्द॒ध्याह॑ यद्-ब्रा॒ह्म॒णं
 प॒राहा॑ऽऽत्मा॒नं प॒रा ऽऽह॑ तस्मा॑द् ब्रा॒ह्म॒णो न॑ प॒रोच्यः॑ ॥ 69

TS 2.5.11.9 - Padam

अ॒भव॑न् । प॒रेति॑ । अ॒सुराः॑ । य॒स्य । ए॒वम् । वि॒दुषः॑ । प्र॒वर॑मि॒ति
 प्र – व॒रम् । प्र॒वृ॒ण॒त इति॑ प्र – वृ॒ण॒ते । भ॒वति॑ । आ॒त्म॒ना । प॒रेति॑ ।
 अ॒स्य । भ्रा॒तृव्यः॑ । भ॒वति॑ । यत् । ब्रा॒ह्म॒णः । च॑ । अ॒ब्रा॒ह्म॒णः । च॑ ।
 प्र॒श्ज॑म् । ए॒याता॑मि॒त्या – इ॒याता॑म् । ब्रा॒ह्म॒णा॒य । अधी॑ति । ब्रू॒यात् ।

यत् । ब्रा॒ह्म॒णाय॑ । अ॒ध्या॒हेत्य॑धि-आह॑ । आ॒त्म॒ने॑ । अधी॑ति ।
आ॒ह॒ । यत् । ब्रा॒ह्म॒णम् । प॒रा॒हेति॑ प॒रा - आ॒ह॒ । आ॒त्मा॒नम् । प॒रेति॑ ।
आ॒ह॒ । तस्मा॑त् । ब्रा॒ह्म॒णः । न । प॒रोच्य॑ इति॑ प॒रा-उच्यः॑ ॥ 69 (40)
(वा - आ॒र॒ण्या॑ञ्चाव॑ रुन्धे॑ऽथो - प॒शु॒भिः - सोऽब्र॑वीद् -
दक्षि॑णा॒र्ध्यं॑ त्रय॑ - इव - ध्रु॒वा - दे॒वा - श्र॑त्वा॒रि॒ञ्च॑) (A11)

TS 2.5.12.1

आ॒यु॒ष्ट आ॒यु॒र्दा अ॒ग्न आ॒प्याय॑स्व सं ते ऽव॑ ते हे॒ड उ॒दु॒त्त॒मं प्र णो॑
दे॒व्या नो॑ दि॒वो ऽग्न॑विष्णू॒ अग्न॑विष्णू॒ इ॒मं मे॑ वरु॒ण तत्त्वा॑
या॒म्यु॒दु॒त्यम् चि॒त्रम् ॥

अ॒पां न॒पा॒दा ह्य॒स्था॒दु॒प॒स्थं जि॒ह्म॒ना॒मूर्द्ध॑वो वि॒द्युतं॑ व॒सानः॑ ।
तस्य॑ ज्येष्ठं॑ म॒हि॒मानं॑ व॒हन्ती॑र्. हि॒र॒ण्य॒व॒र्णाः परि॑ यन्ति॒ य॒ह्वीः ॥

स - [] 70

TS 2.5.12.1 - Padam

आ॒युः । ते । आ॒यु॒र्दा इत्या॑युः - दाः । अ॒ग्ने । एति॑ । प्या॒य॒स्व ।
स॒मि॒ति । ते । अ॒वेति॑ । ते । हे॒डः । उ॒दि॒ति । उ॒त्त॒म॒मि॒त्युत् - त॒मम् ।
प्रेति॑ । नः । दे॒वी । एति॑ । नः । दि॒वः । अ॒ग्न॑विष्णू॒ इत्य॑ग्न॒-वि॒ष्णू ।

अ॒ग्नावि॒ष्णू इ॒त्यग्ना॑ – वि॒ष्णू । इ॒मम् । मे॒ । व॒रु॒ण । तत् । त्वा॒ ।
या॒मि । उ॒दि॒ति । उ॒ । त्यम् । चि॒त्रम् ॥ अ॒पाम् । न॒पात् । ए॒ति । हि॒ ।
अ॒स्थात् । उ॒प॒स्थ॒मि॒त्युप॑ – स्थम् । जि॒ह्वा॒नाम् । ऊ॒र्ध्वः ।
वि॒द्यु॒त॒मि॒ति वि॑ – द्यु॒तम् । व॒सानः ॥ त॒स्य । ज्येष्ठ॑म् । म॒हि॒मा॒नम् ।
व॒ह॒न्तीः । हि॒र॒ण्य॒व॒र्णा इति॑ हि॒र॒ण्य – व॒र्णाः । प॒री॒ति । य॒न्ति ।
य॒ह्वीः ॥ स॒मि॒ति । 70 (50)

TS 2.5.12.2

–म॒न्या य॒न्त्युप॑ य॒न्त्य॒न्याः स॒मा॒न॒मूर्व॑ न॒द्यः पृ॒णन्ति॑ ।
त॒मू शु॒चिꣳ शु॒चयो॑ दी॒दि॒वाꣳस॑–म॒पां न॒पातं॑ प॒रि॒त॒स्थु॒रापः॑ ।
त॒म॒स्मे॒रा यु॒व॒तयो॑ यु॒वा॒नं म॒र्म॒ज्य॒मा॒नाः प॒रि य॒न्त्यापः॑ ॥
स शु॒क्रेण॑ शि॒क्व॒ना रे॒व॒द॒ग्नि॒र्दी॒दाया॑नि॒द्ध्मो घृ॒त॒नि॒र्णि॒ग॒प्सु ॥
इ॒न्द्रा॒व॒रु॒णयो॒रहꣳ स॒म्रा॒जो॒रव॑ आ वृ॒णे ।
ता नो॑ मृ॒डा॒त ई॒दृशे॑ ॥
इ॒न्द्रा॒व॒रु॒णा यु॒व॒म॒ध्व॒राय॑ नो – [] 71

TS 2.5.12.2 - Padam

अ॒न्याः । य॒न्ति । उ॒पेति॑ । य॒न्ति । अ॒न्याः । स॒मा॒नम् । ऊ॒र्वम् ।
न॒द्यः । पृ॒णन्ति॑ ॥ तम् । उ॒ । शु॒चि॒म् । शु॒चयः॑ । दी॒दि॒वा॒सम् ।
अ॒पाम् । न॒पा॒तम् । प॒रीति॑ । त॒स्थुः । आ॒पः ॥ तम् । अ॒स्मे॒राः ।
यु॒वत॑यः । यु॒वा॒नम् । म॒र्म॒ज्य॒मा॒नाः । प॒रीति॑ । य॒न्ति । आ॒पः ॥
सः । शु॒क्रेण॑ । शि॒क्व॒ना । रे॒वत् । अ॒ग्निः । दी॒दा॒य । अ॒नि॒ध्मः ।
घृ॒त॒नि॒र्णि॒गिति॑ घृ॒त – नि॒र्णिक् । अ॒प्ति॒स्व॒त्यप् – सु ॥
इ॒न्द्रा॒व॒रु॒णयो॒रिती॑न्द्रा – व॒रु॒णयोः॑ । अ॒हम् । स॒म्रा॒जो॒रिति॑
सं – रा॒जोः॑ । अ॒वः । ए॒ति । वृ॒णे ॥ ता । नः । मृ॒डा॒तः । ई॒दृशे॑ ॥
इ॒न्द्रा॒व॒रु॒णेती॑न्द्रा – व॒रु॒णा । यु॒वम् । अ॒ध्व॒रा॒य । नः । 71 (50)

TS 2.5.12.3

वि॒शे ज॒ना॒य म॒हि श॒र्म य॒च्छतं॑ ।
दी॒र्घ॒प्र॒य॒ज्यु॒मति॑ यो व॒नुष्य॑ति व॒यं ज॒येम॑ पृ॒त॒ना॒सु दू॒ढ्यः॑ ॥
आ नो॑ मि॒त्रा॒व॒रु॒णा प्र॒बा॒हवा॑ ॥
त्वं नो॑ अ॒ग्ने व॒रु॒णस्य॑ वि॒द्वान् दे॒वस्य॑ हे॒डोऽव॑ या॒सि॒सी॒ष्ठाः ।
य॒जि॒ष्ठो व॒ह्नि॒तमः॑ शो॒शु॒चा॒नो वि॒श्वा द्वे॒षा॒सि प्र॑ मु॒मु॒ग्ध्य॒स्मत् ॥

स त्वं नो अग्नेऽवमो भवोती नेदिष्ठो अस्या उषसो व्युष्टौ ।

अव यक्ष्व नो वरुणः - [] 72

TS 2.5.12.3 - Padam

विशे । जनाय । महि । शर्म । यच्छतम् ॥ दीर्घप्रयज्युमिति
दीर्घ - प्रयज्युम् । अतीति । यः । वनुष्यति । वयम् । जयेम ।
पृतनासु । दूढ्यः ॥ एति । नः । मित्रावरुणेति मित्रा - वरुणा ।
प्रेति । बाहवा ॥ त्वम् । नः । अग्ने । वरुणस्य । विद्वान् । देवस्य ।
हेडः । अवेति । यासिसीष्ठाः ॥ यजिष्ठः । वह्नितम इति वह्नि-तमः ।
शोशुचानः । विश्वा । द्वेषांसि । प्रेति । मुमुग्धि । अस्मत् ॥ सः ।
त्वम् । नः । अग्ने । अवमः । भव । ऊती । नेदिष्ठः । अस्याः ।
उषसः । व्युष्टाविति वि - उष्टौ ॥ अवेति । यक्ष्व । नः ।
वरुणम् । 72 (50)

TS 2.5.12.4

रराणो वीहि मृडीकः सुहवो न एधि ॥
प्रप्रायमग्निर्भरतस्य शृण्वे वि यथ् सूर्यो न रोचते बृहद्भाः ।
अभि यः पूरुं पृतनासु तस्थौ दीदाय दैव्यो अतिथिः शिवो नः ॥

प्र ते यक्षि प्र त इयर्मि मन्म भुवो यथा वन्द्यो नो हवेषु ।

धन्वन्निव प्रपा असि त्वमग्न इयक्षवे पूरवे प्रल राजन् ॥ 73

TS 2.5.12.4 - Padam

रराणः । वीहि । मृडीकम् । सुहव इति सु – हवः । नः । एधि ॥

प्रप्रेति प्र – प्र । अयम् । अग्निः । भरतस्य । शृण्वे । वीति । यत् ।

सूर्यः । न । रोचते । बृहत् । भाः ॥ अभीति । यः । पूरुम् ।

पृतनासु । तस्थौ । दीदाय । दैव्यः । अतिथिः । शिवः । नः ॥ प्रेति ।

ते । यक्षि । प्रेति । ते । इयर्मि । मन्म । भुवः । यथा । वन्द्यः । नः ।

हवेषु ॥ धन्वन् । इव । प्रप्रेति प्र – पा । असि । त्वम् । अग्ने ।

इयक्षवे । पूरवे । प्रल । राजन् ॥ 73 (50)

TS 2.5.12.5

वि पाजसा वि ज्योतिषा ॥

स त्वमग्ने प्रतीकेन प्रत्योष यातुधान्यः ।

उरुक्षयेषु दीद्यत् ॥

तꣳ सुप्रतीकꣳ सुदृशꣳ स्वञ्चमविद्वाꣳसो विदुष्टरꣳ सपेम ।

स यक्ष-द्विश्वा वयुनानि विद्वान् प्र हव्यमग्निरमृतेषु वोचत् ॥

अ॒हो॒मु॒चे॒ वि॒वे॒ष॒ यन्मा॒ वि॒ न॒ इ॒न्द्रे॒ न्द्र॒ क्ष॒त्र॒मि॒न्द्रि॒याणि॑
श॒त॒क्र॒तो॒ ऽनु॒ ते॒ दा॒यि ॥ 74

TS 2.5.12.5 - Padam

वी॒ति॒ । पा॒ज॒सा॒ । वी॒ति॒ । ज्यो॒ति॒षा॒ ॥ सः॑ । त्व॒म् । अ॒ग्ने॑ ।
प्र॒ती॒के॒न॒ । प्र॒ती॒ति॒ । ओ॒ष॒ । या॒तु॒धा॒न्य॑ इति॒ या॒तु॒ – धा॒न्यः॑ ॥
उ॒रु॒क्ष॒ये॒ष्वि॒त्यु॒रु॒ – क्ष॒ये॒षु॒ । दी॒द्यत् ॥ तम् । सु॒प्र॒ती॒क॒मि॒ति॑
सु॒ – प्र॒ती॒क॒म् । सु॒दृ॒श॒मि॒ति॑ सु॒ – दृ॒श॒म् । स्व॒ञ्च॒म् ।
अ॒वि॒द्वा॒ऽसः॑ । वि॒दु॒ष्ट॒र॒मि॒ति॑ वि॒दुः॑ – त॒र॒म् । स॒पे॒म॒ ॥ सः॑ । य॒क्ष॒त् ।
वि॒श्वा॑ । व॒यु॒ना॒नि॒ । वि॒द्वान् । प्रे॒ति॒ । ह॒व्य॒म् । अ॒ग्निः॑ । अ॒मृ॒ते॒षु॒ ।
वो॒च॒त् ॥ अ॒हो॒मु॒च॒ इत्य॑हः॑ – मु॒चे॑ । वि॒वे॒ष॒ । यत् । मा॒ । वी॒ति॒ ।
नः॑ । इ॒न्द्र॒ । इ॒न्द्र॒ । क्ष॒त्र॒म् । इ॒न्द्रि॒या॒णि॑ । श॒त॒क्र॒तो॒ इति॑ श॒त॒–क्र॒तो॒ ।
अ॒न्वि॒ति॒ । ते॒ । दा॒यि ॥ 74 (44)

(य॒ह्वीः॑ स॒ – म॒द॒ध्व॒राय॑ नो॒ – व॒रु॒ण॒ – रा॒ज॒ –
श्च॒तु॒श्च॒त्वा॒रि॒श्च॒) (A12)

Prasna Korvai with starting Padams of 1 to 12 Anuvaakams :-

(वि॒श्वरू॒प – स्त्व॑ष्टे – न्द्रं॑ वृ॒त्रं – ब्र॑ह्मवा॒दिनः॑ स त्वै –
नासो॑मयाज्ये – ष वै दे॒वरथो॑ – दे॒वा वै न॑र्चि ना – य॒ज्ञो –
ऽग्ने॑ म॒हान् – त्रीन् – नि॒वीत – मा॒युष्टे – द्वाद॑श)

Korvai with starting Padams of 1, 11, 21 Series of Panchaatis :-

(वि॒श्वरू॒पो – नैन॑श् शी॒तरू॒रा – व॒द्य व॒सु – पूर्वे॑द्युर् – वा॒जा इत्य॑
– ग्ने॑ म॒हान् – नि॒वीत – म॒न्या य॒न्ति – चतुः॑ स॒प्ततिः॑)

First and Last Padam of Fifth Prasnam of Kandam 2:-

(वि॒श्वरू॒पो – ऽनु॑ ते दा॒यि)

॥ हरिः ओं ॥

॥ कृष्ण यजुर्वेदीय तैत्तिरीय संहिता पद पाठे

द्वितीयकाण्डे पञ्चमः प्रश्नः समाप्तः ॥

Summary breakup of Padam - in Kaandam 2, Prasnam 5

Particulars		Example (in Pada PaaTam)	No. of Padams as per Pada PaaTam
सामान्य पदानि	Ord	इषे । त्वा । ऊर्जे ।	2753
उपसर्ग पदानि	PRE	एति = (आ+इति) । उपेति = (उप+इति) । प्रेति = (प्र+इति) ।	270
वेष्टन पदानि	PS	उपायवः = उपायव इत्युप - आयवः । बाहुभ्याम् = बाहुभ्यामिति बाहु - भ्याम्) ।	601
प्रग्रह पदानि	PG	ते = (ते इति) । त्वे = (त्वे इति) । चक्षुषी = (चक्षुषी इति) । विष्णो = विष्णो इति ।	32
प्रग्रह वेष्टन पदानि	PGS	अधिषवणे = अधिषवणे इत्यधि - सवने । इन्द्राग्री = इन्द्राग्री इतीन्द्र - अग्री	9
Total Padams			3665

Details of Panchati and Padam for Kandam 2 , Prasanam 5 (TS 2.5)

	Panchati	Padams
Anuvakam 1	7	353
Anuvakam 2	7	354
Anuvakam 3	7	342
Anuvakam 4	5	230
Anuvakam 5	6	306
Anuvakam 6	6	307
Anuvakam 7	5	260
Anuvakam 8	7	329
Anuvakam 9	6	303
Anuvakam 10	4	197
Anuvakam 11	9	440
Anuvakam 12	5	244
Total →	74	3665

Notes:

- Please refer to the book “TS Kandam 1” and “TS 1.1 pada paadam with Vaakyam” for notes and conventions used in this Compilation.
- Please download our vedic compilations from our web site www.vedavms.in